


# *UKWESHA UKUBOMBELA LESA*

## *UMULIMO UKWABULA CENA*

### *UKUBA UBUFWAYO BWAKWA LESA*

 Bakapyunga ba munyina, kabili naimwe bacibusa kunse uko, Nde tila cakutotela pansambu ishipelwe pano luno lucelo. Ica kulondoloa icaba nga ico, mulandunshi, Ine nshishibe ifyo Ine nkekala ukukwanisha ukufika kuli ico cimo.

<sup>2</sup> Lelo ukwikalafye apa tulelanda, Munyina Nolan, Nshi lecetekela nga Nalikumanyapo umuntu bwino bwinofye (Bonse twapangwa mufikombola ifyapusana pusana, lelo umo wine Lesa.) nga Munyina Jack Moore, um-hum, ukuba, ena mucishinka aliba...Munyina Nolan acilatila, “Apo Nabela kuno nankwe ena...” (uyo mupongoshi-wakwe-umwaume), kabili nomba ena eflyo asambilile ukumutemwa kabili nokucindika amano akwata kabili nefintu. Kabili ico, kuti Natila “ameni” kuli ico. Ifintu ifingi ifyawama...inshita ishing'i isho ifwe twakwata pamo, ena na Ine, kabili Munyina Brown, Munyina Boutliere pano. Abasuma abaume bakwa Lesa abo Ine mucine nalibatemwa no mutima wandi onse.

<sup>3</sup> Kabili ilyo Na—Na mona ukuti ifwe bonse tatulebwekela ku bwaice, ukuba, Ndetontonkanyafye panshita iyo iletutamba ilyo ifwe tulecinja ukufuma kumyaka mupepi na makumi yabili ukulatoloka ifiswebebe, nafimbipo pamo nga abacilumendo abaume. Lelo ukwishibafye ukuti kwalibe Calo uko ifwe tatwakatale kota. Ifwe tukakumana kulya nakabili bumo ubushiku.

<sup>4</sup> Mailo munshita yabushiku ilyo Nalefuma mwi hema, pali umunono namayo uwalambalele pa busanshi bwacingililwa, kabili ena atile, “Munyina Branham, imyaka yapitapo kunuma...” Ndetontonkanya alikwete ubulebe. Ena atile, “Iwe watile kuli ine...” Nalaba ifyo ukulanda kwakwa namayo kwali nomba, ifyapalako ifi, Ndesubila ukuti Nshi cisosole mumbi ici. Atile, “Ukutila uku ukupakaswa Ine nakwete kwalikwete ubupilibulo,” nangu cimo icintu, ukuti ena akakwata umwana. Kabili ena afililwe ukukutuluka ifyo ico cingacitwa kabili ena muli ilya mibebe.

<sup>5</sup> Apo paiminine umwaice, uwamoneka bwino-umwaice umulumendo, ena atile, “Nine mwana uo ena akwete.” Atile, “Nine mwana uo ena akwete.”

6 Kabili ne fintu ifingi fyacitika mubulendo munshila, ifwe tatukwete ne nshita pano iya kufilandapo ifi. Ifwe tukaba kulubali lumbi.

7 Kabili iyi chapitala ya Baume ba Makwebo, Ine nshaba ulubali lwa cilonganano icili conse, Nde elenganya ukuti bonse mwalishiba, lelo Ine . . . Ili ebumbafye ilyo Na ilundako, ukukwata icitupa ce senge, ni . . . Bena bafuma mufilonganano ifya pusana pusana, babafye abaume ba makwebo. Bena baliba icikalamba icikwatwa kuli ine kabili na ku musango wa bupyangishi ubo Shikulu wesu Taata ampela. Te . . . te mukutila Nsha temwa tulya utubungwe; ici bupyangishifye ubwapelwa kuli ine, kabili nga Nshili uwa bela kuli ubo bwite, ninshi Nkaba umuntu uwakukana bela kuli Lesa.

8 Kabili, Ndetontonkanya, ilyofye Nshi la fuma ku Tucson, nalimo mwebengi eko mwali kulya, ubushiku bumo Ine nali, ku Los Angeles ndesosa kuli ba chapitala. Kabili apo paali . . . Na libebele amashiwi aba mukabungwe nalimo panono—panono ayakosa. Nsha—Nsha citontonkenye ukuti kuti caba muli ilya nshila. Nga imwe kuti mwapilibula cilya ukuba uwabipa umutima, ninshi Ine kuti naba bumbi munda. Tamufwile ukucita ico, iyo, ico ukwisa ciposafye pa muntu. Lelo Na landile pa cimuti ico Na mwene mu lubansa lwakwa Munyina Sharrit. Cena cakwete imisango ya fisabo isano pali cena. Kabili Natile, “Nsha tala monapo umusango wa cimuti ngeci mu mweo wandi.” Cena caali ni . . . cena calikwete icungwa lyalula, indimu, mandalena, icisabo basankanya mandalena ne cungwa lyalula, icungwa, fyonse fyalemena pa cimuti cimo cine. “Ukuba,” Ine natile, “Ine—Ine mucine nshi cumfwile ico. Musango wa cimuti nshi ici?”

“Cimuti ca macungwa.”

Kabili Natile, “Nomba, lilya icungwa lyalula?”

Nao atiile, “Ee.”

Na—Na tile, “Kuti caba shani?”

Atile, “Ico calipampamikwa.”

Kabili Natile, “Oh, Na mona.”

9 Ena atile, “Fyonse fyaba mu lupwa lwa fimuti ifya muto ne nkanda sha tikama ne myunga, kabili conse icimuti ica mulupwa lwa muto ne nkanda sha tikama ne myunga . . . kuti ca pampamikwako.”

10 Natile, “Na kutuluka.” Nomba Na tampile ukubilikishako panono, namwishiba, pantu Ndi uwasakamana no mwenso kabili uwakwata ukumfwa ukwamaka.

11 Eico, ena atile, “Bushe nicinshi?”

12 Kabili Natile, “Ukuba, Nacila tontonkanyafye pa cintu cimo.” Kabili Natile, “Nomba Ndefwaya inkwipusheko iwe

icipusho.” Ine natile, “Nomba umwaka uleisa ilyo ubuluba bwisapo, takwakabe amacungwa, icfsabo fyaba pakati ka namacungwa ya lula na mandalena, ama cungwa yalula, indimu; kukaba ama cungwa pantu cimuti cama cungwa, tacakabe ifyo?”

13 Ena atile, “Iyo, iyo. Iyo, cila musambo utwala uwa uko.”

14 Natile, “Namona.”

15 Eico ico caleumfwika bwino nganshi, pantu Ine na . . . imwe namwishiba Ine na . . . cintu caishibikwa ukuti Ine nalikwata degree ukufuma ku Hartford kabili nayambi aya amasukulu ya masambililo ya pamulu, imwe mwalishiba. Eico—eico Ine na . . . lolesheni *icifyalilwa*, ico esukulu lya masambililo ya pamulu lya cilapo ilyo Ine natala sangapo, isukulu lya masambililo ya pamulu ilya kwa Kabumba. Eico nga Ine na lolesha ico, Mfumya isambilisho ukufuma munshila Ine mwenano icifyalilwa cilecita.

16 Kabili Natile, “Ukuba, ico cilempanga ukumfwa bwino nganshi.”

17 Atiile, “Bwafya nshi bulipo?”

18 Natile, “Nacitontonkanyapo icintu cimo.”

19 Eico, ubo bushiku, Na leshimikila pali ico. Kabili Natile, “Nomba, wamona, iylo ichalichi lyatampile, lyali . . . Yesu atile . . .” Na leshimika Yohane 15. “Ine ndi Mwangashi, imwe muli misambo. Kabili onse umusambo uushitwala ifisabo ukaputulwa, ukocewa.”

20 Kabili umuntu umo alimbika mubwafya icine cine palwa ico, atile, “Wa mona, Na letontonkanya ukuti nga iwe waisushiwa no Mupashi wa Mushilo no kupusuka, iwe watile, ‘bena tetei bacileuke ici.’”

21 “Ico nacilungama.”

22 Ena atile, “Nga nomba *ico*?”

23 Ine natile, “Nomba ulelanda pe sambililo limbi. Ena alesosa palwa kutwala ifisabo apo, te Mwangashi; Ena alsesosa palwa kutwala ifisabo, kabili te pa Mweo. Ena atile, ‘Ukuba, kuputulafye icimuti icakuti cena cimene, citwale ifisabo.’”

24 Ena atiile . . .

25 Kabili Natile, “Nomba, mona, ici icimuti, ilyo catampile, cali icituntulu, abena Kristu bamu Baibele. Nomba kwaishile umusambo uwitwa Lutheran, Methodisti, Babtisti, Presbyterian: indimu kabili nafimbi-po.” Kabili Ine natile, “Imwe mwamona, ici cikulila pe shina lya bwina Kristu, lelo ici . . . Ici cilekalila ukufma kuli cilya Icimuti, lelo cena ciletwala ifyaciko ifya mutundu wa cilonganino. Mwamona? Lelo,” Ine natile, “nga cakuti cilya icimuti ca macungwa nga cafumishe icilundwa icine, cikatwala ama cungwa nga fintu catwele pakutendeka.”

26 Pena pacitike ukuti, paikela pamulu palya, uwakucipuna wa kakalamba . . . kamo patubungwe utukalamba pa tubungwe twaba Pentecosti. Ine nshishibe ifyo ningafilanda icakuti bonse baumfwa ukuti tecakutontokanya candi ukuti—ukuti Na—Na lyalukila balya ababwananyina, bankashi; ico cintu calubana. Na liba uwaumfwilwa mumbi, kabili Nsha ishiba umulandu. Mwamona? Abantu batontokanya ukuti Ine nshacetekela na mu bantu ukuya ku chalichi. Ico mintapendwa amakana ukufuma ku Cine. “Tufwile twalongana fwebene pamo, kabili ukucilapo lintu tulemona ubushiku bulya buleisa.” Mwamona? Ifwe tufwile twaisa pamo nokwikatana. Ifwe nalimo teti . . .

27 Nga Naikela mu musumba kabili bena tabakwete icintu nangu cimo kanofye i . . . ukuba, ichalichi (Ine nshilefwaya ukwita ishina ilili lyonse), lelo ichalichi ilili lyonse, nga cakuti bena bacetekele icintufye cimo, ukuti Yesu ni Lesa, na fyonse ifyashala tafyalungama, Ine kuti naya kuli ilyo ichalichi. Nga teti Nkwate umukate onse, Nka—Nka senda akaputulwa. Mwamona? Nkaya umfwa, ukupepa Lesa, kabili ukumulanga Ena ukuti Ndecita icipandwa candi. Ndefwaya Ena eshibe ukuti Ndi no mweo. Ine—Ine . . . ndefwaya bonse beshibe ulubali Ine nabako. Ine nongana na bena Kristu, kabili kulya ukupepa kabili—kabili ukubombela Shikulu.

28 Lelo caliba ica kosa, Ine . . . calencusha ine icabipa, elyo Na sanga ukuti na Shikulu wesu aali uwakumfwiwa mumbi mufingi ifintu. Ena kuti alanda iciliconse, kabili bena kuti . . . ukuba uwaumfwiwa mumbi. Nde elenganya ici cifwile ukuba ifyo fine. Lelo abamano bakeluka. Mwamona? Baibele yali sosele ico. Bena bakacikata Ici.

29 Eico luno lucelo ilyo ndelanda ifi . . . Kabili Natile, “Nomba, bena—bena bekalila pe shina lya bwina Kristu, lelo batwala ifyalubana ifisabo. Fisabo fya mucilonganino. Bena bapampamika icintu, kabili bena baleikalila ukufumako kuli ico, kabili nokwikala ukufumako kuli cilya cine icimuti ca Mweo.”

30 Ici eco Na lefwaya ukulanda malio ubushiku, uyo umupashi kuti wabatishiwa muli uyo Mupashi no kukana ba umwina Kristu. Mwamona? Muleikala ukufuma kuli umowine u Mweo, lelo ifisabo imwe muletswala efisosa fintu imwe mwaba. Mwamona? Ico nacilungama. Mwamona? Bena kuti bapanga fyonse ifishibilo, kabili nokupepela abalwele, kabili ukuposha abalwele, kabili ukwisula amenso, kabili ukutamfya ifiwa, kabili—kabili nokucita ifi fyonse ifintu, ukwikalila pali umo wine u Mweo uwaba mulya, lelo cena cicili indimu. Mwamona? Ico nacilungama. “Ifisabo, imwe mwalishibikwa,” Yesu atile. Kabili eico nomba ifwe twasanga . . .

31 Kabili ilyo Na fumine pa cintamba, iyi iikalamba intungulushi yaimine, yena yatile, “Ena tefyo apilibwile.”

Ena atile, “Ifwe twalishiba ukuti bonse twali pampamikwa mulya.” Ukuba, ici cituntulu ukuti ifwe twalipampamikwa, ukupampamikwa ukufuma panshi, ico nacilungama; lelo te mu Mwangashi, ukupampamikwa. Eico nombamba ena atile. . . atampile ifyapala—ifyapala ukunkonesha ine kunuma panono.

<sup>32</sup> Kabili pali umwaice umulumendo palya, Ndetontokanya kuti aba uwa mubunkolanya umuntu ulya. Ishina lyakwe ni Danny Henry, kabili ena aali umulumendo waku Babtisti. Ukuba ena aishile ku cintamba mu kunkumbata, kabili ena atile, “Munyina Branham, Nde subila ukuti ici taka umfwike ukuba ica bukapepa bwacilamo, lelo,” atile, “Ni nctekela ukuti ico kuti cabafye ukupalamina ku chapitala ya 23 iya Busokololo.”

<sup>33</sup> Kabili Natiale, “Nakutotela.”

<sup>34</sup> Kabili atampile ukusosa ifintu fimbi no kutampa ukusosa mu ndimi, uwa ku Babtisti umulumendo. Kabili ilyo ena acitile ico, kwali na—namayo ukufuma kuno mu Louisiana, ena ali umu Frenchi, umukulu uwa pamfuka namayo, ena alembele ifyo isho ndimi shalepilibula.

<sup>35</sup> Ukuba, nombamba kwali naumbi umwaice umwaume uwaikela apaali umu Frenchi umwaume, alilembele ifyasele ulya mulumendo. Bena bapalenyeye ifyo balembele, kabili fyonse fyali fimo fine.

<sup>36</sup> Kabili nombamba umukulu, uwaba-namano yacaice umulumendo uwaiminine kumpela kunuma, ku Cikulwa cakulilamo ica Clifton, aishile aleenda kuntanshi. Ena atile, “Lekeni mone ifilembelwe. Ndefwaya ukumona ifyo fyena fili.”

<sup>37</sup> Kabili bonse batatu bapilibwilefye cimo cine. Ena ali uwalembomba incito yakupilibula ku U.N., kapilibula wa ci Frenchi. Kabili aya mashiwi yaletila ifi:

*Pantu iwe walisala iyi iya ololoka kabili iya kamfyemfye inshila, iyakosapo inshila, iwe wacicitafye pakobe ukusala. . .*

*Lelo we kusala kwa bukata we uko iwe wapanga, pantu yena NINSHILA YANDI.*

Mwamona? Kabili yatile. . .nokuya kuntanshi nokutila nombamba:

*Ici, mucine ecintu icikesa fikilishiwa, kabili ukupanga no kuleta, cikafikilishiwa, ukucimfya ukukulu mu Citemwiko cakwa Lesa.*

<sup>38</sup> Mwamona, lyonse, nangu ni mu ci Frenchi ishiwi lilondolola ifyakucita ilili pantanshi ye shiwi ililondolola pamusango ifyakucita filecitolwamo mulya mu—mulya mu—mu kupilibula. Eico muli ico Ine nshinga sosa. . .Mose, ena alipangile ubusalo, ena ali nokupanga ubusalo bwakwe. Ifwe bonse tufwile ukupanga ubusalo kabili ukubomba ukulingana nepo twingapela. Kabili Lesa. . .Na licindika imbila ya muntu iyo

ena apelwa kuli Lesa. Ine . . . iingaba yonse, Na licindika ico no mutima wandi onse.

<sup>39</sup> Nomba, Na mwene umwaice umulumendo munyina aishile panshita iyapita, Munyina Stringer, Nde tontonkanya afuma kwisamba ku Louisiana . . . nangu ku Mississipi, atuletele ifikope fimo pano ifyo mutumwene tuletamba. Caali ni Malaika wakwa Shikulu, ilyo Ena amoneke. Nibanga baumfwa ili ilyashi? Nde elenganya bonse mwaliyufwa ili. Mwa lilyumfwa pali tepu, kabili nafimbipo.

<sup>40</sup> Nomba, ico casoselwe kuli ine ulucelo lumo pa nsa ya teni koloko, ninjiminina mu muputule wandi ku Indiana. Anjebele ukuti Nkaba ku Tucson, kuti caba kumacaca, Nka lafumya imyunga (ico ifwe twita kulya, umutwe-wambushi) ukufumya ku kulu kwe toloshi lyandi. Kabili cine lubali ba Malaika baishile kabili ukucipolesha cena, kabili umushili ukupoleka ne fyashala fyonse, ku . . . amabwe yakunkulwike ukufuma mu mpili, na cine lubali ba Malaika baiminine palya.

<sup>41</sup> Kabili Natile, “Ukuba . . .” Na londolweleko umukashi wandi, kabili ali pamo pancende pano luno lucelo, “Iwe upekanye fyonse pantu tapali inshila umuntu engabapo kuli cilya,” Natile, “fuma muli ico. Ndeya ku Tucson, umulimo wandi pano naupwa pe sonde. Ine ndeya Kumwesu ukuyaba na Shikulu Yesu.”

<sup>42</sup> “Ukuba,” ena atile, “uli uwa shininkisha?”

<sup>43</sup> Natile, “Ee. Ee, tapali umuntu uwi—uwi ngeminina kuli ico. Tapali inshila iya ku cicita ici.”

<sup>44</sup> Ine elyo nashimikefye *Inkulo Cine lubali isha ma Chalichi*. Apo epo Njita abesu ababulamba, umunono Munyina Jack Moore uku mwipusha palwa ici, Yesu, mu Kusokolola 1, naiminina palya no mushishi wabuta na fyonse.

<sup>45</sup> Natile, “Ena aali umulumendo u Muntu.” Kabili epo ubusokololo bwaishile ubwakufwala wigi, kabili te Ena; Ena alibikwa wgi (kabili Nsha cikutulwike ici) nga ukuba Ubwacilapo bu Lesa. Kabili abapingushi bakale baali mu Israeli, baali nokuba no mushishi-wabuuta. Kabili ukubuuta kwimininako ubwabula itoni. Kabili ba kapingula ba Cingeleshi ukufika napabushiku buno, mu filye fyacilapo mu England, balafwala wigi yabuta ilyo bafuma kunse, pantu tapaba ifunde nalimbi ukucila ilyabo pe sonde. Mwamona? Kabili bena bapingushi abacilapo.

<sup>46</sup> Kabili Nde ibukisha Nalile kulya ku Arizona na fyonse, Ndesha epo ningapela uku . . . Ukutina ukupona umutombo. Nalile ku Phoenix ku musonkano. Kabili ndeibukisha, Na shimikile imbila, *Mukwai, Bushe Ni Nshita Nshi?* Muleibukisha ico? Ine natile Na licimona ico, Ine natile, “Ilyo ici tacilafikilishiwa, ibukisheni, EFYA SOSA SHIKULU, ‘Cimo icintu cili nokucitika.’” Mufwile mwalikwata ama tepu

muncende yakusungilamo ama tepu nomba. Kabili kulya Natile, “Mwaibukisha nomba ifimonwa ifi shifilwa. ‘Cimo icintu cili nokucituka.’ Ibukisheni!”

<sup>47</sup> Kabili nenshiku shakonkelepo ukufuma palya, Natampile ukumfwa umwenso no kusakamana, kabili Natontonkenye, “Cinshi ici? Bushe Ndefwa? Nga. . . Ndefwaya cacitika bwangu icakuti Ine ncipwishe ici. Nshilefwaya cilekokola.”

<sup>48</sup> Kabili ulucelo lumo Shikulu atile, “Kabiye mu mulu wa Mupokapoka wa Sabino.”

<sup>49</sup> Kabili Naali pamulu palya nimbika amaboko pamo, ndepepa. Na umfwile cimo cauma amaboko yandi. Caali lupanga. Nonba kuti mwaelenganya ifyo mwingomfwa, namwiminina palya mweka kabili paisaba umwele mu minwe yenu uwalepa *ngefi*. Na ishile utintila panshi no ku ulolesha. Walifye mwele, umu pali iyo. . . kabili Nda tina imyele, nangu cibe ifyo. Kabili wena walikwete i—wena walikwete i—i cela, cimo icapala filya ifiba ku myele, kwati cela ca mpoto nangu cimo, uwatwa kabili uwa songoloka. Walikwete icakufimbako uku ushinguluka wena *apa*, uko bakalwa bale ikata, ukuicingilila ukukana putula amaboko yamubiye, kabili—kabili wena walikwete ilibwe lyauma umutengo pacakwikatilako apa. Ukulinga iminwe yandi bwino bwino. Ukuba, Na kumwine pa menso yandi nokulolesha kunuma.

Apo penefye pa cifulo, ubushiku bwa fuminepo, Na mwene iinono, inkunda yaikila panshi. Nkesa mweba palwa ico akashita kambi.

<sup>50</sup> Kabili Na ikete ico mu maboko yandi, Na tontonkenye, “Ico casungusha. Nomba, mwe Shikulu, Ine. . . bushe Nde fulungana? Tapali umuntu pano. Ndi ba mailoshi abengi ukufuma ku muntu kabili ulu ulupanga. Na limishe amaboko yandi, Kabili nikwi kuntu lwena lunga fuma?” Kabili Na tontonkenye, “Ici cintu icakusungusha ukucilapo. Nomba lolesheni pano, lu panga.” Mwamona, ukucuma ici, kabili caali lupanga. Kabili Natile, “Tapali nangu umu uwiminine pano. Ndi pamulu wa mabwe, palyapenefye pamulu wa lupili.” Kabili imwe teti mumone na Tucson ukufuma palya, paali apalepesha ukufika panshi.

<sup>51</sup> Na tontonkenye, “Nomba, ico cintu cakusungusha. Nomba, ici cifwile ukuba icakumonekela mupepi pa ncende imo, Umuntu uwinga bumba kabili ukupanga ulupanga no kulubika mumaboko yandi.” Natile, “Ici kuti cabafye Lesa umwinefye uwabumbile sukusuku yakwa Abrahamu, uwinga bumba tulya utupale,” uo mwaumfwa imwe. Kabili Natile, “Apa pali ifyakupangila, imisango itatu ya fya kupangila muli ici, kabili Ni nduwikata lwena mumaboko yandi icituntulufye nga fyonse fingaba ifyo Ni ngekata mu minwe yandi.”

<sup>52</sup> Kabili Na umfwile Ishiwi, lyatile, “Ulo Lupanga lwa Mfumu!”

53 Kabili Na tontonkenye, “Nomba, nikwi ici Cintu cacifuma? Cali fye mu mabwe mulya pancende imo.” Kabili Na lwikete mu minwe yandi *ngefi*, kabili Natile, “Ulupanga lwa mfumu.” Kabili Na loleshe ukushingulusha amenso, no lupanga lwaya. Kabili Natile, “Ulupanga lwa mfumu.” Ico ku. . .bena balwila no—no lupanga, Nde tontontokanya ukuti ico nacilungama, abashilika nangu mu musango umbi, bena balwa nalo lwena, namwishiba. Kabili Natile, “Ukuba, ifyo efyo ico cibebeleko. Ici cilepilibula ukuti nalimo Ndi nokubikapo amaboko pali ba kapyunga, nangu ifyapalako, ifyo, ukupanga ba kapyunga.” Kabili nomba Na. . .

54 Ishiwi lyali sosele nakabili, lyatile, “*U* Lupanga lwa Mfumu!” Te *i* mfumu; *u* Lupanga lwa Mfumu! Mwamona?

55 Na tontonkenye, “Nomba, Mfwile teine, amatontontokanyo yandi naya sela, nangu pali cimo icilecitika, pali umuntu uwiminine pano pambali yandi.”

56 Kabili mwe babwananyina, ifi fintu fya cishinka. Ine nshi—Ine nshingeshiba ifya kumweba imwe, imwe lyonse mwalicimona cena lyonse ukucitika muli ilya nshila. Kabili cili. . .Na lililwa ukucikutuluka ici. Eico. . .Yena myumfwile imo iya kusungusha.

57 Kabili Na iminine palya. Na tontonkenye, “Nomba, kanshi Ninani unsosha mu nshiku sha mweo wandi shonse, ukufuma ilyo nali umwaice, akanono akanya akaume, Eminine pano penefye, kabili Ine teti mumune Ena nakalya.” Natile, “Ulupanga lwa Mfumu?” Ico kuti caba ni. . .Les a e Mfumu. “Kabili ulu lupanga nicinshi?”

58 “I Cebo, Ici nacibikwa mu kuboko kobe.” Lyatile, “Witina ifya kufwa, ubu bupyungishi bobo.”

59 Oh, owe! Panshi ukufuma palya palupili Ine naile, ndelila, ndepunda, pamulu we shiwi lyandi, ndecilauka pa mabwe. Naile panshi, nokuyaeba umukashi wandi, Natile, “Nshili nokufwa, wamona, e—e—e bupyungishi bwandi.” (Namwebele ukwisa na Billy Paul kuno, nokusenda abana. Natile, “Nomba, Nsha kwata ifintu nangu fimo, lelo ichalichi lili nokumona ukuti imwe tamuleikala insala nafyashala, kabili Ndi—Ndi noku mikumyanya kwishilya lya mupaka.”) Kabili—kabili ena. . . Natile, “Iyo, Nshili nokufwa, ni cimo icintu palwa bupyungishi bwandi.”

60 Inshiku shinono panuma ya ico Nalefuma mu musonkano; nakwete kalata itumwa bwangu uwali amabula yatatu, yafumine kuno ku Houston, ku Texas. Kabili ulya muntu wa nsushishe muli ilya nshita ya bushiku ilyo Malaika wakwa Shikulu akopelwe, icikope ca Ici ukukopwa kulya ku Houston, ali ntumina lamya, atile. . .atumine kalata itumwa bwangu, umukashi atile, “Na lishiba, Munyina Branham, waliba uwapamfiwa. Umwana wandi (umwana mwaume wakwa nkashi yakwa Ted Kipperman) ali mu mulongo wakumwipaya ukufwa



mucipuna.” Atile... (Nga cakuti cali ni Billy Paul?) Ena atile, “Ena no mukashana umwwaice bafwile ukufwa.” Kabili bonse mwalibelenga mwi pepala, na nsambu. Kabili atile, “Isubilofye tukwete niwe ukwisa nokukwata umusonkano nokubika abantu pamo.”

<sup>61</sup> Kabili Raymond Hoekstra ali nembele imiku iiyingi, lelo namwishiba, Na litantike panuma waulya umusonkano ukuya pa bulendo bwa kulunga pamo na Mista Mc Anally na bambi. Kabili Na tontonkenye, “Ukuba, Ine nga naleka abaice balya bafwa kabili nshi bikileko amaka yandi kulya, Nsha katale yapo mu kulunga nakabili.”

<sup>62</sup> Eico Natile, “Cisuma, Na laisa.” Na ishile kuno ku Houston, nakwete umusonkano, kabili nge fyofine ba...bena tababepeye balya, bena fye...babapele ukwikala mulya mwine mu mweo wabo onse. Kabili ifyo eflyo bena balefwaya bena ukuti bacite ku bapela ukwikala mulya imyeo yabo yonse. Eico ico cili mupepi namakumi yabili na umo imyaka yapitapo, Nde elenganya, mu—mu Texas.

<sup>63</sup> Eico nomba, kabili ukuya kunuma, Na ninine pamulu mu lupili naile na Munyina Fred Sothmann. Ali pano pacifulo cimo. Munyina Fred, uli pi lubali? Apa pano. Munyina Fred Sothmann, Munyina Gene Norman; ubushiku bumo, ubushiku bwakonkelepo twaikela kulya, Malaika wakwa Shikulu aishile panshi ukwingila munkambi umo ifwe twali, nokutampa ukubeba pa bana babo kabili ne fintu bena balecita.

<sup>64</sup> Ine nalifuminapo nokubwekelamo pa culu. Kabili Ine ninshi ninsanga kapoli, kabili Nale esha ukusowela imo kuli Munyina Fred. Eico Na sangile epo balelila bena kumbali ya culu, kabili Natile, “Ukuba, nomba, Na lakweba ifyo Na lacita, Munyina Fred.” Natile, “Nomba, iwe ukaye palya pa cifulo mu nshita ya lucelo.” Ifwe tukaya palya nga bwacha, tukanina ukutoloka ulupili. “Kabili ukuya kulya nga bwaca, Ine nkaya ku lubali lumbi. Nomba, Nshaka pike imo, lelo nga shabutukila kuli iyi nshila, Nka pika kuntanshi shashiko kabili nokubwekelamo. Uka salemo umukalamba.”

<sup>65</sup> “Cisuma,” ena atile.

<sup>66</sup> Eico Munyina Fred alile kulya. Kabili Munyina Gene Norman (Nshi letontankanya Munyina Gene alishile, bushe cili ifyo?) ena aali—ena aali kulubali lumbi. Mwebengi pali imwe mwalimwishiba Gene Norman, cibusa wapamutima ku bengi, umusuma munyina. Kabili ena alileko panshi mwisamba. Uko, shilya nkumba, tashalikofye lulya lucelo. Kabili Nalimona Munyina Fred, alesunsha ukuboko kuli ena, aali mailoshi imo ukufuma pali ine. Ukuba, Na tontonkenye, “Bushe kuti shaya kwi?” Na ishile ingila mu mulongoma uukalamba, kabili ukwikala panshi, Natontonkenye ukuti, “Nalamona nga cakuti kuti Nasanga uko bali.” Natampile ukubwekela pa mulu. Califye

akashita akanono apo akasuba katulile, akasuba kaletendekafye ukuya mu mulu.

<sup>67</sup> Na ileshingulukila ku mupokapoka, oh, imyanda ne myanda ya ba futu, ifi mabwe ifikulu mu mupokapoka kulya, ifikulu ifibumba. Kabili cali cileba. . . akasuba kaleya mu mulu, insa ya seveni koloko, Ine nde elenganya, nangu cimo icapala ico. Kabili Na ikele panshi kabili Nalelolesha ponse, Na ishilelolesha panshi pa kulu pe toloshi kabili apo paali umunga, uwikata. Kabili Natile, “Na mwishiba, ico camoneka ukusungusha. Na mwishiba, Malaika wakwa Shikulu anjebele ukuti Ine nkaba amakumi yane ba mailoshi pakati ka kukapinda kakulyo naku kabanga ya Tucson, Ine nkala tola umunga ukufumya ku kulu kwandi.” Imwe mulecibukisha ici? Mulecita ico? Ee, mukwai. Mwamona? Natile, “Ico cakusungusha.” Naliwikete wena.

<sup>68</sup> Kabili ilyo Na ishileinuka ukulolesha, Na mwene amakumi yabili yaba kapoli ishilume ama yadi imyanda isano ukufuma apo nali, balelya amabula yafuma mumaluba kabili nokulambalala. Natile, “Nomba, nga kuti Nasanga Munyina Fred nokumulenga ena ukwisa pa cifulo cilya, alasendapo kapoli palya pene. Lelo Ni njishiba ukuti ali mailoshi imo nangu yabili ukufuma apo ndi nomba. Eico,” Natile, “nga kuti Na toloka impanga iyi pano pamulu wa lupili ukwabula bena ukumona, pamulu waici icimuti icinono ica mu yuniper palya,” Natile, “nga Na shingulukila kulubali ulu, paliba akashila kapanga amakasa ya mpombo akesa uku kulubali, Ine kuti nabutukila palya kabili nokufuma munshila yashiko. Kabili noku kambatika aka pepala apa uko Ndeishiba kamo pa ka shila aka kufuminapo, mu mulongoma, Ine kuti namusanga Munyina Fred kulya munshita yalinga.”

<sup>69</sup> Na ishile posa umunga panshi, ukulaba pali Cilya. Kabili natampile ukupita pa culu ukwabula ubwafya no kulolesha kunuma, bena tabamwene, kabili nabutwike nokwisa fika mukashila kapangile amakasa ya mpombo. Na lifwele icisote cafita icikalamba. Na tampile ukubutuka ulubilo ukupita mu mupokapoka, kabili elyo cacitike.

<sup>70</sup> Umushili onse watenkene, konse. Amabwe ubukulu nga *filya* yakunkulwike panshi, ulukungu lwalepupuka nga *filya*. Kabili Na loleshe, kabili kwaiminine kuntanshi yandi cine lubali ba Malaika; nga bwino bwinofye fintu ici cali. Na umfwile kwati Na liminine pamulu ukufuma pa mushili. Pakubala, Na tontonkenye ukuti umuntu umo nandasa imfuti, na mwishiba, ne cafita cilya icisote nafwele; camoneke kwati ni kapoli umulume, nangu cibe ifyo, namwishiba shali fita. Na tontonkenye ukuti umuntu umo alindasa, cali i . . . mupepi nganshi. Kabili Na—Na ishilemona ifyo ici cali. Ukuba, ilyo fye . . . Na pokele ukusubwa, mu Malembo, “Ifikakatikilo Cine lubali ico cili cine lubali ifyankama.” Mwamona?

71 Umnutu umo atile kuli ine, atile, “Nomba . . .” Oh, ena atile, “Ukuba, nomba, ubushiku bumo Shikulu kuti (iwe ulamona ifimonwa, Munyina Branham) asokolola kuli iwe ifyo ifi fintu fyaba, ifwe bonse kuti twapalama kuli Lesa no ku kwata ayacilapo amaka ukucila ifyo ifwe tukwata mukulanda mu ndimi na fimbi.”

72 Natile, “Ici teti cibe muli iyo nshila.”

73 Pantu, mona, Na cetekela i Cebo ukuba Icishinka. Kabili Baibele yatila, “Uyo onse akalundako icebo cimo nangu ukufumyako cimo i Cebo ukufuma kuli Ici.” Cena cifwile ukuba muli ici Cebo. Mwamona? Fya nkama efyo abantu bashaposako amano, pantu apo pene epafuma i Mbila yandi iya *Lubuto lwa Nsoka* no kwa cishinka uku Cetekela mu bucingo bwa uyo wacetekela.

74 Ine nshile bika panshi ba Presbyterian ba munyinane kulya, kabili bamo imwe ba Babtisti munshila mwalikwata ubucingo. Nshi lesoa ici ukuti mbe uwaibela, lelo imwe tamwacikwetefye mukulungama. Mwamona? Ico nacilungama. Mwamona? Lelo, Na lilubile, naine wine. Lelo ilyo Malaika aiminina ukufuma ku Muulu kabili nokukweba, kabili cili fye apa mu Malembo, Ico cishinka. Mwamona? Ico nacilungama. Mwamona, Ena lyonse asosa ukulingana na Malembo.

75 Mulya Na citambile mpaka icashinguluka caya pa mulu, catampile ukusunsha cileya pamulu, kabili yasangwike mu kupala ulubuuto ulo teti ulondolole, ukupala fube fube. Bwino bwino fye nga . . . Nibanga bamona icikope ca Ici icakopelwe mu Houston? Mupepifye na bonse. Mwamona? Ukuba ifyo emusango cabelelemo. Cena casangwike icintu cimo cine, Cena catwalililepofye ukuya pamulu na pamulu.

76 Na lebutuka kabili ukubutuka, ukweshwa ukufwaya Munyina Fred na bena. Panuma yakashita akanono, citika wa ora yapitilepo, Na ishele mu mona pesamba panshi, alesunsha amaboko; kabili Munyina Gene aleisa, alesunsha amaboko. Bena balishibe ukuti cimo calicitika. Kabili eico Ine naile ba nabo. Uyo ni Munyina Fred uwikele palya apo.

77 Ilyo lyena lyaimine pamulu, Nsha ishibe ukuti ababombela mukubebeta imyulu na fimbi, ukwingila mu Mexico, balekopa icikope lyaiko. Ipepala litwa *Life* baliikopele ilyo Lyena lyaleywa mu mulu. Kabili mwebengi imwe . . . Apa pali ipepala lya *Life* balelikopa icikope ca Ilyo. Icintu icicaishibikwa icintu pano, kabili bena batile bena tabaishibe uko cafumine; lyena lya besha pamulu. Lili pamulu wa calo na fyonse ifya ku . . . Palepesha apakusangwa fubefube, pantu lyali ba mailoshi amakumi yatatu ukuya mu mulu kabili ba mailoshi amakumi yabili na cine lubali mukwenda ukupita panuma ya iyo ukuya pamulu. Tapaba nangu icikabilila nangu cimo pamulu palya, mwamona.

78 Kabili bena batontonkenye pa ndeke; eico bena bafwailishe mu ncende shonse, tamwali ndeke mu mulu pali bulya ubushiku. Mwamona, bena bafwile, pamulandu wa nsolokoto na fimbi. “Tapali ndeke pamulu.” Iyi apa mwi pepala, bakamweba cimo cine. Kabili—kabili lyena lyaile nalitambalala. Kabili ne leelo mulya mwine mu . . .

79 Ili lili apa mwi pepala litwa *Science* uko, bena bafililwe ukukutuluka. Bena tabaishibe ifyo Ici cili.

80 Ku Tucson, kulya kwi sukulu likamba ilya ma sambililo, cibusa wandi aile kulya kabili alesosa nabo palwa ici. Atile, “Ifwe twalifilwa ukukutuluka . . .”

81 Natile, “Iwe wilalandapo icintu nangu cimo, tacakwafwe nangu cimo. ‘Wi posa amabwe yauma umutengo pa nkumba.’” Mwamona? Cena ca Lukuta, Abasalwa, balya abaitwa-ukufuma. Mwamona?

82 Kabili cila umo aleisa, aletila, “Munyina Branham, Na mona icikope cobe apa. Na mona *ici*. Ine . . .” Na mwishiba ifyo caba cena. Lelo ilya—ilya iyakupyanga iitali iyo munyina uyu akwete pano uko yena . . . Njeleleniko. Iyi enshila Lyena lyatampile ukuya pamulu, ukupyanga ukuya pamulu. Nakuba *ici* cali ku kuboko kwa kukuso. Kabili imwe bonse muleibukisha Natile, “Uyo Malaika amwenwe ewalandile kuli ine, aali ku kuboko kwa kulyo,” nalintu tacila citika. Mwa ibukisha? Amapindo yakwe yaloseshe kunuma *ngefi*. Ayo yali bwino bwino amapindo yakwa Malaika ilyo aleya mu mulu. Mwamona, nga fintu cena cili . . . Eico bena batampile ukukopa ifikope pantu cena cali icakukana ishikikwa. Lelo ilyo icikope cakulekelesha, ilyo Lyaipangile Iline mu myulu kabili ne fyakonkelepo, ifi efyo ipepepala lya *Look* apa bacibikilemo cena. Mwa mona ifyo lyena lileya mu mulu ilyofye bena batampa ukulimona ili, mwa mona. Kabili uko kwaisa i—icituntulu icikankala kabili icakushalikisha icikope, ilyo ili lyapangike.

83 Bena tabaishibe uko lyena lyafumine nangu uko lyena lyaile, bena tabalaishiba nanomba. Aba bu Scienci bena balifulugana pali ici, tabaishibe icacitike. Lelo ifwe twalishiba: “Kukaba ifishibilo ku mulu mu mulu.” Ifwe twalishiba ici. Mwamona? Kabili Ena alilaile ififintu. Mwamona? Kabili icintu cimo ico ici casuminishiwe ukukopwa . . .

84 Nomba, Ni njishiba ukuti ifwe tulifye abakaya pano luno lucelo. Nga cakuti Na cipanga ukumoneka kuli imwe mwe babwananyina ukuti nine-naishiba-fyonse, napapata munjeleleko. Ine nshi pilibwile ukuba ico. Ine ninjiminina . . . ninjikala pano luno lucelo ndelanda kuntanshi ya baume abamasambililo, abaume abo abasalapuka; Ndi—Ndi muntu ushaishiba ukubelenga, Mfilwa noku lumbula Amalembo yandi mukulungama. Na cisenda chapitala iya kubelenga luno lucelo, Ndi . . . naciba nokwipusha umo pali ba munyina pano

ukumbelengelako, pantu Ine teti numbule ama shina ayalimo mwena, Iyacimo Imilandu 13, (nga kuti mwacita ico, Munyina Jack, imwe kuti mwapafwaya), e mutwe wandi. Ine—Ine teti numbule ayo mashina, Ndeleka ena acicite ici, pantu ena kuti ayalumbula.

<sup>85</sup> Kabili Ni njishiba ukuti Ndelanda nabaume ba salapuka. Lelo, mwe babwananyina, ifi fintu ficitwa ukuti imwe mwinga kana ukulolesha paku kana ishiba ukubelenga kwandi, lelo cetekeleni ukuti Nde sosa Icishinka. Ni Lesa eulesosa kuli imwe Icishinka. Ico e Cishinka. Mwamona?

<sup>86</sup> Nomba, kabili ilyo Na sosa pa filonganino, Nshi lepilibula kuli imwe ukuba uwabunkalwe kabili... Iyo, Nshi lepilibula ukuti imwe mwilaya kuma chalichi yenu. Muleya kuma chalichi yenu, efyo mufwile ukucita. Lelo mwila ikumikisha pamo na tulya tubungwe, pantu ubushiku bumo Ndi nokumweba imwe kabili ukucishininkisha na Malembo, ici lulembo lwa cisango. Kabili imwe mwibukishe, lwena lulembo.

<sup>87</sup> Nde shimikila... Ine teti ncishimikile ici mu chalichi yakwa Munyina Jack, ena kuti asosa kuli ine ukuti, “Twalilila kabili noku cicita ici”; lelo Ndeya kwi hema, ileba ba ora bane ukulepa. Kabili umutwe wandi ni, “Iciswango pakutendeka kabili iciswango pa kushalikisha, ukupita munshila ya nsoka.” Mwamona? Cisenda ba ora bane. Ni nkwata Amalembo ayalambalikwa. Iciswango ukufuma mukutendeka, cali ciswango mwibala lya Edeni, cena ciswango pakushalikisha, kabili nokulanga ifyo ena aba uwabukapepa kabili icilonganino (icapangile icilonganino); kabili ukwisa ukupita mu nshila ya ici, kabili ukushininkisha kuli imwe ku Malembo ukuti cena eco. Nsha ishibe ico mpaka ilyo Mupashi wa Mushilo ampele ici kuli ine ubushiku bulya bwafumako pamulu palya.

<sup>88</sup> Nomba, muli ici, Ine nalelolesha ubu ubushiku bumo, ninjiminina, kabili Icintu cimo catile kuli ine... ukulolesha pali ici, kabili Na tontonkenye... Munyina Hickerson, umo pa bacetekelwa... nangu umukalamba pa chalichi ku Jeffersonville... Nga Nsha cetekela mukuya ku chalichi, mulandunshi Na kwatila ichalichi? Ifwe twaliyakwata ukupita monse mu calo, twali pamalamya ayabikilweko bulya bushiku, bonse ba mailoshi imyanda ibili ukushinguluka yali kwete limo pama chalichi yandi.

<sup>89</sup> Nomba, ici—ici icikope, Na liminine, nalelolesha kuli cena, kabili Icintu cimo... Na liminine mu muputule wandi. Icintu cimo catile, “Cipilibwile ku kuboko kwa kulyo.” Na likutike.

<sup>90</sup> Ni njishiba ico caumfwika kwati muntu umo uwa mano yafulunganishiweko panono, lelo, mwamona, nga fintu Na landile ilya imbi inshita ya bushiku, ifi fyonse ifikalamba ifintu fyaliba ifya bamasambililo... Nomba Ine nshaba uwakufisusha ifyo. Ibukisheni, ifwe tufwile ukutwala abana besu ku masukulu

no kukwata amasambililo na fimbi po, lelo Na lamweba nomba line, tacakabafwilishe icintu nangu cimo mu calo cileisa, pantu cena kutumpuluka kumbi, yonse inshila ukutalifye pamulu wa ici. Uko kutumpuluka takwakakwate ifya . . . Kwena takwakakwate amasukulu muli kwena, kwena takwakakwate imfwa muli kwena, tamwakabe ulubembu muli lwena. Kuno kwalikwata fyonse ifyo; nangu ifwe tube abatumpuluka shani, ukufuililako no kufuililako kwa mfwa ekulelundwapo inshita yonse. Mwamona? Kulya kwena kukaba ukwabula imfwa. Lelo nomba tufwile ukukwata isukulu, ifwe tufwile ukufwala ifyakufwala, ifwe . . .

<sup>91</sup> Na ciba nokusosa luno lucelo pali *Edeni yakwa Satana* (mwebengi mwalikwata tepu palwa ici), *Edeni yakwa Satana*. Ena alipanga nalimbi ibala lya Edeni, kabili amakana mutanda ifyo cena camusendela ukulipanga lyena, nga fintu Lesa apangile Ilyakwe pa kutendeka. Lesa apangile Edeni Yakwe, kabili Satana alilikoweshe lyena. Nomba Satana alipangile Edeni yakwe, kabili Lesa ali noku lyonaula lyena (ico nacilungama) kabili nokubikapo Ena Ilyakwe.

Cimo icintu catile kuli ine, “Pilibula ici ku kuboko kwa kulyo.”

Na tontonkenye ukuti, “Nde tontokanya ukuti Nde lolesha kuli ici mukulungama.”

Atile, “Pilibula ici ku kuboko kwa *kulyo*.” Mwamona?

<sup>92</sup> Na tontonkenye ukuti, “Nalimo ilyo Ishiwi lilepilibula pilibwila *ku* kuboko kwa kulyo.” Kabili ilyo Na cicitile, mwamona ifyo ici cili: *Umutwe wakwa Kristu* uwakwa Hofmann, pa myaka amakumi yatatu na itatu. Apa, lolesheni umu, moneni umwefu Wakwe uwafita, icinso Cakwe, amenso Yakwe, umona Wakwe, kabili na fyonse ifyashala. Moneni ukupatula mu mushishi Wakwe apa kuleisa pamulu. Kabili Ena nafwikwa wigi na ulya wigi wakwa Malaika wabuta ukulanga ukuti Mbila yakwe Ena ukuba Lesa ya Cishinka. Ena e Kapingula Wapulamo uwa bwikashi bonse, Kapingula Wapulamo uwa Muulu ne sonde. Ena ni Lesa, kabili tali cimbi lelo Lesa. Ena ni Lesa uwalondololwa mu mibele ya buntu uwitwa u Mwana wakwa Lesa, uyo uo u Mwana aali Muntu. Kabili ngeco tacilepanga i Mbila yesu ukuba bwino bwino iyalungama: ukwishibikwa na Malembo, ukwishibikwa mu mulimo, ukwishibikwa ku Kwakwe Ukubapo, cimo cine mailo, ileelo, kabili no muyayaya. Emukutula filya Ifikakatikilo Cine lubali Cishinka, mwebabwananyina. Nalimo kuti mwakana suminishanya nabo bena, lelofye ukwikala panshi no kucibelenga ici ne mitima yaisuka inshita imo, lekeni fye Mupashi wa Mushilo umitungulule ukufuma . . .

<sup>93</sup> Pano, ilyo Munyina Jack... Na cimwita ena ninshi nshila shimikila ici kabili nokulanda nankwe inshita imo palwa “Bushe uwabuta wigi nicinshi?”

<sup>94</sup> Ena atile, “Ukuba, Munyina Branham, Ine nacisosa ici ukutila caba ukuti Ukwakwe... panuma ya kubuka Kwakwe mu mubili Wakwe uwabukata.” Na lesosa kuli Munyina Jack. Kabili kuli... Nsha ishiba palwa muntu mu calo uo Ni ngashintililamo nakabili palwa mafundisho pa masambililo ya bukapepa ne cicetekelo kabili ne fintu nga fintu Ninga fwaya Munyina Jack na Munyina Vayle, kabili abaume baba nga—nga filya, abatuntulu aba masambililo ya bukapepa ne cicetekelo aba belenga ifitabo fyapusana pusana kabili ayapusana amtontonkanyo ukufuma ku fintu fyonse. Ukuba, lelo, imwe mwamona, nga nafilya ifyo, kabili cibusa wandi uwapamutima, Na—Na—Na fililwe ukucipokelela, palipo cimo palya tekuti kube ukucisenda.

<sup>95</sup> Kabili ilyo ici caisa, ici, elyo Na mona ifyo ici cili. Apa pali umwefu Wakwe uwafita. Mwa cimona Ici, Nde lenganya. Mwamona? Umwefu Wakwe uwafita no mushishi wa fita, amenso Yakwe, umona, fyonse, bwino bwinofye uwabula ifilubo, kabili nokupatula mu mushishi Wakwe uleisa uleponena pambali. Ena ni Lesa! Mwamona? Kabili Aliba cimo cine mailo, ileelo, kabili no muyayaya. Kabili iyi ni *Look* ipepala lya kubelengamo... nangu *Life* ipepala lya kubelengamo. Nde tontontokanya ukuti iyi ni... Na laba impendwa ye pepala nomba; oh, Mukapepo kanono pa bushiku bwe kumi na cine lubali, 1963. Ilyo elintu ici cafumine, nga cakuti pali umuntu onse ulefwaya ipepala lya kubelenga. Ici cikope cimo cine ica kwata Rockefeller no wakwe—wakwe umukashi panuma waciko ici. Kabili iyi ipyya ipepala lya kubelenga ilya *Science* ilyaba “na nomba icishaishibikwa.”

<sup>96</sup> Mulandunshi Ine nacilandila ifi fintu? Ukuti ici cimupele ukumona ukunono ukwa fintu ifyo ifwe tulefwaya ukusosapo, ukuti Lesa aleishibikilwa monse mubili mu muyulu na mwi sonde ukuba uwalungama. Ifi ifyakulingulula, ifimonwa, ifwe twalikwata ifyakupashanya, ifwe lyonse. Lelo ibukisheni, ilyo takulaba iyabufi dola, pafwile paba dola wacine pakubala; pakubala pafwile paba dola wacine, kabili elyo bena bapangwa ukufuma kuli ico. Nga filya ifwe twakwete Mose umutuntulu kabili Aaron umutuntulu, elyo ifwe twakwata Jambre na Jannesi ukukonka pali bena. Mwa mona ifyo ici conse cisa? Bena bacimona ici kabili bena baesha ukucipashanya ico, ilyo kwaliba mucine *cimo* icacine. Ico nacilungama. Te mukusosa ici mukucita ububi nangu ukucefya, nangu ukufumyapo cimo icintu, lelo niku Cishinka; ukwishiba ukuti Ine... .

<sup>97</sup> Ndeya mukuba umukote umwaume, kabili Ni njishiba ukuti inshita yandi taili iitali. Nga Yesu, akokola ukwisa, Ine limbi... . kuti naikala pa kashita akanono; lelo Ni njishiba ukuti ubushiku

bumo uyu umutima uli nokupanga ukutunta kwa kushalikisha, kabili Nde inigila mu ukalamba, uwafita umuputule uyo witwa imfwa. Lelo ilyo ico caisa, Nshi lefwaya icili conse icakunenga ukulolesha kunuma, ukweshwa ukulapililapo. Nde fwaya, ilyo Na isa kuli ilya nshita, ukuba uwasambwa kabili uwabula akabi ku luse lwakwa Lesa. Ndefwaya ukuikupa nemwine mu mingila Yakwe iyabulungami, ilyo Na ingila mulya, neci icintu cimo mu matontonkanyo yandi: Na limwishiba Ena mu maka ya kubuka Kwakwe; kabili ilyo Ena aita, Nka fuma pa bafwa no kwikala na Ena umuyayaya. Kabili ca bukabilo bwandi apa nomba ukweshwa ukusenda onse umuntu. . . ukukana cinja ifya masambililo fya mipepele nangu cimo, lelo ukukusha icicetekelo mu bulayo bwakwa Lesa ubwa buno bushiku.

Nomba natupepe:

<sup>98</sup> Mwe watemwikwa Lesa, ifwe tuli bantu batotela luno lucelo, lelo nomba, Shikulu, tuleikala mu calo ca mfifi ica. . . Tapali umo pali ifwe luno lucelo, Taata, lelo ifi leumfwika ukuti tu—tu lefwaya mukwenda kwesu tupalame na Imwe, tulefwaya uko—uko ukukumya kuli Imwe mu myeo yesu icinga tulenga ukuba aba nakilila kabili ukutupanga abenga cinjiwa ekuti Imwe muletucinja inshita ili yonse, ukutubumba ukutupanga abana baume na bana banakashi abakwa Lesa. Ubo—ubo ebufwayo bwesu pano, Taata, ico—ico ecimo icapampamikwa ico Nakwata kwesha u—u kwikala pa cinso Cenu kabili nokubula i Cebo Cenu kabili ukucisosa Ici ukubwekesha kuli bashibantu na banamayo abo. . . ukukana ba umuntu uwapusana lelo ukweshwa ukumucindika Ena uwampela u Mweo. Suminisheni ici, Shikulu.

<sup>99</sup> Lekeni ukuti kwiba umuntu umo pano ileelo. . . Nangu—nangu nga. . . Na batubika ku ma lanya luno lucelo, ukumfwika mu calo conse nakabili. Lekeni ukuti kwiba umuntu nangu umo uwakumfwa ishiwi lyesu ukweshwa ukwingila mu muputule ulya ukalamba ukwabula ukumwishiba Imwe mu maka yakubuka Kwenu. Nga cakuti kuli ababembu kuncende imo ukupita mu calo, ico. . . nangu muli cino cikulwa, cino cikulwa icikalamba, namwikala luno lucelo. Nga kuli balya abashamwishiba Imwe, lekeni ubu bube ubushiku ubo ifyakulingulula fyabo fisunkanishiwe, fi buke, kabili bali nokukutuluka ukuti bona tabaishiba miniti iyo ifwe twingetwa nangu ukutulaisha ukwisa asuka pa myeo yesu, ku Muulu. Kabili nga cakuti ishina lyesu licili pali lilya ibuku lya kuconga, ifwe ninshi twaonaika; lelo nga lyena lili mwi Buuku lya Mpanga ilya Mweo, uwacine u Mweo, ninshi ifwe natupusuka.

<sup>100</sup> Kabili lekeni, Shikulu, ilyo ulya Mweo uleenda ukufuma kwi bula ukuya ku bunga bwa buluba, ukwingila mu cipapa, elyo ku luseke, ilyo ifwe tulepiita ukupula muli luno lucelo nga cakuti mwalibamo u Mweo uyo ufwile ukwingila mu luseke ulu ululi ku numa muli ulya mupeti, ufumyeni wena ileelo, Shikulu, lekeni



cena cikonke ukusela kwa luseke, pantu ifwe twaipushisha mwi Shina lyakwa Yesu. Amenii.

<sup>101</sup> Munjeleleko pakusenda inshita ikalamba. Na cilabako na palwa ici napakuba pa nshita ya cilimba kulya kwine, inshita ya malamya.

<sup>102</sup> Nomba lekeni twisule muku belenga kwesu. Kabili Munyina Jack, naukwata Baibele yobe uko? Lintu Nde fwaya Ilembo lyandi, Na lakwipusha Munyina Jack ukubelenga ili Ilembo Ine nshinga landa bwino aya amashina. Cisuma. Mu Milandu Yacimo 13. [Munyina Jack Moore atiila, “Milandu chapitala nshi?”—Kalemba.] Uh-huh.

*[Kabili Davidi aipwishe ba kasomo ba mu makana kabili namu myanda, kabili ne ntungulushi yonse.]*

*[Kabili Davidi atiile ku lukuta lonse ulwa bena Israeii, Nga camoneka icisuma kuli imwe, kabili ukuti ico nga cakwa SHIKULU Lesa wesu, lekeni ifwe tutume ku fyalo fya kutali ku babwananyina besu konse konse, abo abashala mu mpaka ya kwa Israeli, kabili pamo nabena kabili kuli bashi mapepo na bena Levi abo ababa mu misumba na mu ma sababa, ukuti benga ilinganya pamo kuli ifwe:]*

*[Kabili ukuti ifwe twinga bwesha Icipao ca kwa Lesa wesu kuli ifwe: pantu ifwe—ifwe tatwaipwishe palwa yena mu nshiku shakwa Shauli.]*

*[Kabili ulukuta lonse lwatiile ukuti bena bali nokucita ifyo: pantu icintu califye icalungama mu menso ya bantu bonse.]*

*[Eico David akolongenye Israeli yonse capamo, ukufuma ku Shihor yamu Egypti na kubwingililo bwa Hemati, uku bwesha icipao cakwa Lesa ukufuma ku Kiriati-jearimu.]*

*[Kabili Davidi aminine pa mulu, kabili na Israeli, yonse, baya ku Baalah, ico ekutila ku Kiriati-jearimu, yali yakwa Yuda, ku kuleta icipao ca kwa Lesa SHIKULU ico icaleikala pa kati kaba kerubi, uyo untu ishina litilwako pali cena ico.]*

*[Kabili bena basendele icipao cakwa Lesa mwi celeta lipya ukufuma mu ng’anda yakwa Abinadabu: kabili Uzza na Ahio baenseshe—abaenseshe iceleta.]*

*[Kabili Davidi na Israeli yonse baangele ku cinso cakwa Lesa na amaka yabo yonse, kabili no kwimba, naba nsango, kabili na mapango, naku tunoma, naku malimba, naku mapenga.]*

*[Kabili lintu bafikile pa cipulilo cakwa Chidoni, Uzza atambike uku boko kwakwe ku kwikata icipao; pantu ing’ombe shapene shiwe.]*

[*Kabili ubukali bwa kwa SHIKULU bwa poselwe pali Uzza, kabili ena amumine ena, kabili pantu ena abikile ukuboko kwakwe ku cipao: kabili palya pene ena alifwile ku cinso cakwa Shikulu.*]

[*Kabil Davidi tacamusekeshe, pantu SHIKULU akalipile Uzza: eico palya pa cifulo paitilwe Perez-uzza ukufika napali buno bushiko.*]

[*Kabili Davidi alitinine Lesa bulya bushiku, atiile, Kuti naleta shani Ine ku ng'anda ku mwandi icipao cakwa Lesa?*]

[*Eico Davidi taletetele icipao ku ng'anda kumwakwe ku musumba wakwa Davidi, lelo acisendele cena ku mbali ya ng'anda yakwa Obed-edom umwina Giti.*]

[*Kabili icipao cakwa Lesa mu ng'anda pa lwakwa Obed—Obed-edom mu ng'anda pa mweshi itatu. Kabili SHIKULU apalile ing'anda yakwa Obed-edom, kabili nafyonse fintu ena akwete.*]

<sup>103</sup> Natotela, Munyina Moore, pakubelenga kwa Malembo ku lubali lwandi ine. Nomba, munjeleleko Ine teti mbelenge ifyo palwandi, lelo Ine—Ine teti nccite ico.

<sup>104</sup> Nomba Nde fwaya imwe mwisule pamo naine muli Marko 7:7, kabili ifwe twalabelenga ama versi yakubalilapo cine lubali aya Washila Marko capitala ya 7.

*Elyo kwalongene kuli wene aba Farise, naba kalemba bamo, abafumine ku Jerusalemu.*

*Kabili lintu amwene ena bamo abasambi balelya umukate ukwabula ukusamba ku minwe, ico ekutula, ukwabula ukusamba ku minwe, bena basangilemo umulandu.*

*Lelo aba Farise, naba Yuda bonse, kano bena basamba ku minwe yabo. . . teti balye nakalya, ukwikatilila—ukwikatilila ku ntambi sha bakalamba.*

*Kabili nelyo balefumina ku cisankano, kano basamba amaboko yabo, nga teifyo tabalelya. Kabili ne fintu ifingi fyali—fyali bena. . . ifyo fintu bapokelele ifya. . . bapokelele ifya kusunga, . . . uku samfya ama kapu, ne fya mpoto, ne fipe fya mukuba, na matebulo.*

*Nomba aba Farise na bakalamba balimwipwishe ena, Mulandu nshi abasambi bobbe tabendela umwabela intambi sha bakalamba, lelo balelya umukate ukwabula ukusamba ku minwe?*

*Nao pa kwasuka atiile kuli bene, Awe ngefyo Esaya aseseme pa lwa imwe ba bumbimunda, ifyo calembwa aciti, Aba bantu balancindika ine ne milomo yabo, lelo imitima yabo yaba ukutali ukufuma kuli ine.*

*Kalanda banshinshimwina apafye, amasambilisho basambilisha mafunde ya bantu.*

Natupepe.

<sup>105</sup> Mwe Lesa watemwikwa, cindikeni i Cebo Cenu nomba, kabili lekeni Cena cifikilisho Ici cintu cituminweko. Tubomfyeni nge fibombelo ukulanda Ici, kabili na matwi yesu ukumfwa ukufuma kuli Imwe, kabili ne mitima yesu ukucipokelela Ici. Ifwe twaipushisha mwi Shina lyakwa Yesu, kubukata bwakwa Lesa. Ameni.

<sup>106</sup> Nomba, isambilisho lyandi pa kashita akanono nili... Ine...

<sup>107</sup> Ifwe tuli na malamya ayabikilwe pakuti twingomfwika mu calo conse muli luno lucelo. Kabili Ine ningumfwa ukuti cibusa wandi umusuma, Roy Borders, aleumfwako, taleumfwa bwino mubushiku bwafumineko. Ine nalilaba ukuti ifwe twali pa cilimba... nangu ici icakutwampanya ubushiku bwafumineko. Roy, konse kuntu uyi, nga cakuti uuli kulya ku San Jose mu chalichi kulya, nangu limbi ukutentemukila kuli Munyina McHughes ku chalichi, nangu konse kuntu uuli iwe, taufwile ukutina, munyine, ifintu fyonse fyalabafye bwino. Ikala tondolo, iwe fye... Ena alecilenga ico ukwishibikwa kuli ine, Roy; teti usakamane, we mwana umwaumwe, ukwate ici cetekelo muli Lesa.

<sup>108</sup> Isambilisho lyandi muno lucelo lili: *Ukwesha Ukubombela Lesa Umulimo Ukwabula Cena Ukuba Ubufwayo Bwakwa Lesa.* Nomba, uyo mutwe uweni, kabili Ni ncekela ukuti Shikulu alasokolola ico kuli ifwe nomba. Ibukisheni, "Ukwesha ukubombela Lesa umulimo ukwabula cena ukuba ubufwayo bwakwa Lesa." Nomba, ico cilemoneka ukuba iceni saana. Lelo, muli ici, limbi Lesa kuti atwafwilisha.

<sup>109</sup> Icintu cimbi ico Ni ngafwaya ukulanda luno lucelo, cakutila ifwe tuli ne nsansa pa kukwata pakati keso cibusa wandi, cibusa umusuma nganshi, umulumendo umwaice. Abengi pakati kenu mwe bantu pa cilimba nomba kuti, nangu abo, pali lamya iyakumbinkanishiwa, namuwishiba uyu muntu untu aali. Ileo bushiku bwakwe ubwa kufyalilwapo, amakumi pabula-na itatu imyaka yakufyalilwapo, Munyina Bill Dauch uwikele pano ku cinso candi, amakumi pabula-na itatu imyaka yakufyalilwapo.

<sup>110</sup> Imyaka iingi iyapitapo dokota atiile, "Ena teti abe no mweo." Ine namumonafye ena naikala pano nomba. Necakumwafwako ukupema ica mwela usuma, kabili umusuma umukashi wakwe alinjitile kabili nokutila, "Munyina Branham, nga ule enekela ukumona cibusa obe umukote, Bill, uwamweo, iwe cawama waisa nomba line."

<sup>111</sup> Kabili Ine... Limo pa matayala yandi lyali putwilwe ku mbali, umupeto wandi walifumishiweko, kabili Ine nalepwile

itayala nafumyako kuli motoka yandi ukuti mfike kuli ena. Ine nalefumafye pa—pa—pa citesheni, icitesheni cakupompapo amafuta, kabili pakufuma mumuputule waktushishamo umo Ine natushishe mu Ohio ukwasha ukuti mfike kuli ena, kabili ndeenda ukufuma Na mwene ici monwa. Kabili namwene Munyina Dauch, naiminina mu chalichi nokuboko kwakwe nafumya; ico cali cinjishe, kabili Na mwene iwe uleisa uleenda kabili waposhenye ukuboko naine. Atiile, “Kabiye umwebe ena, ‘EFYA SOSA SHIKULU.’”

<sup>112</sup> Ena aali ne myaka amakumi pabula iyakufyalwa lilya. Ena akwete umutima ukufilwa ukutunta pamo nokushinka kwa mishipa yaku mutima, kabili mukupwililika umutima ukufilwa ukupompa. Dokota uwacenjela nganshi. Uyu muntu tali uwa. . . ena talefwaya. . . Iyo, Ine teti nande ifyo. Ena muntufye uwinga kwanisha ukukwata dokota onse ena engafwaya. Ena ali umusuma nganshi dokota uwaci Yuda uyo uwankumenye mu cikulwa icikalamba no kutila, “Takuli isubilo ilya kuti aba ena no mweo.”

<sup>113</sup> Kabili Na ingilemo mukati no kupisha ukuboko kwandi pe samba lye tenti umwali umwela untu tupema, Ine natiile, “Bill, bushe iwe ulengumfwa?” Ena apunkilefye umutwe wakwe. Natiile, “EFYA SOSA SHIKULU, ‘Iwe tauli nokufwa nomba.’”

<sup>114</sup> Umuntu umo ukufuma apo, lintu Naile ku cintamba mukushimikila i Mbila yandi, Munyina Dauch aishile aleenda ukupita mucikulwa. Kabili lintu Naile mulya mucikulwa cakwa Furr Icakulilamo, ukwabuka. . . Nde pilibula Blue Boar, ukwabuka mu Louisville, apa ena alefuma mu nkunkula lubansa, aleenda ukukonka umusebo, nafumya nokuboko kwakwe; bwino bwino fye umwabela i Cebo cakwa Shikulu. Kabili ico cali imyaka itatu nangu ine iyapitapo; kabili pano ena aenda munshila yonse ukufika namuno, mu Shreveport (ukwabuka icalo, te mundeke nomba, ne nkunkula lubansa), uh-huh, naikala muno lucelo. “Insansa pabushiku wafyalilwepo, Munyina Dauch.” Ico cafuma ukwa buka conse icalo, ukufuma konse konse. “Lesa akupale!”

<sup>115</sup> Nine namubatishe, panuma yakuba muli Lesa patatu, Na mubatishe ena lintu ena. . . mu musonkano wandi umo pawaku balilapo, lintu Munyina Banks Wood amusuminishe uku mwikatilako ifya kufwala (ena aali umuntu wansaishi, nga fintu mulemona), kabili aingile mu cishiba na Ine na mubatishe pa myaka ili nga amakumi cine konse konse-naisano nangu amakumi pabula iyakufyalilwapo, mwi Shina lyakwa Shikulu Yesu. Ena atiile tale umfwa icalungama mpaka asangile bulya ubucingo ubwa cintu cimo. Nomba ena apokelele ubushiku bwakufyalilwapo uko ena takakote. Ico nacilungama, cilya Icalo cikikalamba. Ena ali uwa enekela ukwikala no kumona Ukwisa kwa kwa Shikulu; ico kuti cacitwa. Lelo ngacakuti kuti alala utulo, ena. . . kabili ifwe tukabuka pali ilya nshita, akabuka

mukuba lilapo. Nacilungama. Eico, Munyina Dauch, tapali inshila nomba yaku pusa ico. Iwe uulifye bwino bwino mu nshila. Ikala apo pene, munyinane, kabili Lesa akupale. Kabili Ndetotela Shikulu pa muntu umusuma uwaba ngefyo, kabili napa kumupela yonse iyi myaka.

116 Mwi Buuku Iya Milandu, “Ukwesha ukubombela Lesa umulimo ukwabula cena ukuba ubufwayo Bwakwe.” Lesa atekafye eka, mukubalilapo, ifwe tulefwaya tukutuluke pali ico. Abantu ilelo balesunguka umulandu ifwe tatwinga kwatila ukupuputulwa. Bushe imwe mwali cetekela ukuti Lesa atekafye eka? Mwamona, Baibele ilanda muli uyu musango.

117 Kabili ifwe tulesha...Nga fintu Ine nalelanshanya ne bumba Iya ba munyinane abasuma, bamunyanane ba Baptisti, tapapitile inshita ikalamba, kabili bena batiile, “Munyina Branham, ifwe kuti twakwatafye ukupuputulwa lintu twabula i Cebo, icebo ne cebo, ibula ne bula, icilembo ne cilembo.”

118 Kabili Ine natiile, “Ine nacetekela ifyo pamo, ibula ne bula.” Ena atiile...Ine natiile, “Bena balesha ukucita ico inshita shonse.”

119 Ena atiile, “Lelo ifwe tufwile twasanga ukupilibulwa kwa Cebo mu ci Greeki, ifyo mu ci Greeki calanda.”

120 Natiile, “Nsha belenga ifingi saana, lelo ukubelenga ilyashi Iya kale Ilya chalici, kabili *Icisaka ca Nicaea* kabili *Icisaka ca Na-Nicaea* kabili *bashibo ba Nicaea*, nefyaba ngefyo, bena balepashanya kunuma *kulya* palwa ci Greeki. Ico cali imyaka amakana yabili iyapitapo. Umo atiile, ‘Cena cipilibula *ici*,’ kabili naumbi atiila, ‘Cena cipilibula *ico*. Ishiwi Iya mucu Greeki lipilibula *ici*.’”

121 Pamofye nga mu lulimi lwesu; ishiwi *mona*. Ukubomfya ishiwi *mona*, iwe kuti wapilibula “amenshi ayengi,” “Ine nakutuluka,” nangu ifintu ifingi. *Ukwimba*, kuti caba, “ukwimba icilindi, ukwenda,” nangu—nangu “iwe wacintendusha,” nangu “iwe wacindipililako imyendele,” nangu cena kuti capilibula icili conse...ifintu ifingi. Kabili noto utulembo utunono, kabili nefyaba ngefyo, kuti cacinja ubupilibulo bonse. Eico iwe teti ucite muli uyu musango waba ngefyo. Lesa alembele Cena ifyo fine, pantu... .

122 Kabili conse i Cebo cali subwa, kabili Ena alandile ukuti, “Ine nde Mutotela, Taata, ukuti Mwalifisa ifi fintu ku menso yaba mano kabili kuba cenjela, kabili nokufisokolola” (ameni) “ku tunya uto utwinga sambilila.” Bwena busokololo pali Ena, ngefyo Na landile mu cungulo bushikku cabushiku bwapitile, “Nkacisokolola Ici ku tunya.”

123 Natiile, “Cena taca kabombe, mukwai.” Natiile, “Ukupuputulwa teti kwise mpaka Lesa, Lesa aitutungulula, acituma ici; kabili nomba Ena kuti abula uwamano ayanono uyo ushaishiba no kulemba ishina lyakwe, kabili ena nokumubomfya

pamo na cena, uyo ushaishiba ne Cisungu cisuma nangu fye ne ci Greeki.”

<sup>124</sup> Ico eco Ena acitile mu nshita lintu Petelo ashimikile pa bushiku bwa Pentecosti, na mwishiba, ena taishibe nefya kulemba ishina lyakwe, uwabula ukwishiba kabili uusha sambilila. Lelo Lesa acita ifintu mu nshila iya kusungusha kumatontonkanyo ya mano yesu. Ico eca mulenga ena ukuba Lesa. Nga cakuti Ena alikwete ibumba lya basambilila icipingo kabili nabashi mucindikwa, kabili nefyaba ngefyo, bena ngabatiile ukuti, “Ulya uwa cenjela Kaisala, mwamona, ena akwete ico icalungama.” Lelo Lesa aile nokuya leta abalondo besabi abo aba shaishibe nokulemba amashina yabo, kabili abo ebo Ena abulile. Uyo ni Lesa, Ena abula icintu icishili nangu cimo no kupangamo icintu ukufuma muli cena kuli Ena ukucindama Kwakwe. Ena abulile icimfulunganya nokupangamo Edeni. Uh-huh, ena ni Lesa.

<sup>125</sup> Nomba, nga cakuti kwalibako umuntu umu uwakwata inshila ya kupuputilwamo, ni munyina wesu uwa cishinka uwamucinshi Billy Graham. Lelo ukuwata inshila yamibombele cintu icisuma, lelo inshila teti icilenge ukubomba ico, cena cisendafye amaka pakuti cibombe cena. Iwe kuti wa panga motoka, kuti wabikamo ne fipuna ifisuma muli yena, kabili—kabili ico kucishinikisha na scienci eflyo cingacita; lelo kano amaka emo yali mulya, cena kuti caba icipe icafwa.

<sup>126</sup> Eico, mukupuputulwa kwali ku Welsh, ni kumo ukupuputulwa kwa kunuma ilyo takulaba ukwesu ba Pentecosti, takuli nangu umu uwaishibe icatampile kulya ukupuputula, lyali fye ibumba lya bantu abanono.

<sup>127</sup> Nomba, lintu ifwe bonse twakwata bonse. . . cibusa wesu, Billy Graham, ena aali nokusenda bonse ba Presbyterian, naba Lutherani, naba Pentecosti, na bonse fye capamo, nokuya mu musumba kabili kulya bena bali nokukwata ibumba ili kalamba bonse capamo ilya makana ayengi, kabili amakana amakumi yatatu kuti baisa (mu milungu ibili) kabili nokupela imitima yabo kuli Kristu; ukubwelelamo mu milungu imbi ibili kabili iwe teti usangapo umu. Mwamona, iyo enshila. Lelo lekeni Lesa muku Itungulula ukwa kusenamina alande ku basulwa abanono, nga mukulanda ifyo, umunono uushaba nangu cimo; lekeni u Mupashi Wakwe uponene mu musumba kabili no muntu afilwa ukuya mukubomba, abanakashi bafilwa ukusuka ifipe, cishiko afilwa ukwanshika ubusanshi, ukubilikisha no kulila na maboko yabo nabemya mu lwelele. Uko ekupuputulwa, ukwaba mu bufwayo bakwa Lesa.

<sup>128</sup> Cena calandilwe ukuti bamo abantu abacishinka abashipa ukufuma mu chalichi baile kulya ku Wales ukuti baye ba kutuluke, nangu ukuya mona inshila yonse iyale bomba mukupuputulwa, mu nshita yakupuputulwa kwa ku Welsh.

Kabili lintu bafumine mu bwato ne fisote fyabo ifitali naba fwala, kabili ne nteneshi ishashinguluka, bamumona, ena aleisa mu musebo, kapokola umunono, alesunsha inkonto ukushingulusha kabili aleshingulusha mu musango nga *filya*, aleputa muli pinto, bena batiile, “We muntu wandi umusuma, bushe kuti wanjebako uko ukupuputulwa kwamu Welsh kubelele?”

129 Ena attile, “Ee, mweba bwananyina bandi, imwe mwimininefye pakati ka uko!” Uh-huh, uh-huh, uh-huh. Ena attile, “Imwe mwaumfwa, *Ine* nine kupuputulwa kwamu Welshi,” atiile, “pantu ukupuputulwa kwa mu Welsh eine wine.”

130 Uko ekuitungulula! Ifyo efyo Lesa acita, kabili Ena eka ewakwata insambu ishakutuma ukupuputulwa. Tekubika inshila capamo, cena kupepa kuli Lesa ukutuma amaka—amaka.

131 Ena asokololafye i Cebo Cakwe muba mwenwa libela epela. Nomba, lintu Ine nabomfya ishiwi *ukumwenwa libela* . . . Nomba, lyena lishiwi ilyabipa ukubomfya mu cintu bwingi, maka maka lintu ifwe tuli abasakana pakati kaba Arminian naba Calvinist. Kabili te ba . . . Nshile mipusha ukutontokanya Ni njishiba cena conse, lelo fyonse fibili fintu fyalubana umwabela Amalembu. Ukusenamina eko Lesa acitile kuli Ine, imilimo eyo Ine ncita kuli Ena. Mwamona? Ninshi imwe namukwata Ici. Ngakuti imwe mwanina limbi pali cimo ici putulwa, imwe icine cine muli nokuisanga mwebene ku mpela ya ciputulwa kabili teti mubwele kunuma. I Buuku lya Bena Efeso lyali campanya pamo, Ine ndetontokanya.

132 Nomba, lelo i cebo, lintu Ine nalibomfeshe lyena, *ukumwenwa libela*, mwitontokanya ukutula Ine . . . ilyo eshiwo lyeka Na iashiba ifya uku—uku panga . . . Cena ni Lesa ukwishibila libela, mwamona, ukuti Ena alishiba. Ena—Ena teti atiile . . . Ena—Ena afwile ukutula bonse benga pusuka, Ena ali citile ifyo, lelo ukupitila mukwishibila libela Kwakwe Ena aalishibe uyo ufwile aba nangu ushifwile ukuba. Mwamona? Ifyo efyo Ena aishiba, Ine nshaishiba ici naiwe tawaishiba ici, eico ifwe tuiipangilafye ipusukilo lyesu no kutina no kututuma.

133 Nomba, lelo Lesa alibika i Cebo Cakwe, kabili alibika munkulo shonse. Ukwishibila libela kwali lenga Ena ukubika mu chalichi, kabili na mu bantu, ifintu fimo fintu Ena icitile ukufuma ku kutendeka. Kabili nomba i Mbila nsuma iyo ileshimikilwa kuli *iyu* nkulo yena yasokololwafye kulibalya balya bantu bamo, abashalako aba abo bena taba mona Ici. Mwamona? “Nde Mitotela, Taata, Mwalifisa ifi fintu ukufuma ku menso yaba mano na bacenjela, noku Cisokolola ku tunya abo abenga sambilila.” Mwamona, uko ukumwenwa libela. Tekutula Ena alicicitile ico ukupitila, imwe mwatila, “Ine ndi nokusala

*iwe*, kabili nakana ukusala *iwe*.” Ukupitila mu kwishiba libela Kwakwe, Ena alishibe ico iwe uli nokucita.

<sup>134</sup> Pakuti Ena engasangwa konse konse... Bushe imwe mwalicetekela ukuti Ena asangwa konse konse? Nga cakuti Ena tasangwa, Ena teti abe Lesa. Nomba, imwe mulentontonkanya ukuba uusangwa konse konse: Ena alishibe impantila yonse iyali no kuba pe sonde, miku inga isho mpatila shinga ipuma amenso, mafuta yanga ayali no kuba mu mpatila, lyonse ibula lya cani ilyo ilingabapo; uko ekusangwa konse konse. Kabili ifwe twaliba napo tupela, ifwe tulaipunina mu nshita ya mfifi. Lesa atupashanya ku mpanga, kabili ifwe tufwile twakwatako Intungulushi. Neyo Ntungulushi te muntu, iyo Ntungulushi ni Mupashi wa Mushilo, u Mupashi wakwa Kristu pakati kesu. “Pakashita akanono ne sonde talya ka Mone nakabili.” Umubili Wakwe wena waimishiwe pa mulu ku Cipuna cakwa Lesa, palya u Mupashi *wali* pa Cipuna; nomba Kristu ali pa Cipuna, Yesu. “Mukashita fye akanono ne sonde talyaka Mone na kabili, nomba imwe muka Mona, pantu Ine nkaba pamo naimwe mpaka nakumpela ye sonde, kabili namuli imwe.” I Cipuna cakwa Lesa, icakwa Kristu, cabikwa mu mitima yenu; kabili Ena naikala pa Cipuna cakwa Lesa, lelo mu Myaka ikana limo Ena akekala pa Cipuna Cakwe Umwine; ico, Ena alapile ukuti Ena akemya uyu Muntu, u Mwana Wakwe, Mwana Davidi, ukwikala pa Cipuna Cakwe.

<sup>135</sup> Nomba, Ena asokolola ifi fintu ukupitila mwikwishibila libela Kwakwe kuli bonse abo Ena alashikila libela kuli ifi fintu, nga teifyo bena taba cimona Ici. Ukwiminina bwino palya, ukulolesha mukulungama pali Ici, kabili ena teti acimone Ici.

<sup>136</sup> Nibanga ba mona cilya cikope ica ng’ombe mu mpanga, ico ufwile ukulolesha kabili nokulolesha? Bushe imwe mwali tala amumona ico? Nangu, ukumona icikope cakwa Kristu mu mpanga, nangu mu muulu, nangu mumakumbi? Mwamona, ulya kapenta aali kwata iico icabikwa mpaka imwe mufwile mwalolesha pali cena mu nshila imo. Cisuma, nomba, lintu imwe mwacimonafye pa nshita imo ico, imwe teti mumone icintu kanofye cilya cine. Inshita yonse imwe mwalolesha, ninshi cena epo cili. Nibanga ba mona ifyo fikope? Ukuba, icine cine imwe mwali mona.

<sup>137</sup> Ukuba, uyo emusango Kristu abelamo, pa Lwakwe, i Mbila nsuma, i Mbila eflyo yaba. Lintu iwe wamonafye i Mbila yanshita, takuli icintu cimbi iwe wingamona kanofye Yena. Epela fye. Ifintu fyonse fimbi nafiya, ifyashalako ifya ico fyakwiminina pofye, mwamona, mwamona, lintu iwe panshita imo wamone Mbila!

<sup>138</sup> Eflyo cali—cali mu nshita yakwa Noah. Lintu Noah ne bumba lyakwe... moneni ifyo... Lintu bena ba mwene Mbila, takwali nangu cimo icintu icasakamike. Lintu ibumba lyakwa



Mose lyacimwene Ici, takwali icintu cimbi icasakamike. Lintu ibumba lyakwa Yohane Iya cimwene Ici, takwali icintu cimbi icasakamike. Lintu ibumba Iya kwa Yesu Iya cimwene Ici, takwali icintu cimbi icasakamike. Lintu ibumba Iya batumwa Iya cimwene Ici, takwali icintu cimbi icasakamike. Lintu ibumba Iya kwa Luther Iya cimwene Ici, Wesley Iya cimwene Ici, ibumba Iya ba Pentecosti Iya cimwene Ici, takwali icintu cimbi icasakamike, bena bafumineko ku fintu fyonse. Mulandu nshi? Mukwishibila libela Ena amwenene libela ukuti ifi fintu fili nokucitika.

<sup>139</sup> Ena Asala umuntu Wakwe ukupitila mukwishibila libela Kwakwe. Nga fintu Ena asosele mu Bena Roma 8 apa, ukuti Esau... ukuti u—ukuti uku sala kwakwa Lesa kwingemina ukwashininkishiwa. Ukutika Esau na Yakobo bonse babili bafyelwe ku bafyashi bwa mushilo, ba mpundu, ukuti kulya ukusala Kwakwe kwingeminina ukwashininkishiwa kabili ukwa cine, Atiile, “Napata Esau, kabili natemwa Yakobo,” Ilyo cila umo umulumendo talafyalwa. Mwamona? Ena aleishiba icaba mu muntu, Ena alicishiba ici ukufuma fye ku kutendeka ifyo cena cali, eico Ena kuti aleka icintu conse ukubomba bwino bwino fye ukukonka ne nshita yankoloko. Ifwe tubafye abaumfwa umwenso kabili abaumfwa ububi; imwe tamwamumonapo Ena uwaumfwa ububi. Bena taba monapo... Mwamona? Ifintu fyonse filebombafye ifya lungama, bwino bwino fye, ne nkoloko ileenda.

<sup>140</sup> Ifi fintu ifyo ifili nokucitika, bonse aba abanakashi no mushishi uwpi, kabili naba abaume ukukwata ifyaba... ukukwata bena umushishi nga bakashi babo. Nda bamona, mukupwililika, balakwata nefya kupetelako umushishi, pantanshi bapetela mumulu pantanshi. We cakupilibula we! Ifyo efyana fuma muli Edeni wakwa Satana. Kabili noku cita nga ena: aleesha ukubeya umushishi wakwe ngo mulume wakwe; umulume wakwe naena aletaka imishishi ukukula nge ya mukashi wakwe. Kabili na ena alefwala ifyakufwala fya kwe, kabili naena alefwala utwakwe utuputula twaku kati. Mwamona, eifyo fine. Ena alebula ifya caume, kabili naena alebula ifya canakashi. Mwamona, ni Edeni yakwa Satana, ica pusana negyo Lesa acitilwe ico ku kutendeka. Ico e Cine.

<sup>141</sup> Nga cakuti Ine nshitampile, ifwe teti twingile muli ici. Lelo ifi fintu, kabili ne nshila kuli Ena pakuti enga ficita ifyo, kabili ninani uwingacita ifyo, iyo enshila iyasalwa Iyakwe Ena, Ena ala sala. Iyo ine enshila Afwailamo ukuti ico cinga citilwamo.

<sup>142</sup> Nga fintu Na umfwile Munyina Peary Green, kakumba wesu uwaku Tucson, aleshimikila abushiku bumbi ubushiku pa fyo Lesa apanga ifintu munshila imo (Ine nindaba ifyo isambililo lyali.), lelo ena atiile, “Uyo emusango Lesa acitemenwamo ici, ifyo efyo Lesa acita.” Ukuba, ico nacilungama.

<sup>143</sup> Nomba, ninani uyo pakati kesu uwingaya Mweba ukuti Nalufyanya? Ninani uwingesha ukwimininako ku cinso cakwa Lesa, no kumweba ukuti, “Iwe waliluba, Shikulu, Iwe ufwile ukucitila ico munshila Ine ndefwailamo ukuti cicitikilemo, Munshila Dokota *Wakuti-na-wakuti* alandilemo ukuti emo cifwile ukucitilwa”? Ninani uyo uwasendwa mu matontontokanyo yakwe, uwingalanda icintu icaba ngeco? Iyo, iwe teti ufume no kulanda icintu icaba ngefyo, lelo iwe ula ci tontontokanya!

<sup>144</sup> Kwati nge Mbila yandi iya bu *Mulwisha Kristu*, “Kukema ba kristu ababufi.” Nomba, Ena tatiile ba *Yesu* ababufi. Mwamona, takuli nangu umo uwingeminina shilili uku mwita “Yesu,” mukulondolola Shikulu. Lelo ba *kristu* babufi cilepilibula “uwa subwa.”

<sup>145</sup> Oh, bena, cila umo atotonkanya ukuti bena nabakwata ukusubwa, “Ubukata kuli Lesa, ena kuti acita *ici* kabili acita na *ico!*” Lelo mubikeni pakweshiwa kwa Cebo kabili fwailisheni mumone pantu ena afikile, mwamona, pa Mbila ya nshita.

<sup>146</sup> Bena balikwete ukusubwa mu nshita yakwa Yesu, lelo tepali Ena.

<sup>147</sup> Bena balikwete ukusubwa mu nshita. . . Nangu fye Datani alikwete ukusubwa mu nshita yakwa Mose. Atiile, “Nomba, iwe tawfwile ukutontokanya ukuti niwefye weka uwa mushilo pakati kesu, Lesa alikwata abengi. Ifwe tuli nokutampa fye akabungwe pano, ibumba lya baumwe.”

<sup>148</sup> Lesa atiile kuli Mose, “Ipatuleko wemwine kuli ena,” kabili Aiswile umushili no kuba mina bonse pamo. Ena apele i Cebo Cakwe icakubalilapo kuli Mose, kasesema Wakwe; iyo ine enshila fye imo Ena acitilemo *ici*, kabili enshila imo inefye iyo Ena akacitilamo *ici*. Ena tacinja ubutantiko Bwakwe, mwamona.

<sup>149</sup> Eico amatontontokanyo yesu yantu yalubana, amatontontokanyo Yakwe yantu yalungama, lyonse. Kabili tawfwile ukumweba Ena ukuti Ena “nalufyanya.” Te mulandu na untu ifwe twingatontokanya ukuti eucililepo ukukwata ifilefwaikwa, ico te cesu ukulanda uyo ucililepo. Nomba, apo epo imwe mufika mu tubungwe.

<sup>150</sup> Munyina umo umunono uwaisulamo no Mupashi kuti aya mu musumba kabili no kukula akab-. . . ukukula pamo i—i bumba ilisuma ilya bantu. Kabili no kulakumana nabena pa musonkano, bonse aba bwananyinina aba mushilo bale umfwana, na mwishiba, kabili nokulanda ukuti, “Imwe bushe namwishiba? Ine nincetekela umunono *Jones* pano,” (ena emunono pakati kabo) “Ine ndetontontokanya ena eufwile akwata lilya ihema ilisuma ilikalamba, Ine ndetontontokanya. Imwe tamuletontontokanya ukuti ico nacilungama?” Iyo, owe. Ena ulya aya. Kabili nomba ulukuta lwasalangana. Mwamona? Patuleni aba! Lesa eupatulula, Ena e Umo Uyo ucita *ici*. Lelo bena bonse,

cila umo, alefwaya ukusenda *uyu* umo umunono, uku mubika kulya *kwine*, kabili *noyo* umo *pano*. Ayo emano ya muntu.

<sup>151</sup> Umuntu alikwata imfungulo, lelo Lesa ewaikata imfungulo ukuba. Bena bapele abasambi, ichalichi ca mushilo, imfungulo; kabili lolesheni umuku wa cimo bena bashibomfeshe ishi, ilyo Yuda aponene ukupitila mukubembuka. Bena baishile capamo nokupendula; kabili aba bwana nyina aba mushilo. Ninani uwinga sosa ukuti bena tabali aba mushilo aba bwananyina? Ninani wingasosa ukuti bena tabali aba mushilo? Lelo bena balependwila, kabili caponene pali Matiya. Kabili lintu ena . . . Cinshi cintu ena acitile? Tapali. Lelo Paulo ewali umo uwasalwa! Amen. Uko ekwali ukusala kwa kwa Lesa: umunono, umona-wa kompama, uwa casa kanwa, umu Yuda ufulwa-pamulu. Te Matiya, D.D., na mwishiba, ena—ena aali . . . Ni Paulo. Lesa asalile Paulo; ichalichi asalile, asalile Matiya. Mwamona? Imwe tamwakwata insambu isha kwesha ukweba Lesa Ena ukuti “nauluba.” Ena alishiba ifya kucita, Ena alishiba ifyo umuntu apangwako nafyo.

<sup>152</sup> Ninani winga tala . . . Ukuti cilya ichalichi easalile Paulo? Oh, iyo, tacali ifyo. Atile, “Ulya muntu eumo utubika ifwe bonse mu cifungo.”

<sup>153</sup> Lelo Lesa atiile, “Ine ndi noku mulanga ifyo afwile uku Nculila.” Ena alishibefyo.

<sup>154</sup> Cisuma, te mulandu nauntu ifwe twinga tontonkanya ukuti ena eulungeme, Lesa alishiba uyo uwinga linga pantu Ena alishiba umutima wa muntu, Ena alishiba.

<sup>155</sup> Efyo acita no kupuputula, nangu ukucita ifi fintu, ukucitika pa nshita iyo ifwe tutontonkanya ukuti fifwile fyacitika. Ifwe tutontonkanya ukuti, “Ni ino ine nshita ninombaline, ubukata kuli Lesa!” Ni mona muli ba capitala kabili nefyaba ngefyo ifya Baume Bashi makwebo, “Kuleisako nomba line, aleluya, ukupuputulwa kukalamba!”

<sup>156</sup> Mwiba ababepekwa, “Ena alisa kale, kabili bena bacitile conse ico bena batantike.” Mwamona? Lelo bena baletontonkanya ukuti kuli ukupuputulwa. Bushe kulecitika? Iyo! Kwena kwalicitwa, kabili kwalifwa, kwena kwalipita. Uh-huh. Moneni, ino ni nshita yaku cefya-ilampi, ukufuma kabili nokwingila. “Abo abalolela pali Shikulu bakapokelela amaka.”

<sup>157</sup> Moneni pano mu kubelenga kwesu, lolesheni Davidi, imfumu ya Israeli, ena eumo uwakwete ubusokololo bwakuleta icipao cakwa Lesa ukubwehsesha ku cifulo ca ciko; ukuti, bena tabaipwishe ico mu nshiku shakwa Shauli pantu Shauli aliponene. Eico bena tabatalile abepusha palwa cipao nakalya, icipangano, mu nshiku shakwa Shauli, pantu ena aliponene kabili no kufumako kuli Lesa. Eico Davidi, mukwangufyanya, pamo nokusubwa . . . Nomba lolesheni ici, lyena lisambilisho ilya bucenjeshi nga tamucufwikishe bwino. Kabili Ndeumfwa ukuti

ora ileisa apo tufwile ukuba abaume mucifulo ca tunya. Uh-huh. Ifwe tufwile ukulya ifyakulya ifyakosa mucifulo ca mukaka.

<sup>158</sup> Lolesheni Davidi, imfumu ya Israeli, imfumu elyofye mu bupya yasubilwe ukuba imfumu; nangu ukusalwa ukuba imfumu, Shauli... Samwele amusubile ena ukupitila mubufwayo bwaka Lesa; kabili ena aali mukupwililika imfumu iyasalwa na Lesa, takwali ukutwishika kuli ici. Kabili ena ewalipo, kabili ukusubwa kwaingila muli ena. Cena calisokolwelwe kuli Davidi. Ena akwete ubusokololo, takwali nangu umo uwa soselepo icintu nangu cimo palwa ico. “Natuleya nokuya senda icipao, pantu ubo ebufwayo bwakwa Lesa ukutula ifwe tukwete icipao pamo naifwe, pakuti tuleipusha Lesa ukupitila muli ici icipao.” Icintu, icintu ica bulamba nganshi. Bushe tamule tontonkanya ifyo? Cisuma.

<sup>159</sup> Ibukisheni, lelo, ena ukuba imfumu, kabili akwete nobusokololo, ena aali pitilile pa ncende yakwe. Mwali kasesema muli cilya calo uwe shina lya Natani, ena ewali umo uyo uwalashikwe uku kwata ubusokololo. Nga cakuti kuli conse icifwile casoswa, Ena atiile, “Shukulu tacita icintu nangu cimo kano Ena asokolwela ici ku babomfi Bakwe ba kasesema.” Lelo, mwamona, Davidi ukuba imfumu, nokusubwa pali ena... Nomba, bushe ico Malembo? Ukusubwa pali ena, kabili no ku kwata ubusokololo ubwa cine; lelo ico cali icalubana: Pantu Natani aali ni kasesema uwa nkulo ilya; kabili ubusokololo tabwaishile kuli Natani; kabili lintu ubusokololo bwaishile kuli Davidi ena tatatile ipusha Natani palwa ici. Ena ailefye pantanshi nokuya cita ico ena alefwaya ukucita. Uh-huh.

<sup>160</sup> Lelo lolesheni bantu Davidi aile ipusha apa my capitala 13, “Lelo ena aipwische ba kasomo aba makana ne myanda,” ukubwelela ku lukuta lwakwe. Mwamona? “Nomba, bushe imwe tamuletontonkanya ifwe tufwile ukucita...?” Ico teifyo cifwile ukuba. Nomba, ena aleesha ukubombela Lesa umulimo, lelo ena libe talashikwe ukucita ico; mwamona, pantu Lesa alikwete inshila.

<sup>161</sup> Mumusango umo wine Lesa nga alandile ne—ne mfumu palwa cilonda cakwe kabili napa kupola, lelo Ena tacitile, Ena alikwete inshila iyalashikwa iya kucitilamo cena, ico cali ni kasesema Wakwe. Eico Alikwete inshila iyalashikwa iyo alandile kuli kasesema, Esaya, amwebele ukubwelelamo no kuya eba Hezekiah ifyo ifyali nokucitika.

<sup>162</sup> Nomba, Hezekiah alelanda icinso ne cinso pamo na Lesa, kabili—kabili Lesa alelanda na Hezekiah, mu cituntulu, lelo Ena apangile inshila shimo! Imwe mwacumfwa ico? Lesa Alikwata inshila iyabikwa Yakwe iya kucitilamo ifintu: ukutuma ukupuputulwa, ukulanda, ukweba, conse ifyo cili cena. Ena alikwata inshila Yakwe iyakucitilamo ici, kabili ifwe tatuli

nangu cimo uku mweba ifyo Ena engacitilamo ici. Ena acitilafye mumusango ca Musekesesha uku cicita ici.

<sup>163</sup> Eico, mwamona, Davidi, ukuba uwasubwa... Nomba, imwe ubukisheni Nacitila, ukusubwa, ukusubwa ukwa bufi? Ibukisheni Mupashi wa Mushilo kuti aisa no kusuba umuntu, kabili ico cena ninshi cicili kunse ya bufwayo bwakwa Lesa. Apa, Ici naci ishininkisha icine apa pene. Mwamona? Tufwile ukupita munshila yakwa Lesa, te nshila shesu, Lesa alikwata inshila umwine eyo acitilamo. Pantu, Davidi, ukuba imfumu, uwasubwa, ukusubwa no Mupashi wakwa Lesa pali ena (icakupashanya cakwa Yesu Kristu), lelo iyo tayali ni nshila yakwa Lesa.

<sup>164</sup> Lintu ulukuta lonse, “cena cabasekeshe bonse,” Baibele efyo yasosa. Lolesheni, ba kasomo amakana kabili naba mu myanda, kabili bashi mapepo naba sambilila icipingo batontonkenye ukuti ico cali “icisuma.” Kwaliba ama sukulu ya Baibele kabili nafyonse fimbi, bena batontonkenye ukuti ici cali “icisuma.” Nangu fye abantu bonse balisumineko, kabili na bashi mapepo, kabili—kabili nabonse basumine ukuti ukusubwakwa mfumu kwali ukwalungama. Lolesheni! Lelo Lesa talaile ukusokolola i Cebo Cakwe mu nshita ya Ciko kuli *bená*. Lesa alikwete inshila Yakwe iya kusokolwelamo i Cebo Cakwe, lelo tekuli *bená*. Ibukisheni, cena cali icapusanako kuli Lesa.

<sup>165</sup> Cintu cimo nga mu nshiku shakwa Mikaya umwana umwaume uwakwa Imlah. Bushe muleibukisha liya ilyashi? Yuda na Israeli fyali ifya patulukana, kabili bena bakwete ubufumu bubili ubwapusana, kabili Ahabu aali ni mfumu pa bufumu bumo. Kabili Yehoshafati aali imfumu—ubufumu bwakwa Yuda, Nde cetekela cena efyo cali; kabili Ahabu ewali pali Israeli, Yerusalemu.

<sup>166</sup> Moneni, kabili nomba kwaishile ibumba lya beni nokusunako ukufumya ku mpanga Lesa-apele iyo intu Lesa apele kuli Israeli, kabili aba Pelishiti kulya, abena Syria, baikatilile ilya ncende kabili balelishishamo abana babo ukufuma mu mushili uyo uwali wa bena Israeli. Kabili eico bena bakabile ulya mushili ukulishishamo abana babo kabili ne ndupwa shabo. Lesa alibapele... Shilya shali ni nsambu Lesa-abapele.

<sup>167</sup> Kabili eico Ahabu aatile Yehoshafati, kabili nokutiila, “Tentemukila kuno.” Ena atiile, “Lolesha kulya mona ifyo abalwani besu balecita. Bushe nacilungama ukuti ifwe, fwe bantu bwakwa Lesa, ne nsambu twapelwa-na Lesa ukuti tufwile ifwe ukukwata iyi mpanga, yena yapelwa kuli ifwe na Lesa ukupitila muli kasesema Wakwe, Yoshua, aputawile iyi mpanga, yena yaba iyesu, yena yapelwa kuli ifwe, ku bana besu, kabili apa ba komunisti eba isenda yena? Kabili ifwe natukwata... Ifwe tuli ne nsala nganshi, kabili bena balikwata

ne nsambu Lesa-atupela. Bushe tauletonokanya ukuti ifwe tufwile twanina kulya no kupokolola impanga yesu ukuibweshwa? Nga cakuti kwaba ukubika amaka yesu pamo: nga cakuti ifwe ba Methodisti, naba Prebyterian, kabili na bonse, kabili ba Prebyterian, naba Lutheran, kabili nefyaba ngefyo, bonse ukubula ici saka cafilonganino pano nombamba, ifwe bonse tuli nokwikala pamo, kabili ifwe tuli nokubula cilya cintu.” (Ine ndelanda no kusosela mwi pinda nombamba.) “Ifwe tuli nokuya ipokolola yena.”

168 “Mulandu nshi,” ena atiile, “icine cine, ifwe bonse tuli umo.” Uh-huh.

169 Nombamba, Baibele yatiila, “Kuti babili baendela shani pamo kano bena basuminishanya?” Mwamona?

170 Kwaliko ulya umuntu mukalamba, ulya umu kalamba umuntu waba Pentecosti, Yehoshafati, aali uwa fulunganishiwa ne bumba lya bantu aba lubana. Kabili ico ecacitike kuli ba Pentecosti besu ileelo. Kwalibako umuntu umutuntulu mulya, lelo baba aba sakanishiwa mulya mwibumba ilya filonganino. Fumenimo muli cilya cintu! Cena cintu catipwa na Shikulu!

171 Lolesheni nombamba! Ena epo aali palya, kabili atiile, “Ee, ico caumfwika ica mano.” Atiile, “Ama celeta yesu yenu; abantu besu. Nangu cibe ifyo, ifwe bonse tuli ba Yuda. Iicine cine, ifwe tuli nokuya naimwe pamo.” Lelo mulifye bukapapa ubwalinga ubushelopo muli Yehoshafati mukulanda, “Bushe imwe tamuletonokanya ukutula ifwe—ifwe tufwile twa mwipusha Shikulu muku balilapo?” Mwamona? “Nde tontonokanya ukuti litontonokanyo lisuma.”

172 Mulandu nshi, Ahabu, “Mu cituntulu.” Atiile, “Mulandu nshi, oh, icine cine, Ine ngana tontonkenye palwa ico.”

173 “Ukuba, bushe palipo umuntu wakwa Lesa kumo ku ncende? Bushe imwe mwalikwata kasesema?”

174 “Ah, Na likwata imyanda ine iya bena. Ine ninkwata icisaka conse ukwisako kuno, icilonganino conse. Bena niba kasesema baci Hebere.”

175 Nombamba ibukisheni, Baibele yatiila bena bali “*bakasesema*, bakasesema baci Hebere,” te basenshi bakasesema, ba kasesema baci Hebere; ibumba lyabo bena, seminali yafya cipingo.

176 “Ukuba, baleteni pa mulu!”

177 Kabili isha mfumu shafwele palwashiko kabili nokuya ku cinso cakwe kuku sekeshwa kasesema. Kabili kwaishile, Ine nincetekela aali ni Zedekia uwaishile, umukalamba ukucilapo mu cisaka ca baume ba mwi boma, nangu conse ico aali, aishile kulya pakati kabobene. Ena apangile palwakwe insengo shibili ishikalamba, atiile, “Ine nin’gumfwa ukufuma kuli Lesa. EFYA SOSA SHIKULU, ‘Kuli ishi nsengo imwe mwalatamfya abena Syria ukufuma mu mpanga.’”

178 “Oh, ubukata!” umuntu onse atontonkenye ukuti cali icisuma, bwino.

179 Lolesheni nomba ifyo ici cipalama kunshita ya afya, pakumona ifibi ne fisuma. Kabili ibukisheni ici cili nokuponena pamo nangu pambi pambali, mpaka ici caisa panshi icapala kwati lwenbe lwanonwa pakati ka bupusano bwa busuma no bubu. Ici cifwile caba conse i Cebo cakwa Lesa; te mupepi na conse i Cebo, lelo conse i Cebo! Kabili na cifika panshi ileelo, te ba Lutheran, te ba Methodisti, te ba Pentecosti, lelo ku nkulo iya nonwa, muli iyi nkulo uko ukusubwa bwakwa mulwishakristu ilifye mukukana luba, ici kuti ca bepa nabalya benefye Abasalwa, bena bakaponena kumbali iyalubana nga tabalecimana ici, nga abo balepwile. Loleni! Beni aba cenjela! Ifwe tatuleikala mu nkulo ya Pentecosti nomba. Ifwe natupitapo pali ilya nkulo, cimo cinefye nga fintu twapita pali ba Lutheran, kabili ukupita pa . . . Mwamona?

180 Lolesheni. Nomba ba kasesema bonse baliseseme, bena bali imyanda ine, abalishiwa bwino aba bikwa bwino. Ba kasesema waba Hebere bali bapele ubunte, bu umo, “EFYA SOSA SHIKULU, ‘Ninika pamulu, Lesa ali nobe iwe.’”

181 Yehoshaphati atile, “Ukuba, ifyo—ifyo fyaumfwika bwino. Lelo,” atile, “bushe iwe naukwata naumbi umuntu?”

182 “Naumbi umuntu? Ifwe natukwata icilonganino conse pano, ifwe natukwata icisaka conse nacikolongana panse pano. Mulandunshi ifwe twinga fwaikwa twakata naumbi umo?”

183 Atile, “Ah, lelo Na tontonkenye ukuti nalimo kuti kwaba naumbi umo.”

184 Atile, “Oh, ee, epo ali naumbi umo, lelo ena taba umo pa waba mucisaka.” Uh-huh. “Ena untu wasulwa. Ni Micaiah, umwana wakwa Imlah, kabili Na limupata ena.” Mwamona? Atile, “Bena tabakamupokele mwi senge, kabili muntu yawe yawe uwasulwa mukutampa. Kabili ena libili libili, fyonse ifyo asesema, takoselesha isukulu lyandi ilya bashimapepo nangu panono.” Uh-huh. “Kabili acita fyonse ifya bipa, asesema ifyabipa pali ine, ukuti abefye uwa pusana.”

185 “Oh,” Yehoshaphat atile, “mwileka imfumu isose icintu caba ngefyo. Lelo Ine kuti nafwaya ukumfwa ifyo uyu muntu ali nokusosa.”

186 Atile, “Ukuba ifwe twalamusanga ena.” Eico bena batumine ukya kumo kuncende mu matololo, kabili bena batumine umwaume.

187 Atile, amwebele, atile, “Nomba, panshila yobe ukubwela nomba, Nde fwaya ukukwebako icintu cimo. Bushe iwe ulefwaya ukubwekela mu cilonganino nakabili?” Mwamona? “Bushe iwe ulefwaya ukukwata isenge nabonse balya nakabili? Nga iwe ulefwaya, sosa cimo cine no uwa pa citungu shimapepo

fintu asosa, sosa cimo cine ico umukalamba wa bashimapepo asosa, kabili bena balemubweshwa kunuma. Nomba enshita yakucita ici.”

188 Lelo kuti imwe mwaelenganya uwasubwa, uwacishinka kasesema wakwa Lesa ukuwikishanya pa Cebo cimo ica kwa Lesa? Iyo ukwabula amepusho!

189 Atile, “Nga fintu Shikulu aba uwamweo, Nde sosafye ifyo Lesa asosa!” Ifwe tulekabila umwana mwaume uwakwa Imlah. “Nga fintu Shikulu aba uwamweo, Ine nala sosafye ifyo Ena asosa.” Ico nacilungama, “Ifyo *Ena* asosa.”

190 Eico ilyo bena bafikile kulya cibe abantu tabalafika, bonse ba kasesema, bena batile, “Nomba, iwe utila bena . . .”

191 Atile, “Lolela, mpela munshita ya bushiku, lekeni ine mone ifyo Shikulu ali noku sosa.” Eico, munshita ya bushiku, Shikulu amonekele kuli ena mu cimonwa kabili amweba ifya kusosa.

192 Ulucelo lwakonkelepo atile, “Bushe nifinshi iwe walasosa, Imalah?” ilyo bonse baiminine panse. . . Ine ndepilibula “Micaiah, umwana mwaume wakwa Imlah,” atile, “nifinshi iwe walasosa nomba? Ifwe tuli bonse pano pamo, bonse ba shimapepo, kabili bonse ba kasesema, kabili shonse imfumu, kabili na fyonse nafikala pano pamo. Nifinshi iwe walalanda ka musonkano ukalamba?”

193 Atile, “Iwe kabiye pa mulu,” atile, “lelo Na mona Israeli asalanganishiwa nge mpanga shabula kacema.”

194 Kabili Ahabu atile, “Nifinshi Nakwebele! Ulya cisanguka kuti asesemafye ifibi pali ine!”

195 Ena kuti asosa shani icintu cimbi ilyo Lesa alesosa icintu cimo cine? Kasesema afwile ukuba akanwa kakwa Lesa alesosa, te matontonkanyo yakwe. Ena . . . Mwa mona, ena ali uwapwi- . . . uwapwililika mukupela kuli Lesa, ena talefwaya ukukalifya nangu cimo, lelo afwile ukusosa ifyo Lesa asosa, pantu ena takwata ubutungulushi bwa Ici umwine. Mwamona?

196 Atile, “Nomba, bushe Nsha kwebele iwe?”

197 Kabili nomba apo paishile u—u mukulu umwaume no lusengo, kabili ukwisa muma pa kanwa, atile, “Niku nshilanshi kwile u Mupashi wakwa Lesa ilyo Wena wafumine muli ine?” Mu mashiwi yambi, lekeni ine njeshe ukulondolola, “Lolesheni kuno mu . . . Lolesheni kuno, Ine ndefwaya ukukwebako icintu cimo, Micaiah. Bushe iwe nawiluka ukuti Ine nine kalapashi wa Malembo? Bushe iwe nawiluka ukuti Ine nalikwata ukusubwa?” Nangu, “Ulubatisho,” eflyo twingasosa ici ileelo. “Bushe iwe nawiluka ukuti Ine nalikwata ico?”

198 Imlah atile, “Nshi letwishika ico.”

199 Ena atile, “Lelo umfwa! U Mupashi wakwa Lesa naunjeba ine, kabili nawiminina ubunte na bonse abandi imyanda cine



pano, ukuti ‘ifwe tuli nokusunka abena Syria ukufuma mu calo.’ Kabili niwe nani ukwisa kuno nokutila ikalamba yesu imfumu ili no kwipaiwa?” Atile, “U Mupashi wakwa Lesa ewanjebele ico.”

<sup>200</sup> Leken i ne nci patulule ici ukuti imwe mucumfwe. Kabili nalimo ifwe twasanga Micaiah aleti, “Mailo munshita ya bushiku mu cimonwa, mukwai, Na mwene Lesa naikala pa Cipuna. Kabili Na mwene onse umulalo waku Muulu naukolongana ukumushinguluka Ena, uh-huh, kabili bena balikwete ukukumana mu Muulu. Bena batile, ‘Ninani uo ifwe twinga leka aya panshi nokuya bepa Ahabu? Pantu pesamba ya Cipuna apa pali kasesema, uwacishinka kasesema, ishina lyakwe ni Elijah. Kabili ena na sesema pa Cebo Candi kabili atile ukuti, “Ulya Ahabu umubifi, pantu alipeye Nabothi, imbwa shika myanga umulopa waulya umwaume umubifi,” kabili ifwe tufwile twacipnga Ico caisapita pantu Ici kale nacisoswa, Ni EFYA SOSA SHIKULU! Cena nacifikilishiwa, ukuba kulya kwine. Kabili ni mumusango nshi ifwe tukacitilamo?”

<sup>201</sup> “Nomba panshi ukufuma ku shakukulika incende sha ba luba, panshi nganshi mukati mwaishile umupashi uleninika, wena watile, ‘Ine nine kabepa. Nga kuti Na Mubombela, Nalaya panshi nde ingila muli uyu kasesema.” Pantu bena bali aba ampana nganshi, bena baleya bomfwefye icintu cimo, neco myumfwile iyinono. “Kabili Ndeleka bena baseseme ubufi. Kabili Ndepanga Ahabu ukuti omfwile balya bamucindikwa ukucila kasesema Obe uwacine; pantu ena ali nokubebeta fyonse ena asosa ne Cebo Cobe, ena ali noku bebeta ifimonwa *fyakwe* ku Cebo, ena akabebeta fyonse ifyacita ku Cebo, kabili nga cena tacili ne Cebo ena teti omfwe kuli ici. Lelo nga i. . . Ine kuti nayabepa aba bambi, kabili Ine nka. . . bena. . . Ahabu alikwata ukucetekela muli cilya icakwampana ukuti babe abaicingilila, eico bena pamo bonse kabili bena bakolongene pamo. Kabili Na lenga Ahabu ukubomfwila, ukuya kunse kulya. Kabili ifyo efyo ifwe tukacitilamo.”

<sup>202</sup> “Les a tile, ‘Iwe kuti waya cicita, iwe uli kabepa wacine; iwe kabiye panshi.’”

<sup>203</sup> Kabili nomba Zedekiah amulangwile mu kanwa, atile, “Iwe waciba kwi. . . ?”

<sup>204</sup> Atile, “Iwe uli noku sanga ilyo wikele mu muputule wamukati.” Uh-huh.

<sup>205</sup> Atile, “Kabiye pamulu!” Zedekiah atile ku mfumu. Atile, “Kabiye pamulu kabili ubwele umutende!”

<sup>206</sup> Ahabu atile, “Sendeni uyo mwaume kabili nokumuposa mu cifungo. Mubikenimu makusu, mu mulishe umukate wa bulanda na menshi ya bulanda. Kabili ilyo Na bwela nokucimfya kwandi ukufuma kunse kuno, ifyo ba kasesema bandi nabanjeba ukuti ‘uku kupuputulwa kwena kuli nokucitika mucine,” atile, “Ine ndi nokmubomba ulya mwaume!”

207 Umfweni kuya shalikisheko amashiwi yakwa Michiah kuli ulya muntu: “Nga cakuti iwe ukabwela napanono, ninshi Lesa tansoseshe ine.” Amenii.

208 Mwamona, Lesa alikwata inshila Yakwe acitilamo ifintu. Aba abaume batontonkenye bena ukuti balebombela Lesa umulimo. Beni abacenjela! Te myumfwile, te kuposako amano, te fyakwelenganya, leo cena cifwile ukuba “EFYA SOSA SHIKULU,” kuti caba icalungama. Cisuma, nangu cali. . . Ifwe twasanga ifi fintu nge fifine.

209 Lolesheni nomba ilyo Davidi apangile ukusosa kwakwe ukukalamba, kabili cena camoneke kwati cena naciwama, icintu icisuma ukucita. Nomba ifwe twasanga ukuti (Bushe Nde munasha? Bushe Nincelwa ukukwata umbi?) bena balipangile ukusosa ukukalamba, ena ta ipwishe kasesema.

210 Nomba, onse umuntu alishiba ukutilla Amos 3:7 yatile ukuti Lesa alilaile ukuti Ena teti acite icintu nangu cimo kano abala Ena asokolola kuli kasesema Wakwe. Ukupita mu nkulo yama chalichi ifwe twalikwata ba kacinja; lelo alaile kuli Malaki 4 ukuti kukaba kasesema munshiku shakulekelesha (pantu cifwile calingana no butantiko, mwamona) cibe mpela taila isa.

211 Ilyo Yesu talaisa kukesha pakubalilapo, Eliya aisa, Eliya wamu Malaki 3. Mateo 11 alisisa ico, “Nga imwe kuti mwacikutuluka ici, uyu ewa soselwepo, ‘Moneni, Ine nkatuma Iyandi—Iyandi inkombe uku Ntangilila.’” Nomba, Ena ali seseme, bonse abamasambililo ya fyabukapepa bacetekela ico: ukuti mubushiku bwakulekelesha, u Mupashi wakwa Elijah uli nokwisa, nao. Wena ufwile waisa imiku isano, Lesa alabomfya uyo Mupashi: Elisha, Eliya, Yohane Kabatisha, kabili ne chalichi ca bena Fyalo, kabili na ba Yuda mu Kusokolola ne chapitala Iya 11. Ulo, Lesa u-l-u-c-e, i-c-i-c-e-t-k-e-l-o, Y-e-s-u, Yesu i-i lembo lisano [Mucingeleshi amashiwi grace, faith, na Jesus yonse yakwata amalembo yasano—Kapilibula.] Tatufwile twalekela pali ine tufwile twalekela pali isanao. Mwamona? Lolesheni!

212 Nomba, Ena ailale ico, eico cabika Baibele bwino bwino fye kuli buno bushiku, kabili Sodoma na Gomorrah. Kabili Eliya taali. . . Uyo tali Eliya; Uyo wali Mupashi wakwa Lesa pali Eliya; Eliya alifye umuntu. Nomba, ifwe twalikwata ba Eliya, kabili ama koti yaba Eliya, kabili ne mingila ya ba Eliya, kabili na fyonse ifyakwa Eliya. Lelo Eliya wa mubushiku buno ni Shikulu Yesu Kristu. Ena ali nokwisa ukulingana na Mateo pe kumi limo na cine lubali. . . Luka 17:30, ni u Mwana wa muntu ali nokuisokolola Umwine pa bantu Bakwe. Te muntu, Lesa! Lelo cili nokwiisa ukupitilla muli kasesema. Nomba, Ena takwete ba kasesema abakalamba babili panshita imo ine, nakalya, muno mu calo. Mwamona? Nangu kube ifya. . . babili—imitwe ibili teti. . . Cena cifwilefye ukuba umo umutwe. Lesa afwile ukusenda umo umuntu pesamba ya butungulushi

Bwakwe. Mwamona? Kwaba Lesa umo; kwali Taata, Mwana kabili Mupashi wa Mushilo, lelo Lesa umo ukupita pali fyonse ifi, lolesheni, kabili kubomfyafye ama ofishi. Ifyo fine eflyo Acita na Eliya, u Mupashi wakwa Eliya; Ena abomfeshe ulya Mupashi, lelo umo wine Lesa ukutungulula Ici yonse inshita ukufikilisha i Cebo Cakwe.

<sup>213</sup> Nomba, lolesheni muli ici nomba, Davidi atontonkenye ukuti ena alikwete fyonse mu mutande. Kabili ena asubilwe. Moneni ifyo Mupashi wa Mushilo winga suba umuntu? Lelo cili nokuba mu mutande wa misubile. Umupashi wa kunse kuti wa subwa na Mupashi wa Mushilo, kabili umweo uli uwafita nga manenekela. Imyunga imena na menshi yamo yene ayakuula... ayabika umweo mu ngano, eyabika umweo na mu myunga; lelo pesamba ya myunga, mweo wa bu myunga. Yena ilesangalala, noku balula nokukwata umweo, kabili ilecita fyonse ifyo ingano icitako, lelo *umweo* yauko wena *myunga*. Mwamona? Bakafundisha babufi kuti baima, belefunda fyonse ifya bulesa patatu kabili fimbi ifya shala, kabili ukusubwa no Mupashi wa Mushilo, kabili ukubombafye ifisungusho kwati ni filya i Mbila ya cishinka icita. Lelo ku Cebo apa, ifyo ecicita ifyo. Mwamona ifyo Ine ndepilibula? Nomba, cilifye bwino ukufundisha ici, Ine ndeelenganya, Ndi—Ndi mwi hema ya filonganino fyonse luno lucelo, muno—muno mung'anda ya beni pano.

<sup>214</sup> Lolesheni, loleni ifyo tulesosa. Nomba, ukuba, umfweni. Davidi alikwete yonse imyumfwile iyo ukupuputulwa kwakwete. Lolesheni! Bena balibilikishe balipundile, bali shanine, balikwete cimo ukufuma muli kulya ukusubwa. Mucine balikwete! Fyonse ngo kupuputulwa kwa cishinka, lelo, imwe lolesheni, Lesa talimo muli ici. Lesa talimo muli ici. Ena alikwete kasesema naikala mulya mwine mu calo. Bena nga balishibe. Mwamona? Davidi alingile ukwishiba ico.

<sup>215</sup> Cimo icintu ileelo, ifwe twalikwata yonse imibombe, nga ifikalamba ifilonganino, imisonkano sha nshita shesu, lelo ifya kufumamao file fumafye nga fintu cali kale; ifyakufumamo fyesu no misonkano yesu iikalamba, kabili na fyonse ifya matontonkanyo yesu, ifikalamba ifikulwa fyesu, kabili ifikalamba ifyesu... ifikulwa amakana, kabili ukulunda ba membala ne fintu, icicisa mukubafye cimo cine, fyonse filafilwa. Ine nshile sosa ukuti kuibela, Nde sosa ukuti tufwile twaba abacishinka kuli Lesa, Uyo i Buuku Ine ndeiminako luno lucelo. Mwamona? Fyonse fila filikwa, ifi fumamo fimo fine.

<sup>216</sup> Nomba lekeni tumone ifya citike ilyo Lesa (mu nshita Yakwe ne nkulo) naba kasesema Bakwe taba baposeleko amano, bale shintilishafye pa masambilio ya mipepele, bashimapepo, ifya ciilonganino, nga fintu ifwe tucita ileelo. Nomba, mukumfwikisha. Ici conse calyonaika. Nga uwacishinka Mupashi wakwa Lesa kulya, Wena uli nokucilangilila ici mu

Cebo; tencendefye imo mu Cebo, i Cebo conse ca nkulo yonse. Mwamona?

<sup>217</sup> Ubushiku bwa Pentecosti, Mupashi wacitwelefyeye muli Cilya, kuli Yoeli 2:38. Mwamona? Mubushiku bwakwa Luther, Wena wacitwele muli Cilya; Wesley; mu kushalikisha ukwenda kwa Pentecosti; lelo ino ni nkulo imbi, ubwite buliko kwita Nabwanga ukufuma. Te makana yabili ayapita pa Pentecosti, nangu ukubwekeshapo, nangu ukubwela. Pentecosti . . .

<sup>218</sup> Mupashi wa Mushilo aali muli Luther, Mupashi wa Mushilo aali muli Wesley; ici Cebo cakwa Lesa cile subwa. Kabili Mupashi wa Mushilo abwelele ku bantu aba nkulo kabili batampile ukukwata ukubwekeshapo ifya bupe. Bena basangile ukuti, pakuipela abene kuli Lesa, Mupashi wa Mushilo asosa mundimi ukupitila muli bena. Bena babikile amaboko pa ba lwele, kabili bena balepola. Bena bashanine mu Mupashi. Mwamona? Iyi yali ni nkulo yaba Kacinja ukubweshwa ichalichi mu mutande. Kabili umutande wakushalikisha wali waku bika ifyabupe mu chalichi; nga fintu Luther abikilemo ukulungamika, Wesley abikilemo ukushishiwa, Pentecosti abikilemo ifyabupe. Lelo nifinshi bena bacitile? Icilubo cimo cine, nge cifyalilwa alenga umupeti wa ngano, bena balipangile icilonganino, ico icli ukulwisha Lesa, ukupusana kuli Lesa.

<sup>219</sup> Nomba ifwe twasanga ukutula ilyo . . . Nomba iyimipeti nga yakolongana pamo, yena ipanga amatontokanyo yayako. Kabili nangu . . . Ilyo “icipya icakulandapo” nga fintu bena baita iyi, yafuma ukufuma muli ba Assemblies of God, bena ninshi bacitile? Bena taba cipokelele Ici. Nangu cibe Icishinka ca shani, ulubatisho mwi Shina lyakwa Yesu Kristu, bena bali niba Cisaka ca Calo. Umuntu alingilamo nokuciteka, Mupashi ali bashile. Nacilungama! Kabili nomba icicaishile bako . . . Ine nalilandapo na bamo abacilapo bakatungulula; bena batila, “Ukuba, ifwe kuti twaishiba finshi?” Bena kuti bailenga insoni abene. Ilyo, bena balishiba ukuti Cishinka; nga bena tabaishiba, bena baliba impofu shaku mupashi kabili ababula ukwishiba Baibele. Teku sosa mukuba uwabipa, nomba, ukusosa mu mucinshi. Pantu, takwaba incende muli Baibele umo umuntu onse bamubatishe ukubomfya amashina, “Taata, Mwana, na Mupashi wa Mushilo.” Kabili tabatalile ababomfyapo mpaka panuma inshita ya cisaka ca filonganino fyapusana pusana, ichalichi lya Katloika wa Roma. Katukumene yabo ilangisha icintu cimo cine. Ico masambililo yamu Katolika! Te fyasuminwa fya mu Baibele, lelo masambilisho yaba Katolika. Kabili imwe ba Methodisti mwafumishe ba katukumene benu kabili na fyonse nga fintu bena balecita, munshita muleya mulekula ukufuma muli ici. Lelo nomba ilyo imwe mwaisa kuli ba Pentecosti, kabili ukwanshika yamo pali aya maambilisho, imwe mwalikete kuli yena na nomba.

<sup>220</sup> Lelo nomba kwita-Nabwinga, nomba elyo Ifikakatikilo Cine lubali fyalisulwa, nomba ilyo ifyapwililika ifintu ifyo bakacinja bashile fifwile ukwisuka; kabili ni Malaki 4 yeka inga cita ico, pantu cisenda ubusokololo ukufumafye kuli Lesa ku muntu ukucita ico. Ico nacilungama! Bwena teti bwise kwi bumba, tawabala wisapo. Umuntu umo! Ifyo efyo Lesa alaile mu cinshingwa ca kwisa ukusenda Nabwinga Wakwe, ni Eliezer. Mwamona?

<sup>221</sup> Lolesheni ilyo ba shimapepo, bakapyunga, kabili nabambi, bakwata ukusubwa kwabo, kabili mucine ukusubwa. Davidi ali subilwe. Baibeke yalisosa ifyo. Lelo, mwa mona, ena aiile munshila ishalungama. Ena atwele ukusubwa kwakwe ku lubali lwalubana, ku bantu kabilina fintu baletontonkanya, kuli ba kasomo, ifyo bena baletontonkanya, mucifulo ca ku nshila yakwa Lesa ukufwaya ukwishiba ifyo EFYA SOSA SHIKULU yali, “Bushe iyi ninshita ya ifi? Bushe ninshita ya ifi? Bushe ubu bufwayo wakwa Lesa?”

<sup>222</sup> Nomba, nga ena ni kasesema wa cine uwakwa Lesa, ena akaya kuli Lesa pakubala, atila, “Taata, bushe finshi ifi?” nga fintu Natani acitile inshita imbi kuli Davidi.

Davidi atie, “Bushe nacilungama kuli ine ukwikala mu ng’anda ya cedari, kuli icipao cakwa Lesa mwisamba ya ma tenti kunse kuno?”

<sup>223</sup> Kabili moneni kuli Nathanaeli, atile, “Davidi, cita fyonse ifili pamutima obe, pantu Lesa ali naiwe. Iwe uli cipe casubwa icakwa Lesa.”

<sup>224</sup> Lelo ukuba kasesema, ne cilubo cakwe, kabili Lesa aliba uwashingamwa kuli kasesema Wakwe. Bulya bushiku Ena amoneke kuli ena, atile, “Kebe umubomfi Wandi Davidi, Ine nakumbwa ukukosa ukukana tina kwakwe, Ine nalimutemwa pali ici, pantu ena muntu uwaba uwakufwaya Ine umutima Wandi, kabili Ni njishiba ukuti ninshita ya cipao Candi ikaba muli uyu musango, ukubikwa mwisamba ya cintu, lelo Ine fye. . . Iyi teshita yaiko ukuti ici cicitike. Nka leka umwana wakwe akacite cena, lelo Nsha kaleke ena akacite ici.”

<sup>225</sup> Nomba apa paisa Natani na, “EFYA SOSA SHIKULU, Davidi, ubusokololo ubukalamba iwe wakwete bulu ubwalubanafye nga lilya iwe waletete icipao.” (Uh-huh! Uh-huh! Mwamona?) “Imwe mwicicita ici. Imwe mwicesha ici! Lelo Lesa atile Ena ‘akaleka umwana obe umwaume ukucita ici.’” Apo! Mwamona? Apo muli imwe!

<sup>226</sup> Davidi alisubilwe pa kulanda ukuti pantu kunuma ena alicimwene ici, nga ifyo Abrahamu afwaile Umusumba pe sonde. Na mwishiba, ena aleufwaya pantu ena ali nokwikalapo ubushiku bumo, Abrahamu ali, muli ulya Musumba. Kabili ena aleshinguluka aleufwaya wena. Kabili palya pene pa mushili umo wine apo ena afwaile, wena walifye pamulu wakwe ilyo,

kabili ena akabwela mu Myaka ikana limo kabili ena akekala mulya mu Musumba. Lelo ukuba kasesema, ena ali lashikwe no kusubwa, ena alishibe ukuti kwaliko Umusumba kumo ukuntu, kabili ena aleufwaya uyo. Lelo, imwe mwamona, bonse ubusokololo bwa ici bwalifishilwe kuli ena. Ici tacali ca nkulo yakwe. [Pali tepu tapali amashiwi—Kale.] . . . ukuya panshi pali Yohane, uko ena aumwene wena uleikila panshi ukufuma kuli Lesa ukufuma ku Muulu. Uyo ewali Umusumba.

<sup>227</sup> Mwamona, fyonse fifwile fyaba mu munshita yaciko. Mwabyala ing'ano mu nshita amenshi makasa yasunguluka kabili. . . nangu ilyo amabula yapona ku fimuti kabili nokwisa sepa mulusuba ulukakonkapo. Mwamona? Ici cifwile ukwisa pamulu ukupita mu mukpeti, no kwisa pamulu ukufuma mu mipupunga, kabili icipapa, kabili nokuya mu. . . Ici cifwile ukuba mu nshita. Conse icifyalilwa cenda muku twalilila. U Mupashi wakwa Lesa wapangile icifyalilwa, kabili fyonse Lesa neci fyalilwa caba mukutwalilila. Fyonse ifintu ifya bikwa mwi tempele fyali kulenga kwafyo ena amwene mu Muulu.

<sup>228</sup> Imwe mwamona icimuti cilelwisha ukwasha ukwikala, ico cilepilibula ukuti kwaliba icimuti ico cishifwa. Nga mwamona umuntu alelwisha ukuti abe nomweo, ici cilanga ukuti kwaliba ihema ililelelela kumo kuncende ili shifwa. “Nga ili ilya pesonde ihema lya sunguluka ifwe twalikwata limo ililelelela kale.” Umusuma uwa mu Muulu Taata ansuminishe ukwenda kunuma ya cifimbo ubushiku bumo nokulimona lyena. Imwe mwebengi mwalyumfwa i. . . ? . . . Mwamona? Ukulolesha ukupita icifimbo ca nshita. Kulya ici califye cimo cine ifi Ine nde shimika kuli imwe bonse, apo bena baiminine. Imweo iyali panshi pa cipailo, ilelila, “Bushe ni lilali?” Te kashimifye, umo umntu uwakwete amano: “Bushe ni lilali, Shikulu?” Mwamona? Ilyo ifwe tuleumfwa ico nomba, nge nkulo yesu, kwati ni Munyina Bill Dauch uwikele pano ne yaka amakumi pabula-na itatu. Pali cimo icintu icilefuluka ulya umwaice umwaume nakabili. Pali cimo icintu. . . Iwe kuti wapela icili conse. Efyo Ine ningafwaya ukucita ici. Munyina Jack, na ifwe bonse abashala. Ukubwekelamo, Munyina Hierholzer, muno, ukwingila muli ulya umwaume umwaice. Bushe finshi tulecifwaila ukucicita? Ukubwekela ku bwaice nokulabutuka ukushinguluka nakabili? Iyo, mukwai! Pantu ifwe tuleumfwa ukuti kuti twakwata inshita naimbi iya kukatamika uyu Lesa untu ifwe twatemwa.

<sup>229</sup> Kabili mwebatemwikwa mwe babwananyina, Ine nkwete Mbila iyi luno lucelo, kwaliba Icalo kwishilya lya cimana ico beta bena icawama icamuyayaya. Uko ifwe tukamukatamika Ena ukupita mu nkulo, kabili shonse nkulo, kabili u Muyayaya. Mulandunshi imwe muleumfwila ifyo? Pantu itenga lita pe Tenga. Kabili shikulu itenga lileita, pafwile pabe Tenga ukwankula ku bwite ubo nga teifyo teti mube ubwite nakalya. Ilyo takulaba ububumbo, pafwile paba Kabumba pakubala

ukupanga ububumbo, nangu takuli . . . Ico cilelanga filya finefye ifishibilo ukuti kwena kwaliba.

<sup>230</sup> Lolesheni aba ba shimapepo, bonse abafuma mu nshila. Lolesheni ukusubwa, cisuma, tapali icalubene no kusubwa. Cimo naimwe ba Pentecosti, lelo lolesheni inshila imwe muleendamo nomba. Ubushiku bwalicinja apo Pentecosti, cimo icintu cimbi cilecitika. Nga cakuti kwena takwali ba kasesema mu calo, nalimo Davidi ali nalungika. Ico nacilungama. Lelo pena paiminine Nathani, uwashininkishiwa, uwalashikwa, uwabelwente kuli Lesa ena ukuba kasesema.

<sup>231</sup> Lolesheni! Icipailo ca mu Baibeke lyonse caliba ica kupashanya ca Cebo kuli ifwe, pantu bwena bwalikwete Cebo cakwa Lesa mu cipao. Kabili cali . . . Lolesheni icipao icyo bena baletele kulya, moneni bena efyo bacitile ici. Yena tabaibikile mu cakubalilapo icifulo ica lashikwa-kuli Lesa. Nomba, Lesa asosele kunuma apa mwi Funde ukuti ici cifwile . . . umusango ici cinga citikilamo, ifyo iyi alaka ifwile ukuseshiwa, kabili abo yena ifwile ukuseshiwa nabo. Lelo, Davidi, mwisamba lya kusubwa kwakwe . . .

<sup>232</sup> Munyinane, iwe taufwile ukucipusa ici. Kabili mwe nkashi shandi, imwe mwebalefwaya ukuba banamayo bakashimikila kabili nafimbi po, imwe mwi pusa ici. Nangu iwe ukusubwa kobe kube shani, iwe ufwile ukwingila munshila yakwa Lesa icapelwa icifulo. Ukusubwa kwakwa Davidi kwalifye bwino, lelo mukucita ico ena aishile ba uwaumfwa bwino kabili ukutoloka umushilwa wa cipimo. Bushe nifinshi ena acitile? Ena atolweke umushila wa cipimo. Mucifulo cakubika icipao mucifulo icakubalilapo, ena aisendela pe celeta ilipya kabili te pamitima ya bena Levi. Cena yali noku sendwa pa mabeya ya bena Levi, ici pamulu wa mutima wabo. I Cebo tacaba mu matontontanyo, Cena caba mu mutima! “Te pe celeta ipya.” Ico cali nicinshi? Bamo . . . Caiminineko icintu cimo icipya, Davidi alicitile ico palya, asosele pa cilonganino conse icingapo. I Cebo cakwa Lesa te cakuba . . . ukusendwa kuli ba shimapepo nangu abakalamba baba shimapepo, kabili nafimbi po, aba mu filonaganino. Cena lubatisho lwa Mupashi wa Mushilo mu mutima wa muntu, kabili te mumasambilisho yamo. Mupashi wa Mushilo cuma ca citemwiko cakwa Lesa mu mitima ya baume na banakashi uku mfwila. Mwamona?

<sup>233</sup> Cali pa mabeya ya ba shimapepo Bakwe, Abakwe ba shimapepo bali bena Levi. Ukuibika pamabeya yaku kuso kabili nokusenda icipao ngefyo, pantu yena yali pamulu wa mitima yabo. Bena balikwete icisendo ca Cebo pa mitima yabo. Amen! Nomba imwe mwakwata icisendo ca cilonganino pa mitima yenu, icisendo ca kabungwe kenu: nga cakuti imwe mukakuula *ici*, nangu ukucita *ico*, nangu ukcita icintu cimbi. Icisendo ca ifyo mukalundapo pabo mwakwata mu cilonganino cenu; mucifulo cakukwata icisendo ca Cebo cakwa Shikulu,

ico ico abantu bakamona i Cebo fye cakwa Lesa kabili takuli nacimbi. Lelo imwe mwali cibika Ici pe celeta ilipya. Mwamona? Bena nabacisenda Ici pamulu pano mu cisaka ca filonganino fyapusanapusana namo, nabacisenda. Ine nshile fwaya ukuba uwasusha, kabili lekeni Lesa angafwe nomba. Ine ndesosafye Icishinka.

<sup>234</sup> Nomba, ukobelwa na masambilisho kabili ifisaka fya filonganino fyapusana pusana, i Cebo, icacishinka i Cebo sha nshita ya ilya nkulo baliisulile, pantu bena balikwete imyumfwile iyngi. Lelo Davidi, uwasubwa imfumu. . . Ena aalini mfumu, lelo aali uwasubwa *imfumu*. Imwe mwatila, “Ine ndi shimapepo, uwasubwa.” Kanshi ikala pali bu shimapepo, wiesha ukuba kasesema. Mwamona? Nga cakuti niwe kasabankanya wa Mbila, ikala kasabankanya wa Mbila.

<sup>235</sup> Ibukisheni Uziah, munshiku shakwa Esaya, imfumu iyaice. . . kasesema umwaice. Uziah ali umuntu umukalamba, umuntu uwasubwa, Lesa alimupalile; ali ipalile umwine. Ee, Ine nalishimikile palwa ico muno panshita imo. Kabili ubushiku bumo ena aishile ba uwaisasabika icakuti ena amwenefye ukuti kuti abula incende yakwa shimapepo, kabili ena asendele umulilo no kuya mukati kucinso cakwa Shikulu. Kabili ba. . . Nomba ba shimapepo basosele kuli ena, “Iwe wicita ico, Uziah!” Lelo ena ali isasansabike. Kasesema teti amwebe nangu cimo. Ba shimapepo balishibe umutande wabo, bena bele sunga umutande wabo, ena atile, “Uyo temutande obe Uziah. Iwe wicita ico!”

<sup>236</sup> Ukuba, ena abebele ukuti “Ba tondolo!” Kabili ena aile no—no mulilo, mukati mukupela ilambo, ukusenda icifulo ca ba shimapepo; ena asubilwe nge mfumu, te bu shimapepo. Kabili balya ba shimapepo bena bale esha ukumweba ena, “Iwe uli mfumu isuma nganshi, iwe walisubwa, Lesa alitupala ifwe ukupitila muli iwe. lelo uli mfumu te bu shimapepo.”

<sup>237</sup> Kabili imwe ba kakumba tamufwile mwaeba kasesema ifyo afwile ukucita, nangu imwe bakasabankanya ba mbila ukweba kakumba. Mwamona, cila muntu alikwata iofishi ilya ishibikwa bwino bwino.

<sup>238</sup> Eico ena aingile mukati no mulilo, kabili ena apuminwe ne fibashi no kufwa.

<sup>239</sup> Nomba apa pali Davidi, imfumu. Davidi aleesha ukucita icintu cimo cimo apa. Ena alicisendela palwa lwakwe umwine. “Ukuba, ico cilifye bwino, kabuye uleya.” Alolesha ukushingulusha amenso mubantu, “Iwe watila shani, kasomo? Iwe ukwete amakana ikumi.”

<sup>240</sup> “Ubukata kuli Lesa, Davidi, Ine ndeumfwa u Mupashi.” Oh, ena aliumfwile! Ena aliumfwile Wena. “Bushe iwe uletontonkanya cinshi, Davidi? Bushe uleumfwa Wena?”



241 “Ubukata kuli Lesa, Cena nacinshinguluka ine! Lekeni tucibebete ici kabili ukumona nga ici nacilungama, lekeni tumone. Bushe nikwi uko icipao calinga ukuba?”

242 “Na ifwe! Calinga ukuba pakati kesu.”

243 “Nibani ifwe tufwile ukwipushako? Mucine, icipao.” Cimo cinefye nga filya ulya umushili wali wakwa—wakwa Israel tebena Peliste. Ico nacilungama, bena bene ba ici. “Kabili nga ilyo Ine naumfwa ukusubwa, naine.”

244 Ba kasomo ba myanda, lonse ulukuta, “Ubukata kuli Lesa!” Bena balitotele, kabili bena balibilikishe, kabili bena bali shanine, kabili batolweke pamulu-na-panshi.

245 Bena balikwete Mupashi, Lelo nifinshi imwe muletontokanya Taata aletontokanya? “Ifyo Ine natuma Nathani, ulya kasesema panshi palya! Bena balishiba ifya kucita kabili nao Davidi alishiba, kabili ena alifye uwa umfwa bwino kabili nokutoloka ukutoloka umushilwa wa mupaka kabili aile no kucita *ici*.”

246 Cisuma, lolesheni, “isendeleni Yena pama beya” efyali ubutantiko bwakwa Lesa ubwakubalilapo. Pena pali ba *ufwile* basano. Ine ndefwaya imwe mulembe ifi, nga imwe muli. . . Ine namona ukuti imwe mulelemba.

Kabili ili ba miniti amakumi yabili, amakumi yabili na yamopo ukucila pali teni, eico Ine nalaesha ukupwisha ilyo eleveni koloko tailafika, nga kuti cacitwa. Ine nala endesha ifyo ningangufyanya.

Nangu umuntu abe uwacishinka shani umuntu kuti alebombela Lesa umulimo, nangu ube uwacishinka shani, nangu waba uwasuba nganshi, nangu cibe ni Presbyterian, Babtisti, Pentecosti; nangu ube umukalamba waba kapyunga, umukalamba, onse uo imwe mwingaba, kakumba, kasabankanya wambilansuma, kasesema, onse uo imwe mungaba; kwaba yasano ama ufwile ayo ayafwile ukuti yamonwepo pakubala. Nangu ukwate ukusubwa kwashani, nangu ku moneka bwino shani, ifyo abantu balebilikisha, fyonse ifyo Mupashi alecita, kuli *ufwile*.

247 Nomba, mwe babwananyina bandi, ilyo imwe mulepekanya ama pepala yenu, bushe kuti mwakutuluka nomba mulandunshi? Nomba ibukisheni, imwe bonse mwatontokanya, kabili fyali fundwa pakati kenu imwe, takuli. . . (mwamona, Ine nde sosa ukupita mu calo). . . ukuti Ine nsha cetekela mu ku sosa mundimi. Ine nalicetekela mu kulanda mu ndimi, lelo imwe kuti mwa twalilila ukulanda mu ndimi lelo tamwakwata Mupashi wa Mushilo. Abena Kolinto Yakubalilapo 13, yatila, “Nangu Ine nasosa mu ndimi sha bantu na ba malaika, Ine nshilaba cintu.” Mwamona? Uko kusuba kwa kwa Mupashi wa Mushilo, ico tacikwete nangu cimo no mweo obe uli mukati kobe. Iwe kuti walanda mu ndimi kabili ukukana i Cebo.

Ine nalicimona cacitwa, kabili imwe mwacimona naimwe. Mwamona? Umwanakashi kuti ashimikila i Mbila kabili... Mwamona? Bena kuti bacita fyonse... Bena babeya umushishi wabo, kabili uku bilikisha mu ndimi kabili na fyonse ifyashala. Uh-huh, ico cili bwino bwinofye icalungama. Iwe ufwile waitantika bwino ne Cine ica Cebo.

<sup>248</sup> Lolesheni! Nangu umuntu abe uwa cishinka shani, nangu ena abe uwa bomfeshiwa apakalamba kuli Lesa, nangu abe uwaba shani, ena afwile ukuba ici: afwile ukuba... Icintu ico alelandapo cifwile caba icakulungatana na Baibele. Umuntu umo atile, “Ukuba, Mose kunuma uko.” Ine ninjishiba ifyo Mose acitile, lelo ifyo temicitile yakwa Lesa ileelo. “Ukuba, kunuma kulya, imyaka amakumi yatatu yapitapo, Luther atile...” Ico kuti caba bwino, lelo ifyo tefyo Ena acita ileelo. “Ukuba, imyaka amakumi yane iyapita, Pentecosti yaponene.” Lelo ifyo tefyo Ena alecita ileelo. Mwamona? Ici cifwile caba munshita yayana.

<sup>249</sup> Cena cifwile ukuba mukulingana na Malembo. Cena cifwile caba mu nshita, ica bubili. Ica butatau, kabili cifwile caba ukulingana nenshila iyo i Cebo cakwa Lesa casoselemo ukuti efyo cikaba.

<sup>250</sup> Kabili iwe watila, “Ubukata kuli Shikulu! Mupashi wa Mushilo walipona pali ine, alleluya, nga filya Wacitile pa Bushiku bwa Pentecosti.” Lelo ico kuti caba icapusana ileelo. Wena waponene pali Davidi, nao, bushe tacacitile ifyo? Mucine, Wene walicitile ifyo. Waponene pali Uziah, lelo cali lubene! Mwamona, imwe mufwile ukuya mukushika ukucila ico nomba. Mwamona? Imwe mufwile ukuya mukushika ukucila ico. Nomba mwiumfwa aba cenwa, ukubafye—ukubafye aba mucinshi.

<sup>251</sup> Kabili lolesheni, kabili ici cifwile ukwisa ku busalo bwa muntu wakwa Lesa. Te busalo bwa cilonganino, te busalo bwa bantu, lelo ukulingana no busalo bwakwa Lesa. Kabili nga ni mbila ukufuma kuli Lesa, ubusokololo ubukalamba ukufuma kuli Lesa, bufwile bwaisa kuli kasesema Wakwe. Nomba, nga mulefwaya Amalembo palwa ico, ni Amosi 3:7. Mwamona? Nomba, ici cifwile.

<sup>252</sup> Paba ifintu fisano ici cifwile ukuba: Ici cifwile caba mu micele. Ici cifwile caba pa nshita Lesa atile cikabelapo. Ici cifwile calembwa mu Cebo cakwa Lesa. Cifwile caba mu micele ya nshita yakwa Lesa. Kabili cifwile caba ubusalo bakwa Lesa.

<sup>253</sup> Kabili Lesa takabila umuntu onse pali ifwe ukupilibula i Cebo Cakwe, Lesa Ena Umwine e Kapilibula. Ena takabila ama sukulu yesu aya masambililo yabukapepa ne cicetekelo. Ena takabila amano yesu, ici buwelewele. Mwamona? Efa alikete ico, uh-huh, kabili alipushile Ubupilibulo na mano yakwe.

<sup>254</sup> Watila, “Oh, mulumendo, ulya mulumendo muntu wa salapuka.” Ukuba, ico tacilepilibula icintu nangu cimo. Mucishinka. Ahabu ali umuntu uwa salapuka. Belteshazzar

ali umuntu uwa salapuka. Satana ali nincenjeshi kabili uwabula umucinshi, uwashupa ukusanga mumano, tapali nangu umo pali imwe enge minina kuli ena, nangu umo nakalya.

<sup>255</sup> Ine nshi shintilila pa... tapali... takuli amano, shintililenifye pali Lesa. Mwamona? Bushe Lesa aba shani? Ena e Cebo. Kabili nomba bushe Lesa Alapilibula i Cebo Cakwe? Umfweni mukupalama nomba, mwi pusa ifi fintu. Bushe Lesa Apilibula shani i Cebo Cakwe? Mukucipanga Ici caisa pita, te *cimo* fye apa, lelo, *conse* ica miecele iyo.

<sup>256</sup> Tekutila, “Noah kabiye kunse nokuya shimikila, iwe walisubwa,” lelo, “Kula ubwato, bikamo ifiibi muli bwena, bukule muli *iyi* nshaila, kabili *iyi* nshila.” Nga cakuti ena abikile iciibi pa mulu mucifulo ca pesamba? Nga cakuti ena abikile insolokoto pe samba, iciibi pa mulu? Mwamona? Ici cifwile ukulangililwa munshila ya nshita, pantu ifyo bwino eflyo Lesa ali nokucibomfya ici. Ici cifwile ukuba muli iyo nshila, kabili ici cifwile ukwisa no kusubwa.

<sup>257</sup> Ine nalyumfwile umwaume atila panshita imo, atile, “Ine nalicetekela ulya muntu alapepelela abalwele, Ine ndecetekela cilifye bwino. Lelo mu kuba kasesema,” atile, “Ine ndecetekela ni kasesema wakwa Lesa; lelo nga kafundisha, mulandunshi, ena ni ‘Yesu eka.’” Musango wa... Musango nshi wa muntu enga kwita ifyo? Umuntu umo teshibe ico ena alelandapo.

<sup>258</sup> Ishiwifye Iya *kasesema* lipilibula ukuti “ena ni ka sokolola wa Cebo cakwa Lesa,” ubupilibulo bwena bwisafye kuli ico. Kabili ico emulandu ileelo ifwe tulekabila umuntu umukulu uufwile ukutumwa kuli ifwe mu mibele yakwa kasesema Eliya, pantu ici cikaba ubusokololo bwakwa Lesa bulepangwa ukwishibikwa kuli ifwe ukupitila mu kushininkisha, ukulangisha ukuti bwena bushiku na ora kabili imiecele iyo intu Lesa alaile ici ukubamo. Kabili, ibukisheni, ena akasoselwa ukumulwisha; inshita shonse eflyo cena caba, eflyo cikaba. Uwakanwa, nga fintu icipapa cikatinta... Pakubaliapo ena akapokelelwa, pantu icipapa cikatafye ingano mpaka yena yatampa ukufika ku kasuba. Pentecosti ika fimbako i Mbila, ukuipela Yena icibi caisuka mpaka Yena ikasalangane, kabili nomba icipapa cika fumako ukwibulwa, kabili ingano ikalambalala mu Kubapo kwa Mwana, mwamona, ukuti ipye.

<sup>259</sup> Kwena takwakabe ifilonganino, ibukishenifye. Munyina Jack uyu we lyashi lyakale, mwebengi muno mwaliba. Kwena takwabapo ukupuputulwa lelo mukupalamina ne myaka itatu ukufuma pa kupuputulwa bena batampile icilonganino pali ico. Bushe ico nacilungama? Kabili ici iciliko icisungusho cakushalikisha kwenda kwakwa Lesa munshiku shakushalikisha, napapita imyaka amakumi yabili; kabili ma milioni ba mailoshi ukufuma ku cilonganino, ukuya ukutali inshita yonse; icipapa ciletinta ukufumako, takuli ukumfwana,

tapali nangu icintu kuli Ici. Mwamoneni? Lyonse ilyo citinta ukufumako kuli Ici. Takwingaba nacimbi icakubako, ici ni ngano nomba. Lelo ifwe twaliba abakatapa katapa nganshi. Uh-huh. Ico nacilungama. Kufwile ukulambalala mu Kubapo kwa Mwana ukuti kube ukupya kwa kusekesha, ico e conse ica ici. Katapa katapa nganshi; ifwe tatwakwata bucishinka, aba mushilo, icintu ico ifwe tufwile twakwata pakati kesu, ukwishiba ukuti Mupashi wamweo uwakwa Lesa, ukwenda mu Cebo Cakwe kabili ukulanga ifwe ifintu, ifileisa.

<sup>260</sup> Ifwe natukwata ababufi ba kapashanya abemine pamulu. Bushe cinshi ico cili nokucita? Ukubepa. Baibele yalisosa ukuti bena kuti baba. “Nga fintu Yambre na Yannesi balwisheshe Mose, efyo cikaba nabo munshiku shakushalikisha.” Mwamona? Bena bacita icintu cimo cine, baisa mucituntulu mukucipashanya Ici, bwino bwino fywe. Mwamona? Beni abacenjela! Lolesheni Amasambilisho yamu Baibele. Lolesheni imbila iyo ikonka ifyo fishibilo! Nanomba imo ine iyakale isukulu ya mbila? Cilabeniko ici!

<sup>261</sup> Lesa atumine ifisungusho ne fishibilo ukecebula amano ya bantu Bakwe. Ilyo Yesu aisa ukuposha abalwele kabili na fimbi, efyali naba kasesema. Bena batontonkenye, “Oh, ubukata, Ena aleisa, Ena ali nokuba umu Fariseo. Ena akaba umu Saduke.”

<sup>262</sup> Lelo Ena atile, “Imwe mwe nkulo ya nsoka na mafwafwa.” Atile, “Imwe muli abakwa wishinwe kasebanya, imilimo yakwe imwe kuti mwacita.” Atile, “Kanofye nga mwalya umubili wa Mwana wa muntu no kunwa u Mulopa Wakwe, tamuli Mweo muli imwe.” Ena talondolwele Ici. Ena tali nokucilondolola Ici. Alleluya. Ico cali ca nshita imbi. Uh-huh. Ena asoselefywe ifyo Ena asosele, “Ine lyonse ncita ico icisekesha Taata, kabili ku sunga i Cebo Cakwe. Ine nga nshicitile ico, Umweo Wandu kabili imilimo Yandi tafilepalana ne Cebo Cakwe ico Ine mfwile ukucita, ninshi mwincetekela Ine, Ine nshili Ena; lelo nga cakuti caba, ninshi cetekeleni imilimo nga cakuti teti mucetekele Ine,” Ena efyo asosele.

<sup>263</sup> Lolesheni nomba aya ama *mufwlie* ayo yafwile ukucitwa.

<sup>264</sup> Nomba, moneni, Lesa tasokolwele ici cintu kuli bena munshila Yakwe iya pelwa, Ena ali cisokolwele ici ku kusubwa, lelo yali inshila iyalubana. Mwamona, ukusubwa kuli nokuya bwino, lelo nga cakuti cili munshila iyalubana, ici cikalubana. Kwati imwe mwabula ulupolopolo no kululasa mukutonta pa cilelaswa, lwena luletonta inshila lwauko ku icilelaswa, lelo akapupu ka mwela kuti kaluputula kunse. Nomba, mu myotoka yenu, imwe mwaya pa musebo, ba mailoshi amakumi cine lubali kabili akapupu ka mwela kamuputa imwe kuti mwatonta ama taila ukuibwekeshapo yena, ukuiposa pa musebo nakabili. Lelo teti ku mpopolopo; tapali nangu cimo palya icakolwelako

amataila, lwena kupusa icilelaswa. Mwamona, ici cifwile caenda mu yakubalilapo inshila.

265 Efyaba ne Cebo cakwa Lesa cenda munshila iya Ciko iya kubalilapo. Takwaba akapupu ka mwela akenga ciputa Ici ukucifumyapo; takwaba icinono icilonganino, nangu cimo, cikaciputa Ici ukucifumyapo; takwaba ukunono ukupakaswa kukaciputa Ici ukucifumyapo: Ici catonta pa cifulo! Kwena kukomapo, nakwena. Kabili nomba Lesa, ilyo Ici cauma pacifulo, Lesa ali noku cishininkisha Ici, “Mulinso-lyangombe!” Uh-huh, bwino bwino fyefye Efyaba asosele ukuti Ena akacita. Apa cili mu Malembo, aya, “EFYA SOSA SHIKULU, ‘Cena cikesa citika!’” Apa cili ici. Mwamona? Apo imwe muli.

266 Nomba, Lesa tacisokolwele ici mu inshila Yakwe iyapelwa. Eico bena baile mukucicita ukufumako ku Cebo Cakwe, kabili ukufumyako inshita, nga fimo fine ifyo bena bacita nomba. Ilyo abantu, temulandu ifyo bena baba abacishinka, besha uku mubombela Ena umulimo kunse ya nshila Yakwe iyapelwa ninshi, bena lyonse bala cifulunganya ici. Nga Balamu, Balamu atontonkenye ukuti ena alebombela Lesa umulimo.

267 Bushe imwe muletontonkanya ukutula Lesa alabepa? Bushe Lesa alitala alulapo amatontonkanyo Yakwe? Ukuba, abantu bacita ifintu kwati Ena alecicita. Ilyo Asosele palwa banakashi ukukana putula umushishi, bena batila, “Ifwe kuti twaputula, Dokota *Wakuti-na-wakuti* alisosele ukuti ifwe kuti twacicita. Munyina *Wakuti-na-wakuti* atile iwe walibafye uwakana-umfwa kubantu.” Uh-huh, uh-huh. Mwamona?

268 “Ukuba, bushe *ici* kuti cacitika? *Ici* ukucitika?”

269 “Ee, uh-huh, *Wakuti-na-wakuti* ewasosele ico.”

270 Lesa tacinja amatontonkanyo Yakwe.

271 Bushe imwe mulecetekela Balamu ali ni kasesema? Baibele yasosa ukuti ena ali. Bushe imwe mulecetekela ukuti ena ali ni kasesema? Nomba, ibukisheni, Balaka aishile kuli ena kabili atile, “Kabiye panshi no kuya tipa aba abantu, pantu bena bali ponse pa cinso ce sonde. Bena tababa ne cilonganino, te calo, babafye abantu aba salangana; kabili ifwe nifwe ba shimucindikwa ba calo. Nomba iwe kabiye kulya noku tipa balya abantu, kabili Ine nkakulipila palwa ici.”

272 Kabili Balamu acitilefyefye bwino bwino fyefye ifyo kasesema afwile ukucita, ena atile, “Ine nshayeko. Iwe lolelifye apa, ukucesha ubushiku, leka ine mone ifyo Lesa alatila cita.”

273 Eico ena aingile mukati, ena atile, “Shikulu, pali abantu bamo kunse kulya abali naine abeshile, balefwaya ukuti ine nje panshi palya kabili ukuya tipa balya bambi abantu panshi palya.” Atile, “Bushe ninshi Imwe mulefwaya ine ncite palwa ici?”

274 Lesa atile, “Iwe wiyako, pantu bena bantu Bandi!”

275 Balamu alifumine, atila, “Bwekelamo ku ng’anda yobe. Ine teti tuleya nobe, Lesa nansosha ukukana cita ici.” Nomba, ico e cakwa Lesa i Cebo cakubalilapo: “Iwe wiya!”

276 Ukuba, nomba bena babwelele, batile, “Iwe nawishiba, shimapepo mukalamba acikana ukmfwa.”

277 “Ukuba,” imfmu yatile, “tukwebe ifyo ifwe twalacita. Ena alekabila indalama shinono, Ine ndecetekela ukuti ico kuti camulenga uksumina ena. Nangu Ine nalamupanga shimapepo wa calo, nalimo Ine nalamupela ena cimo icinti icakucita. Ine nalamupanga umukalamba wa ba shimapepo mukalamba, iwe teti ulande eflyo Ine ningacita. Apa Ine nalakweba eflyo Ine nalacita. Imwe mwebalumendo tamwakwata amasambililo ayafikapo ayakumulenga ukusumina ena nangu cingaba ifyo; ayenu ama ena kabili *tacili* kabili *ukupinga* kabili *ukusenda* kabili *ukwimya*, tayaba aya lungama. Ena tetei amyumfwe imwe, ifwe twalatumako abasambilila panshi abaliko bucilolo.”

278 Bena balile kulya, batile, “Dokota Balamu, *Dokota* Balamu, ifwe tulekuposha iwe. Ine naleta umucinshi ukufuma ku mfumu.”

279 “Mwashibukeni, mwe babwananyina.” Mwamona?

280 “Nomba Dokota Balamu...” Kabili, oh, amashiwi yakubomfya, ifyo yena yaitwilwemo apo. Kabili atile, “Nomba, imfumu isosele ukuti yena ilekusansabika iwe, kabili yena ilekupa no mucinshi ukalamba. Kabili, iwe nawishiba, bena bakupelefyeye impendwa *ishi* ndalama ukusenda uyu mulandu, lelo imfumu itile yena iletamushapo imiku itatu, iletamushapo imiku ine, nga cakuti iwe kuti waciesnda ici.” Elyo, Balamu aishilekwata iminwe yakubaba, ukuba. Ena aishile kwata amano yabuwelewele no ku sesha amatontonkanyo yakwe.

281 Nomba, ibukisheni, ena aitle Lesa kuli ici, uwasubwa, lelo ena aishile sesha Lesa ukufuma ku butantiko bwakubalilapo. Kabili ico bwino bwino eflyo Pentecosti acita! Ukuba abaishibikwa, imwe ba Umo, imwe ba Lesa batatu, pa kwishibikwa imwe mwaishileba ifilonganino ukuti mube abaibela, imwe mwapangile ukwampanya kabili imwe mwalfifwa! Imwe ta mwakabuke nakabili. Lelo imwe mwamona, imwe mwali nokwikalila mu butantiko bwakwa Lesa ubwaku-...Ena amutintile imwe ukufuma muli ulya Musonkano ukumipanga abantu, lelo imwe mwa liampanya nokubwekela muli yamo yene amalushi imwe mwafuma (njeleleniko ine) mo, ifintu fimo fine ifyo imwe mwafuminamo, “Nga filya imbwa ibwelela ku malushi yaiko kabili inkumba ku matipa yaiko.” Ine ndi uwaumfwa ububi ukuti Ine nasosa ico, njeleleniko, ici *tacili* icalungama pa cintamba pano. Mwamona? Ine nacisosafye ico mu mubili. Lolesheni nomba i...ico eco Ine mpilibwile, ukuluka. Ine nga nacisosa ngefyo. I cebo cacibafye bwino, lelo ukubomfeshiwa bubibubi. Mwamona?

Ici cacibomfishiwa mukulungama, lelo ishiwi ili shayana, namwishiba. Amalushi, “Nga fintu imbwa ibwekela kumalushi yaiko.”

<sup>282</sup> Nga cakuti ba Assemblies of God, ici Kalamba Ici Saka bapangile ukwampanya kwa Pentecosti pa cifulo cantanshi kabili nokubengisha umo ukuti bakane ukusuminisha ifyasokololwa, bushe imwe tamwishibe, ba Umo, imwe mwalicita cimo cine? Imwe kuti mwa pokelela i Mbila ya “lubuto lwa nsoka, ubwa Muyayaya ubucingo,” kabili ifi fimbi ifintu ifyaisa mo? Imwe mwaliba aba kakisha ukwampanya mpaka imwe tamuleleka Ici ukupita pa minshi yenu, uh-huh, uh-huh, cimo cine cintu Balamu acitile. Lelo Lesa tacinjishe amatontankanyo Yakwe.

<sup>283</sup> Eico Balamu aile kulya nokutila, “Shikulu, nomba moneni, Ine ninkwata akashita akasuma akakuba umuntu umo. Imwe mwalishiba ukuti Ine naba umuntu ushipendwa, lelo Ine nakwata akashita akasuma ukubapo umuntu umo. Bushe finshi Mwala sosa palwa ici nomba, Shikulu?” Nomba, ena tali nakusosa cilya! Ena alishibe bwino bwino ifyo Lesa atile cita!

<sup>284</sup> Efyo na bonse imwe abo ababatishiwa mwishina lya “Taata, Mwana, Mupashi wa Mushilo,” pali ifi fimbi ifya kuloleshapo ifya mu Baibele ifya linga ukuba muli buno ubushiku, imwe namwishiba ifya kucita Ici, ku cipokelela Ici! Ilyo imwe mwamona Lesa apaololoka ukucishinikisha “Ici Cishinka,” uyo ni Lesa aleilula Ena i Cebo i Cakwe. Lelo imwe mwalacita ici? Iyo, akabungwe kenu tabamuleke imwe mu cite ici!

<sup>285</sup> Abengi ba shimapepo kulya ku Tucson abaleumfwako luno lucelo. Munyina Gilmore, Ine nshakwata icintu nangu cimo ukukulwisha iwe; Munyina Brook, First Assembly, kabili Friendly chalichi. Imwe mwe baume, Ine eko nali lyonse inshita, imwe tamusuminisha ine ukuti njingilemo. Ine... Mucine, imwe teti, imwe teti kabili ukushala mwaba ifyo mwaba. Tamupokelela ubusokololo, pantu mwaliba ifilonganino. Kabili umfweni, nga filya Uzzah aipaiwe pantu ali mwisamba wa kwabufi ukusuba, eico abengi abacishinka abena Kristu balelufya ifyo bapitilemo kunuma muli filya fyafwa ifilonganino, pantu bena balebika amaboko pa Cipao ilyo bena tabalashikwa ukucita ico. Nomba imwe kuti mwacicetekela Ici, nangu ukukana cicetekela Ici, ico cili kuli imwe. Lesa e kapingula wenu. Lesa tatalile ukubwekeshamo i Cebo Cakwe. Ifyo Ena asosele inshita yakubalilapo, Ena alasosa inshita yonse.

<sup>286</sup> Ena alimwebele Balamu, “Wiyako iwe!”

<sup>287</sup> Kabili ilyo Balamu abwelele, atile, “Lelo Lesa, bushe Ine ndeya?”

<sup>288</sup> Nomba lolesheni! Lesa atile, “Kabiye!” Nomba, Ena alimupele insambu ishakuya. Kwaliba ubufwayo munshila

iyakuifwaila yakwa Lesa, kabili tebwakubalilapo ubufwayo bwakwa Lesa. Mwamona ubwafya ena aingilemo?

<sup>289</sup> Kabili onse umuntu uwakula icili conse, akabungwe conse, nangu icili conse kunse ya kuba pa Cebo cakwa Lesa, mucanga usunkana kabili ukapona! Ici cikafwa nga icintu icili conse, pantu i Cebo cakwa Lesa Mubili ulekula uwakwa Nabwinga. Iwe teti ucikwate Ici ulukasa lonse, ukuboko conse, itanta lyonse. Ifi fintu fisa mu nshita yafiko.

<sup>290</sup> Kabili Pentecosti, imwe mwacipanga ukuba icintu cimo, eico imwe teti mupokelele ubusokololo ubupya. Uyo emulandu imwe mwikalila apo pene pantu mwaba kabili ukufwa. Ici cilesela cileya. (Fyafula; nshilefwaya uku minasha.) Lelo Lesa tacinja itontonkanyo Lyakwe, Ukusala kwa ku balilapo lyaba bwino bwino ilyalungama. Eico Lesa tacinja itontonkanyo Lyakwe, Ena lekafye iwe waya mu bufwayo bobo. “Lesa ni Lesa umusuma,” nga fintu Oral Roberts asosa. Ena kabili aba uwakutinya Lesa!

<sup>291</sup> Mona, nga fintu iwe usosa, “Ubukata kuli Lesa, Ine ndefwaya ukusosa mu ndimi!” Ena akakuleka iwe wacita ici, lelo ici tecishibilo ukuti iwe walikwata Mupashi wa Mushilo.

<sup>292</sup> Ibukisheni ifyo Thoma asosele, ulya katwishika umukote? “Kano Ine nakwata icishibilo, nka tonkole iminwe yandi mu Yakwe imisomali, amaboko Yakwe, kabili na mumbali Yakwe, Ine—Ine—Ine—Ine nsha cicetekele Ici.” Nomba, apo imwe muli, icintu cimo cine.

<sup>293</sup> Yesu atile, “Apa uli iwe, Thoma, tonkola amaboko yobe umu nga cakuti ico eco iwe ulefwaya ukwishiba.” Mwamona? Mwamona? Nomba, nga imwe mulefwaya ukuya inshila yakwa Thoma, twalililenipo. Lelo nifinshi ifyo Ena asosele? “Bushe icilambu cabo tacakacilepo abo abashamonapo lelo bena balicetekela.”

<sup>294</sup> Lolesheni, lolesheni, pakucita ici, ena alengele imfwa ya muntu uwali necishinka, ukubika ukuboko kwakwe pa cipao ilyo ena talingile ukucita ici. Umukalamba, uwacishinka umwaume, tontonkanyeni ukusubwa kabili fyonse fyalifye ifya lungama, lelo icipao cale enda munshila iyalubana. “Ing’ombe,” Baibele yasosa, “shaliipuntwile,” te bena Levi. Ing’ombe shali ipuntwile ne celeta lyatampile ukubeyamina kulubali lumo; kabili uwa cishinka umwaume, no mutima wakwe nawisulamo ukutemwa, abikile ukuboko kwakwe pa cipao ukuti acibweshe apo cali, kabili apuminwe nokufwa pantu tapali umuntu uwingekata icipao kanofye umwna Levi. Moneni ifyo Lesa asunga i Cebo Cakwe, ukusunga ukutantika Kwakwe, ukusunga ifipope Fyakwe? Uziah ali puminwe ne fibashi. Apa pali Davidi, onse ukulenga imfwa ya muntu, kabili ubusanso ubukalamba; ukuba uwasubwa no Mupashi, bonse babili, lelo ukufuma mu nshila yakwa Lesa. Bushe ico nacilungama? ena afwile. Oh, ici catinishe



Davidi pepi nokufwa, aitile i—i shina lya ncende, ilyo Munyina Jack belenga ici. Mwamona? Ena ali ali mukonkele palya.

<sup>295</sup> Ni nshita shinga ifilonganino fyacita icntu cimo cine ku ba cishinka aba cetekela. I chalichi lya Katolika, ba Methodist, ba Babtisti, ba i church of Christ, naba Pentecosti, balilenga imfwa shaku mupashi ishingini ne cintu cimo cine. Ilyo Cena caisa, ne fintu ifi, bena basangile... kabili teti baye kuntanshi ukucilapo, pantu eflyo icilonganino cabo cacetekela.

<sup>296</sup> Lolesheni, ileelo, imisonkano ikalamba, cimo cine. Bena taba cita nangu cimo lelo ukubapanga ukucilapo “ukubikapo imiku ibili umwana wa kumbo, ukubipilako ukucila ifyo bena bali pa kubala.” Cibapanga bena ukukoselako, mu cine, ukwisa ku Cishinka. Kwateni umu pali iyi imisonkano yaku puputulwa, kabili bonse baisa ingilamo, konkanyenipo pakashita akanono, kabili babwekelamo ukufuma kabili bena batampa lonse ulubembu nakabili. Baumfwa pa musonkano wa kupuputulwa naumbi, batila, “Ah, Ine nalikwete filya fintu, Ine nalyesha. Tapali icintu kuli ici.” Mwamona? Bena tabaishiba inshila. Taba mona.

<sup>297</sup> Ine nalumfwile uwesu kasabankanya mukalamba Billy Graham, aikele ulucelo lumo pa cakulya ca lucelo ngefi, kabili ena atile, “Ine...” Apa, ena aimya Baibele, mu Louisville, Kentucky, atile, “*Apo* pali icilangililo cakwa Lesa.” Kabili ico cishinka, ulya mwaume alandile icishinka. Ena atile, “Iwe akuya... Paulo alile mu musumba kabili akwete umu uwapilibwike, abwelele panuma ya mwaka umu ukufuma palya kabili akwete amakumi yatatu ukufuma mu wa pilibuka umu.” Atile, “Lelo Ine ndaya mu musumba no kukwata amakana amakumi yatatu abapilibuka, kabili ukubwela panuma ya myeshi mutanda kabili takuli kusanga amakumi yatatu.” Ena atile, “Iwe nawishiba icilenga?” Atile, “Imwe bakashimikila abanang’ani,” atile, “imwe mwikalafye namakasa yenu pe tebulo kabili—kabili nokwita aba bantu nama laya mucifulo ca kubatandalila bena panuma ya cakulya ca mulalio nokulanda nabo.”

<sup>298</sup> Oh, umutima wandi ulepya. Ine natontonkenye, “O umukalamba umwaume wakwa Lesa, Ine nalipata ukukana suminishanya naiwe apa, lelo kashimikila umunang’ani ni wisa pa wakwa Paulo umu uwapilibwike? Ifyo ena acitile, ena amusendele ukumubika mu Cebo, ena amusendele ukumubika mu Mbila, ena amusendele uko ena asangile Lesa; umutima wakwe wali pa mulilo, ena akoseshe icalo pa mulilo! Kabili icintu cimo imwe mucita kuba bika bena mu Babtisti, nangu chalichi ca Methodist, nangu cimo icintu, te cakupapa ukuti tapaba cakoca.” Uh-huh. Ee, mukwai!

<sup>299</sup> Nomba lolesheni ifyo i Cebo ca laya palwa leelo. Lekenit usange nga cakuti ni Methodist, Babtisti, Pentecosti,

nangucinshi, ifya leelo. Nomba imwe kuti mwayabelenga ayenu Amalembo. Sendeni aya Malembo ayo ine ndemyambwila imwe. Ukubikapo no Kusokolola . . .

<sup>300</sup> Nga cakuti Ine nacikwata inshita, Ine nga nacibelenga yena. lelo Ine nkwetefye amaminiti ikumi limo na yabili nangu ikumi limo na yane ayashalako. Ine mfwile na isalila ukulingana ne nshita, pa lebeni, Ine nga kupwisha pa nshita iyalungama.

<sup>301</sup> Moneni Malaki 4, Ukusokolola 10, Ifikakatilo Cine lubali. Bushe Baibele tayasosa . . . Nomba lolesheni! Kwaliko Malaika, Inkombe ukufuma ku Muulu, kabili ne nkombe ya pe sonde. Kabili cila nkombe yali iya nkulo ya chalichi. Ena atiile, “Mu nshiku . . .” mukulanda nomba, “kwaishile Malaika, Inkombe” (ishiwi *malaika*, ishiwi lya Mucisungu lipilibula “inkombe”). “. . . yaikile ukufuma mu Muulu, kabili Yena yabikile ulukasa Lwaiko pa mushili na pali bemba, no kuilapa pali Ena umwikala umuyayaya ukuti inshita naipwa tapali.” Ico nacilungama? Umukola mfula ukushinguluka umutwe Wakwe, kabili nefintu fyonse ifi ifilecitika. Ulya Malaika ni Kristu! Icine cine! Lelo cintu nshi Ena alandile? “Lelo mu nshiku sha kwa malaika uwalenga cine lubali, inkulo ya chalichi.”

<sup>302</sup> Lyonse caliba icalungama pa mpela ya nkulo ya chalichi uko bena bafumishe ico cintu ifyo fine . . . bashimapepo bena balufyenye ifintu mpaka Lesa atumine inkombe, kabili e Mbila yakuli ilya nkulo ya chalichi. Nomba basendele imbila yakwe, pantu ena aikelefye panshita inono, kabili Lesa . . . Nomba basendele imbila yakwe mucifulo cakuti basende iyo yonse pamo na Yena, bena bapangamo i—i cilonganino. Kabili baisa nokupangamo cimbi icilonganino; inkombe imbi, babula umbi.

<sup>303</sup> Imwe bonse mwalimona mwi buuku lyandi, cena cili no kulangwa mu *Nkulo Cine lubali isha Chalichi*, ico Ena anjebele; ico na Ine ndeiminina nge nte kukuba ubunte kuli Lesa kukupingulwa pa bushiku bwa Bupingulo ubwa Ici. Cena cafuma kuli Lesa, te kufuma mukutontontonya kwandi. Lolesheni, pano. Ine natontonkenye—Ine natontonkenye icapusanako ukufuma kuli ico, nga cakuti Nali nokukwata itontontonyo lyandi. Ngefyo Munyina Jack anjebele palwa kwa Malaika palya, icakuti “Ukuti Kristu aali mubili wa bukata.” Lelo tacali ifyo, cena calelanga fye ukuti i Mbila yena intu yalungama, iya bu Shimapepo bwa Cilamo, Ena aali ni Lesa. Mwamona? Icintu cimo cine fye ico Ine nshimikilapo ukufuma mu Cebo. I Cebo lyonse ciba ubunte bwa Cebo.

<sup>304</sup> Nomba, mukwangufyanya nomba, ilyo tuleisa mwi kwisalila mu nshita inono.

<sup>305</sup> Nomba, Ena atiile, “Mu nshiku sha Mbila yakwa malaika uwalenga cine lubali, malaika wa pe sonde, inkulo ya chalichi iyalenga cine lubali, nomba fyonse ifi ifya nkama ifya lufiwa ku numa ukupitila muli ishi nkulo sha chalichi shimbi fifwile fya

sokololwa palya pene.” Cisuma, ico cili fye bwino bwino paco balya ba Malaika basosele. Pano pali Ifikakatilo Cine lubali, nangu ukwisulwa kwa ifi ifya nkama. Kabili kuti mwaesha uku Cikwata ilyo ifyo filonganino tafilakwata. Icapusanako nakufyo bena . . . Munyina, fyena fisalikwa kwati ni kalampa, lelo lyonse efyo ficita ico. Lelo fyena ni nshita!

<sup>306</sup> Nibanga baishiba ukuti ino ninkulo yalenga cine lubali? Soseni ukuti, “Ameni.” [Ulukuta lwatiila, “Ameni.”—Kale.] Inkulo ya Laodekeya, iya cifulefule iyo Lesa alefwisa ukufuma mu kanwa Kakwe. Kabili balafwisa Lesa ukufuma mu tunwa twabo; takwabako inkulo imbu muli Baibele umo Yesu asangilwe kunse aleesha ukokonksha, ukuti abwele engile. Bena bamubika Ena kunse, takwaba ukumfwana. Yesu ni Nani? I Cebo! I Cebo califumishiwe kunse. Ifipapa ukuposwa kunse ya ngano! Ena atiile, “Ine ninjiminina pa mwinshi nokonksha, kabili umuntu onse mu fikakilo kulya aali nokumfwa Ishiwi Lyandi.” O mwe Lesa, kwateni uluse pali ifwe!

<sup>307</sup> Cali ni lilya, lintu umuntu afwile, elintu Davidi nokusubwa amwene cintu alufyenye. O Davidi, iwe kakumba, bushe teti umone amasambililo yobe ayamfwa yantu iwe uleikatililako? Bushe teti umone ico yena yalecita? Yena yaleipaya Uzzah umo. Uwafwa ku mupashi, kabili kuti mwasunguka neco takwabela ukupupututwa; ukuleka abakashi benu ukubeya umushishi wabo, ukupenta pa finso fyabo, ukufwala utuputula; ukutuma abalumendo benu ku masukulu ya bantu *abaonaika*, kabili nefyaba ngefyo, uko citika wa abo babwelela ku mayanda abaume abolungana na baume banabo, kabili na fyonse.

<sup>308</sup> Moneni icakukabila cakwa Davidi: ena aleleta icipao ku ng’anda *yakwe*. Ico tacali musumba ukalamba, ico tecali icifulo, cena cali camu Yelusalemu. Lelo Davidi ena alecileta mu ng’anda yakwe, alefwaya ukupuputulwa ukubafye mu cilonganino cakwe epela. “Oh, nga cakuti iwe uuli Assembly, cisuma. Nga cakuti iwe uuli Oneness, cisuma. Nga cakuti iwe uuli Pentecosti, cisuma.”

<sup>309</sup> Nga fintu umo alandile, atiile, “Munyina Branham, nimumusango nshi iwe ulengelamo bamo ukumfwa kuli iwe?” Atiile, “Ine ndamona Billy Graham, ena aali kwata icilonganino conse mu calo pamo nankwe. Ine ndamona Oral Roberts, bonse ba Pentecosti nabekatilila kuli ena na maboko yabo. Lelo,” atiile, “iwe ulakana icintu conse.” Uh-huh. Atiile, “Ni musango nshi mwi sonde iwe usendelamo uuli onse?”

<sup>310</sup> Ine natiile, “Ni Lesa!”

<sup>311</sup> “Ine ne Shikulu nali cibyalala ici nelyo umufula we sonde taulabako. Ine ndi nokucitapilisha cena akasuba no bushiku kano umo abafumyafye mu ku boko Kwandi,” Esaya. “Ine ndi nokutapilila, Ine nine ne wacibyele ici. Ine nalembele amashina yabo mwi Buuku ilyo no mufula we sonde taulabako,

ukupitila muku mwenwa libela. Ndi nokucutapila cena, imwe twalilenipofye ukwenda. Ndi nokwisusha amenshi, imwe mufwilefye ukucisansa konse konse Ici.” Icalungama. Mwamona? “Ndi nokutapilila akasuba no bushiku kano umo pali bena afumishiwa mukuboko Kwandi.” Mwaumfwa imwe.

<sup>312</sup> Alefwaya kuti cise mu musumba wakwa Davidi, umusumba wa Yerusalemu. Takwali incende iyapekanishiwe iya cena pali ilya nshita, kabili ifyo fine eflyo caba ne leelo. Ifi ifyankama ifikalamba ifyo ifilelangishiwa ne Fikakatikilo Cine lubali, tamwabamo icifulo mu cilonganino icili conse. . . cena kuti caba ukufumamo mukuba icilonganino mukucisenda Ici. Munshila yonse ukufuma kuli Luther kabili nokufikafye kuli ba Pentecosti Oneness, takwabako icifulo ico icinga cipokelela Ici. Nangula umuntu ukuti enga cipokekela Ici no kwikala mu cilonganino cakwe. Ena afwile akonka ingano nangu icipapa, nangu cimo ico ena engafwaya.

<sup>313</sup> Kristu e Cipao cesu, i Cebo. Bena bafwaya icilonganino cabo. Ena tekuti, lolesheni, teti asendelwe pa maceleta ayapya aya filonganino, I Mbila Yakwe teti isendelwe pa maceleta yapya ya filonganino lintu Yena ifwile ukusendwa kabili nokwisa mu mutima wakwa kasesema. Yena tekuti. Ena alaile ico, Ico cena cifwile ukuba ifyo, kabili uyo wine emusango cifwile Ici ukubelamo.

<sup>314</sup> Eico ifilonganino tafyakatale aficipokelela Ici, nangula fyena ukucipokelela Ici. Kabili bena babafye abapofula kuli Ici nga fintu aba Yuda bali lintu babikile Yesu pa capindama, lintu Yesu atiile, “Taata, beleleni bena, bena tabeshibe neco balecita.” Tamufwile ukubasusha, lelo mufwilefye ukutontokanya: nga ngacakuti mwali muli ilya ine imibele pamo pene na menso yenu ayapofula icakuti mulefilwa nokumona pamo na yena nga mwabuka no kumona ico icilecitika?

<sup>315</sup> Kabili bena bafililwe ukumona ukuti Uyo ewali Lesa wabo icine cine. Lintu Ena apeleme palya pa capindama, kabili bena ukwimba 22 Amalumbo mwitempele, amayardi imyanda ibili ukufumako, “Lesu Wandu, Lesu Wandu, ninshi Mwa Ndekelesheshu? Bena balashile amakasa Yandu kabili namaboko Yandu.” Mwamona? “Amafupa Yandu yonse yena yale Ndolesha. Mulandunshi Imwe mwa Ndekelesheshu?” Kabili palya, Lesu umowine uwo baleimba palwa ena, bali impofu icine cine paku popela Ena pa capindama, kabili tabacishibe ici.

<sup>316</sup> Nomba, bushe Baibele tayalanda ukutula ichalichi ca Laodekeya, ico ici tontokanya ukutula cena caliba icikalamba naba membala bacilonganino, ena alinokuba “ubwamba, uwabulanda, umubusu, impofu, kabili nokukana ishiba ici”? Bushe ukuba *impofu* cilepilibula cinshi? Ubu *pofo* cilepilibula kuli ici chalichi ca Laodekeya ngefyo cena cacitile kukupwa kwa chalichi cabu Yuda, impofu kuli Kristu ulya wine bena batwele

panse, uwalekonkonsha, ukwesha ukutila engilemo; “ubwamba, uwabulanda, umubusu, uwapomonwa, impofu, kabili nokukana ishiba ico.” O mwe Lesa, kwateni uluse!

<sup>317</sup> Mulandu nshi ingano tashingalambalala Mukubapo kwa ulya u Mwana kulya, ukumona inshita ifwe twikalilemo? Ee, Kristu e Cipao cesu, lelo inshila Yakwe iyakucitilamo ici. Nomba pano Ena epo ali... Bena balikwete u Mupashi Wakwe cisuma, ifwe twalishiba ico. Bena balolela pali Shikulu, mwamona ubutantiko Bwakwe ubwa kubalilapo pa Cebo Cakwe icakubalilapo mu nshita ya Ciko ukushininkishiwa, ico eco ifwe tufwile ukulacita pali nomba line. Kabili Ena—Ena alasokolola icicetekelo cabo ukupitila mu Cebo Cakwe, ukumona Ena ale shininkisha ubutantiko bonse ubo Ena alaile, tefya butantiko bwa muntu ubwa mufilonganino, te kupanga ba membala aba mu bwato bwesu.

<sup>318</sup> Bena bakwata ubwato bwamu Methodist, ubwato bamu Baptist, ubwato bwaba Presbyterian, Onse umuntu aleya muli ubu bwato pabucushi ubukalamba ubuleissa; “Ubukata kuli Lesa! Ine nabatishiwe mu bwato bwa ba Methodist, Prebyterian, ubwato bwaba Pentecosti.” Kwabafye Ubwato bumo, uyo ni Yesu Kristu, kabili Ena e Cebo!

<sup>319</sup> Moneni, Lesa aebele Kasesema, atiile, “Lya umufungilo,” mu Cipangano ca Kale. Kasesema wa Cipangano Cipyu, Ena atiile, “Lya akali buuku akanono.” Mulandu nshi? Ukutila kasesema ne Cebo bengaba umo! Mwamona? Ubo e Bwato, i Cebo cakwa Lesa.

<sup>320</sup> Lesa alilaya, i Cebo Cakwe, ifyo Ici cili nokufikishiwa kabili nefyo Ici cikesa fikilishiwa lintu asalile Ena Nabwinga Wakwe, nefyo cena cili nokucitwa. Cena cilecitwafye ku cinso cobe, mwi Shina lyakwa Shikulu, kabili neco kupitila mu Cebo icakubalilapo! I Mbila ya nshita-yamu cungulo ilipano.

<sup>321</sup> Nibanga abaleibukisha Haywood lintu ena alembele:

Kukaba u Lubuuto pa nshita ya cungulo,  
Inshila ya Bukata icine cine mukaisanga.

<sup>322</sup> Ee, ubulayo mu cungulo ubwapa Fikakatikilo Cine lubali, ubwa mu Kusokolola 10, Malaki 4, Luka 30 na 10. Belengeni Amalango 4, 4:1 na 4, elyo 25 na 26 ama versi, kabili nokumona ifyo Ena alandile palwa ubu mubushiku bwa kulekelesha. Ici cali ni Mose alelanda kubana bakwa Israeli ukuti “basunge i Cebo conse, tamufwile ukulundako icintu nangu cimo!” Mose, ulya kasesema aali kulya kabili alimwene cilya i Cebo cakwa Lesa. Kabili Cena calembelwe kuli ena kabili ica shininkishiwa na Lesa Umwine ukulemba Ici. Ena atiile, “Iwe ufwile ukusunga i Cebo conse, tawfwile ukulundako icintu nangu cimo kuli Ici nangu uku fumyako icinyu cimo kuli Ici.” Imwe kuti mwabelenga ico muma versi 25 na 26 ya Amalango 4.

323 Lolesheni! Tamufwile ukulundako kuli Ici, tamufwile ukufumyako kuli Ici; pantu nga mwacita ico, Lesa aka fumyako icipandwa mwi Buuku lya Mweo. Kabili cena cilelangisha ukuti iwe tawali ulubuto Lwakwe.

324 Ibukisheni! Ifintu fyonse ifyo Lesa atulaya ifwe, ifintu fyonse ifyo Lesa asosa kuli ifwe, ifintu fyonse ifyo ififundishiwa kuli imwe mwi Shina lyakwa Shikulu, fyena fyalicitika! Lesa tatala apanga ubulayo bumo ukukana fikilishiwa, lelo Ena alisunga ubulayo bonse ubo Ena alaya, aali tufundisha, yena yaaliba aya Cine. Pali iyi myaka amakumi yabili, Shreveport, Ine nalishimikila kuli imwe ukupitila mu maka yakwa Lesa, kabili no mucinshi wakwa kakumba wenu, kabili Nde mitwala ku fyacitika ileelo. Nangufye ku banakashi abaleka ukukwata abana; umwaume, abana, mufya kupakasa, ubundapishi, ubusesemo, ifintu ifyo ifingacitika, tapali nangu cimo pali ifyo icafilikapo! Nomba, fumeniko kuli ifi ifilonganano, fyena filemitungulula ku mfwa.

325 Samuele aimine ubushiku bumo, kabili bena batiile, “Ifwe tulefwaya infumu, tulefwaya ukuba nge fyalo fimbi mwi sonde.”

326 Bena . . . Samuele atile, “Tamufwile ukubula ilya mfumu. Ena aali nokusenda abana benu abaume na banakashi, kabili ena aali nokucita *ici* na *ico*.”

327 Ena atiile, “Ee, Ine ninjishiba ukuti naulungika.”

328 Lelo Samwele atiile, “Kutikeni kuli ine. Bushe Nalitala ukubulapo shimo impiya shenu? Bushe Nalitala milombapo palwa bwikashi? Bushe Nalitala mwebapo ukutila mufwile mwampela amalipilo yenu pakuti ninga kwata imitingi yenu?” Nomba ipinguleni mwe bene, nangu ni nomba line! Mwamona? Ena atiile, “Bushe Nalitala mwebapo icintu conse mwi Shina lyakwa Shikulu lelo ifisa mukufikilishiwa?” Te cintu cimo.

329 “Oh, ee, Samwele, tawatala atulombapo ulupiya, tawatala aufwaya ifintu ifikalamba. Samwele, ico cacishinka, kabili nafyonse ifyo watufundisha mwi Shina lyakwa Shikulu filesa mukufikilishiwa. Lelo, Samwele, ifwe nangu cibe ifyo tulefwaya icilonganano cesu mi musango onse!”

330 “Nomba kabiyeni nokuya bula ici. Cili kuli imwe.” Ico nacilungama.

331 Kuti watontokanya ukuti ulebombela Lesa umulimo, kabili nga cakuti iwe ulefuma mu nshila ya kwa Lesa mukucita ici, iwe uli nokutwalililapo ukula lufyanya lyonse, ukutwalililapo ukutwalilila. O mwe Lukuta lwakwa Lesa wa mweo! Mukwai eleleni imibele yandi iya ci Irish no musango nsekeshamo, lelo mulibucishinka na muli bumushilo bwa mutima wandi, imwe ba Assemblies bakwa Lesa, imwe ba Oneness, ba Presbyterian, ba Methodist, bonse bantu mwaba, butukeni nokupususha imyeo yenu. Ibukisheni, fumenimo mulya.

Ifyalo fileonaika, Israeli alebuka,  
 (ukuipekanya kuli balya aba shalapo.)  
 Ifishibilo ifyo ba kasesema balandile libela;  
 Inshiku sha filonganino nashifika, pamo na  
 macushi fyatwikwa,  
 “Bweleleni, O mwe basalangana, ku mwenu.”

Ubushiku bwa kulubulwa na bupalama,  
 Imitima sha bantu shilefilwa ku mwenso;  
 Isushiweni no Mupashi Wakwe, bikeni inyali  
 shenu bwino kabili isha kumoneka bwino,  
 Lolesheni pa mulu! ukulubulwa kwenu  
 nakupalama.

<sup>332</sup> Bushe namucetekela ico? Ifwe tuli panshita yakulekelesha, ifwe tuli pano. Ifilembo fili pa cibumba, Ukwisa kwakwe ukwa Cibili kuli mupepi, Nabwinga alesalwa, kabili nokutapilishiwa, nokuletwa.

<sup>333</sup> Nomba, ico tacilepilibula ukufumishiwa mu chalichi, ico cilepilibula ukufumishiwa mufya filonganino. Imwe mufwile ukulaya ku chalichi, lelo tamufwile ukuyampanya ku kabungwe konse. Yesu aile pamo no tubungwe tonse, lelo Ena tayampyenye kuli iili yonse. Nangula Ena ukuba ku lubali lwa kamo, iyo nakalya, lelo Ena aali pakati kabo. Apo epo Lubuuto lufwile ukusalanganishiwa. Kabili nokwikala uwalungama apo pene uli, ukusalanganya u Lubuuto. Mwamona? Ico eco Lesa alekubomfeshapo iwe. Abantu bamitima-ya nsala, lekeni bena beshibe ukuti Yesu Kristu eko aba, abafye cimo cine mailo, Ena efyo aali ileelo; kabili efyo aali nokuba umuyayaya.

<sup>334</sup> Ico kuti cacitwa, umwaume nangu umwanakashi na bucishinka bwakwe, ukwesha bena ukubombela Lesa umulimo, kabili noku citwala mu nshila iyalubana. No kusubwa ukwa cine na Mupashi wa Mushilo pali bena, lelo ukucitwala mukupusa kubutantiko bwakwa Lesa ku nkulo, kabili no konaula icintu conse. Nomba, ngacakuti imwe mwacetekela ukuti ico Cine, soseni ukuti “Ameni.” [Ulukuta lwatila, “Ameni.”—Kale.] Ifwe twacibelengafye Ici. Onaula icintu conse mukukana ishila mu nshila iyapekanishiwa iya kwa Lesa ukuti twinga cicta.

Natupepe.

<sup>335</sup> O mwe chalichi, pano kabili nokuya monse mu calo, kutikeni ku mubomfi wenu uwaicefya muno lucelo. Iwe kuti wacicita? Lolesheni apo imwe mwali imyaka inono yapitapo ilyo ici catendeke; nomba moneni ifyo ifya kupashanya ifyo fyakula pali ici, kabili na mamillioni na mamillioni ayakalamba aya ma dola ifyo yaposwa mu tubungwe. Mwamona? Kabili cabafye icafumako ku Cebo cakwa Lesa. Ifikulwa no tubungwe tafyaba mu musango Lesa atwalilamo u Mupashi Wakwe. Ena acitwala Ici mulya mwine mu Cebo Cakwe, uku Cilenga ukuba ica mweo. Kabili iwe ngawalashikwe ukufuma kukutendeka kwe

sonde kuli ico i Cebo, i Cebo conse cili nokwisa pa mulu wa Cebo. Ngo tupandwa tunono utwa bantu teti tukwate nakambi kamo ka cell ka bantu, kabili ne cakonkapo cimbi ni cell yambwa, kabili naimbi iyakonkapo ni cell yakwa pushi; cili nokuba mu kapandwa kanono aka bantu. Lelo ici cifwile ukukwata aka cipandwa akanono pakubalilapo. Bushe ico nacilungama? Soseni amuti, “Ameni.” [Ulukuta Iwatila, “Ameni.”—Kale.] Ukuba, nga cakuti cena Cebo ca ka cipandwa akanono mukubalilapo, tumbi utwa Cebo tufipandwa utunono fyalashikwe kuku panga umubili uwapwililka.

<sup>336</sup> Tamufwile ukuba abana, mukutemwafye epela, lelo mube abashipa mu Mupashi kabili na mubupingushi. Pinguleni nga Na limweba Icishinka nangula ubufi. Pinguleni mwebene nga cakuti Ici Cebo cakwa Lesa nangula iyo. Pinguleni mwebene nga ninshita iyo ifwe tulelandapo nangula iyo. Pinguleni mwebene ngacakuti ifi fintu fyalilaiwa. Nomba, bushe fyena fyali shininkishiwa nangula iyo? Ukupitila mu fintu ifyo ifishili ifya buntunse mu calo ifwe tulecileka cena capitafye ifyo fine. Lelo Ici cili icaseka kuli ifwe mpaka tule Cileka capitafye ifyo fine. Loleleni, chalici, loleleni.

<sup>337</sup> Nga cakuti muli umo muno lucelo uyo ushaishiba Yesu Kristu, ushiminine uwa lungama muli luno lucelo, imembu shenu shonse nashiya kwati noku bembuka tamwabembwikepo, kabili mulefwaya ukuba muli uyo musango. . . pantu ibukisha, ubushiku bumo, limbi ileelo, limbi mu maniti yasano ayakonkapo, lelo ubushiku bumo uyo umutima uli no kuleka. Kabili neco icaba mukati ka mukati cili nokufuma nokuya mukwiminina Mukubapo kwakwa Lesa mukupingulwa umwabela icintu iwe wacita neyi Mbila muli luno lucelo, umwabela *iyi* Mbila intu iwe wamona. Te. . . Teine ico, Ndi kasoselafye. Ngeci icisoselo icikusha amashiwi yesu, cena teti cisose icintu kano Ndelandila muli ici. Kabili teti Nsose icili conse kano Lesa ewalandila muli cena, lelo mulemona Lesa alicishinkisha ukuba Icine. Iwe ulefwaya ukuba umwina Kristu uwa cine.

<sup>338</sup> Nomba, ifwe tatukwete incende yakwisako abantu ku cintamba, lelo apo pene mwikele. Incende naisula kabili tapali apakupita, ukwisula paa. Ine teti mwite ukwisa ku cipailo, tapalipo icipailo ca kwitilako ukwisa tapali. Lelo icipailo cili mumutima obe. Bushe teti uleke uko ukushinimwa ukunono ukuti “Yesu Kristu wa cishinka” apo pene pantu muli seleni mupepi kabili palamikeneni umubili Wakwe kuli imwe, mubikeneni Ena mu mutima wenu? Nga cakuti Ena tali palya, bushe kuti waimyako amaboko, kabili panga icishibilo kuli Ena, ukutiila, “Shikulu, njisusheni, njisusheni ne Cebo Cenu no Kubapo Kwenu, pakuti Ningejala pambali Yenu”?

<sup>339</sup> Lintu umutwe onse naukontama, nelinso lyonse ilya isalikwa, konse mu calo, imyeniko, amaboko yenu muno mwi



bumba lilemoneka kabili nakulya kunse pamo; kabili Nala mupepelako. Ico ecofye Ningacita, teti Ncisushe ici. Lesa amupale. Ine teti ncisushe ici. Lesa amupale; kabili imwe. Lesa kuti acisusha. Lesa amupale. Amaboko yaleimishiwa muno muli bakomfwa, konse. “Cisusheni. Njisusheni, O Shikulu. Njisusheni.” Kabili nombamba, panuma Ine...Na mutotela, nkashi. Na mutotela, munyina. Lesa amupale. Panuma Ine... Lesa amupale, nkashi wemutemwikwa. Iwe. Panuma...Nde tontonkanya nombamba Ni njikata abacishinka pabacishinka, bale esha ukuba, Ndefwaya ukwimya amaboko pamo naimwe.

<sup>340</sup> O Shikulu, mwileka Mfike kukwiminina shiliili. Konkanyenipo, Shikulu, lekeni Nkane ukwiminina pa cintu cimo, lekenifye mbe uwakwenda ukuya kuntanshi, Shikulu, mpaka ilyo Na pwisha fyonse ifyo Mwa nashikile ukucita. Temulandu no mutengo, temulandu nefikayamo, temulandu no kusushiwa, ifyo ulupanda lwakosa lwena, Nde ibukisha ulupanda ulo Mwasendele.

Eico ulu ulupanda lwa ipelesha Ine nkasenda  
Mpaka imfwa ikandubule ine,  
No kubwekela ku Myesu mukufwala  
icilongwe,  
Kuli icilongwe candi ine.

Bushe Yesu kuti asenda ulupanda eka,  
Elyo ne sonde lyonse lyaya ilya kaele?  
Iyo, kwalibako ulupanda lwa bana Bakwe  
bonse,  
Kwalibako no lupanda lwandi naine.

<sup>341</sup> Mwe Lesa watemwikwa, i Cebo naciya nacifuma. Ici teti cibwelelele ibusha, Cena cikasnga iya Ciko incende kuncende imo. Ngo lubuto nalubyalwa kale, Cena cikacitapilisha mpaka cikamene. Kabili uwinga cifumya mukuboko Kobe, “Bonse abo Taata Ampela bakesa kuli Ine, tapali umuntu ukabafumya ukufuma mu maboko Yandi. Taata Wandi Alimpela bena ilyo takulaba umufula wa calo”; ilyo ukutantika kwalengelwe, nge fyo, Yesu apelwe i Chalichi Lyakwe, Nabwinda Wakwe.

<sup>342</sup> Ici cupo cabufi ica calo, ku filonganino. Mwaishile nokufwa mu calo, Mwa Mulubwile, Mwa Mulungamike, Tacitile pakubala. Ena aliketwe muli cena, impofu. Kabili nga fintu ulwimbo lusosa:

Ine nshita imo nalilubile kabili nombamba Ine  
ninsangwa,  
Ine nshita imo nali mu Laodekia, impofu, lelo  
nombamba Ine ndemoni.

Kabili luse elwa fundile umutima wandi  
ukutina,  
Cali luse umwenso wandi ukupwa;

Ifyo kwawamisha ukumoneka kwa luse kulya  
Akashita Ine nabalilepo ukucetekela!

Kabili amenshi yakwa Lesa yaponene pa mweo wandi. Ine nalipile.

<sup>343</sup> Lesa, pa cipailo icinono ca mutima onse uli pano kabili no ku cinguluka icalo, lekeni amenshi ukufuma pesamba ya cipailo cakwa Lesa yafumfumuke luno lucelo pa Chalichi Cenu; nokuitapilisha Iyi, Shikulu, pantu inshita yena ileya ilepwa. Cipeni Ici u Mweo, Amenshi ya Mweo, ukuti Cinga lambalala mu Kubapo kwa Mwana ukuti cipye ica cikalamba icikulwa cakubikamo imbuto Icenu.

<sup>344</sup> Taata, Ine Na Bapepelako. Lelo icipapa cifwile cauma, eico Ine teti ncipepeleko cena; cena cifwile ukufwa, eico cena califwa. Lelo Ine napepelako Ingano, Shikulu, isho shilepangika mu Mubili wakwa Kristu. Cisuminisheni, Shikulu, ukuti amenshi ayapya ayakwa Lesa yaka sunga amatobo Wayako ukusambwa ne filamba fya nsansa kabili ukukutuluka mpaka icakusombola caisa usenda Wena ku ng'anda. Mwi Shina lyakwa Yesu, Ine nacibika conse kuli Imwe, Shikulu; ifyakufumamo Fyenu. Amen.

[Nkashi apela imbila. Tapali amashiwi pali tepu—Kale.]  
Ameni.

<sup>345</sup> Eico Taata Lesa, twa Mutotela. Kabili, Taata, twapepelako umwaice wesu nkashi, mwafweni pano, ukuti akwate amaka. Ndetontonkanya pa nshita iyo Na—Na endeke mu kubapo kwakwe, ifyo u Mupashi waishile pali ena kabili nokumupela imbila imo ine iyo Malaika wakwa Shikulu apele pa Mumana bulya bushiku: “Nga fintu Yohane Kabatisha atuminwe ukutangilila ukwisa kwa cimo ukwakwa Shikulu Yesu, iwe watumwa ukutangilila ukwa cibili.”

<sup>346</sup> Ukumona ukuti cena caipanga nombamba mu cipandwa ca ngano, Lesa, ifwe tule Mutotela pafintu fyonse Mwacita. Imitima yesu naisula ukucila pa kulanda. Na umfwa uwaikuta nganshi, Shikulu, Nshi shibe fye no mwakulandila icili conse. Lelo ku Mmitotelafye Taata, nakabili, pali fyonse ifyo Mwa tucitila. Ukupitila mwi Shina lyakwa Yesu Kristu.

Nali Mutemwa, . . .

Lekeni tu mwimbile Ena, nombamba. Ibukisheni, Ena ali pano.

Pantu abalilepo Ukuntemwa,  
No kushite pusukilo lyandi  
Pa Kalbale.

<sup>347</sup> Bushe tacilemulanga cena imwe ukumfwa mu cituntulu aba cepa, mucituntulu aba cepa? Fyonse nafilongololwa ukufumya, abaipekanya fye ukuti u Mupashi, mwamona.

Ikatilileni ku kuboko kwakwa Lesa  
 ukushiteluka!  
 Ikatilileni ku kuboko kwakwa Lesa  
 ukushiteluka!  
 Shintilila pa fintu fya Muyayaya,  
 Ikatilileni ku kuboko kwakwa Lesa  
 ukushiteluka!  
 Mwittemwa icuma ce sonde,  
 Ifibola mu kwangufyanya,  
 Kuleni isubilo lyenu pa fintu ifya Muyayaya,  
 (takuli icilonganino, nomba.)  
 Ikatilileni ku kuboko kwakwa Lesa  
 ukushiteluka!  
 Ikatilileni ku kuboko kwakwa Lesa  
 ukushiteluka!  
 Ikatilileni ku kuboko kwakwa Lesa  
 ukushiteluka!  
 Shintilila pa fintu fya Muyayaya,  
 Ikatilileni ku kuboko kwakwa Lesa  
 ukushiteluka!

<sup>348</sup> Nibanga abaleesha ukucita ico? Imyeniko amaboko yenu. Nomba tambalikeni ukwabusha bwino petebulo, ikataneni amaboko yaumo no munankwe, mu musango *ngefi*, capamo. Kuti mwaikalako, ico nacilunga, nangu conse ico mwingafwaya ukucita. Kutikeni bwino. Leken i twimbile ico pamo nomba. Ici cileiminako ukutemwa ukwakwa Lesa ukushiputuka. Na twikatana amaboko yaumo no munankwe pantu twacetekela muli Lesa. Twa ikatana cila umo nomunankwe pantu tuli bamunyina ne nkanashi, Mupashi wakututumya umo wine, i Cebo ca Muyayaya icakwa Lesa ica ikala mu mitima yesu ukuba icasokololwa.

Lintu ulwendo lwesu lwapwa,  
 Nga cakuti kuli Lesa twali abacishinka,  
 Icisuma kabili icabuta icalo cesu mu Lulumbi,  
 Imyeo yesu iya nsansa ikamona!  
 Ikatilileni ku kuboko kwakwa Lesa  
 ukushiteluka!  
 Ikatilileni ku kuboko kwakwa Lesa  
 ukushiteluka!  
 Shintilila pa fintu fya Muyayaya,  
 Ikateni kukuboko kwakwa Lesa ukushi cinja!  
 (Mupashi wakwa Shikulu!)  
 Ikateni ukwakwa Lesa . . .

Leken i mubike amano yenu pali Ena, mwamona. Uyu emusango wa musango ifwe tufwile ukulasangwamo kuntanshi.

. . . ukuboko ukushicinja!  
 Kuleni isubilo pa fintu ifya Muyayaya,

I Cebo ecintu fye cimo ico icaba ica Muyayaya.

Ikatilileni ku kuboko kwakwa Lesa  
ukushiteluka!

Mwifwaisha ukwafye ukwishibikwa kwa lino  
sonde... (Ukulumbuka, amasambililo.)

Ifyo ifileonaika bwangu, (Loleleshi pali ico  
ileelo paco cena cacita.)

Fwayeni ukunonka ifyuma fya mu Muulu,  
Tafyakabale afiloba!

Ikatilileni ku kuboko kwakwa Lesa  
ukushiteluka!

Ikatilileni ku kuboko kwakwa Lesa  
ukushiteluka!

Shintilila pa fintu fya Muyayaya,

Ikatilileni ku kuboko kwakwa Lesa  
ukushiteluka!

<sup>349</sup> [Nkashi umo alandila mu lulini lumbi. Nkashi umbi alanda ubupilibulo—Kale.] Ifyo twa Mitotela Shikulu. Nga fintu ifwe twaikala muli iyi nshita ya bulanda, mupeppi ukubafye kwati cililo, pantu tulolenkene nokushika isonde ililefwa, ilyafwa; icilefwa, icafwa ichalici.

O mwe Lesa, longanyeni ingano Shenu bwangu bwangu, Taata. Iseni bwangu, Shikulu Yesu.

<sup>350</sup> Paleeni abantu Benu konse konse, Taata, tupeleni bucishinka kabili lekeni cikate ku mitima sha bantu. Lekeni tubutuke ico icaba icalubana, twingile mu bunoshi bwakwa Lesa ubwa buci. Tupeleni ico, Shikulu. Sungeni imitima yesu mukutemwa namuli muchishinka.

<sup>351</sup> Paleni abantu Benu konsekonse, Taata. Ilyo ifwe twasha ino ncede lekeni tuye mwi Shina lyakwa Shikulu Yesu ukusosa ico ica cishinka, ico ica Icishinka, ico icli icalungama, lekeni ifwe tukane ico icishalungama, Shikulu. Ilyo umuntu atampa ukutubepa, lekeni ifwe bwangu bwangu tupilibule inuma shesu pali ena, tupilibule inuma shesu pali fyonse ifya tapa, ifya fiko ifyakupulausha kabili ne fintu fya mu calo, kabili ukupilibulafye inuma nokutampa ukwenda. Twafweni, Lesa. Tu bumbeni, tu pangeni, tu tobeni, kabili tupangeni ukuba ifilola fya bana baume na bana banakashi abakwa Lesa ukuti tulecita ifintu na maka ya Mupashi wa Mushilo. Ifwe twali ipela fwebene kuli Imwe, na maboko yesu mu yamubiye, mwi Shina lyakwa Yesu Kristu. Amen.

Na twiminineko. Munyina Nolan.



*UKWESHA UKUBOMBELA LESA UMULIMO UKWABULA  
CENA UKUBA UBUFWAYO BWAUKWA LESA BEM65-1127B*  
(Trying To Do God A Service Without It Being God's Will)

Iyi Mbila na Munyina William Marrion Branham yaletelwe intendekelelo mu Cingeleshi pa Cibelushi mu lucelo, muli Cinshi kubili pa 27, 1965, kwi Senge Iwa mwikulo wa Calo conse uwaba Shimakwebo Abaume pa Washington Youree Hotel mu Shreveport, Louisiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)